

**ЎЗБЕКИСТОН РЕСПУБЛИКАСИ  
АДЛИЯ ВАЗИРЛИГИ  
ТОШКЕНТ ДАВЛАТ ЮРИДИК ИНСТИТУТИ**

**З.М. ИСЛОМОВ**

**ХУҚУҚ ТУШУНЧАСИ, МОХИЯТИ,  
ИЖТИМОЙ ВАЗИФАСИ**

**ҮҚУВ ҚҮЛЛАНМА**

**Тошкент - 2004**

## **УДК 34.01(07)**

Тошкент давлат юридик институти ўқув – услугбий Кенга – шининг қарорига кўра нашрга тавсия этилди (2003й. 24 октябрь, 2 – сонли баённома)

**Масъул муҳаррир:** **М.М. Файзиев**

юридик фанлари доктори,  
профессор

**Тақризчилар:** **Х.Т. Одилқориев**

юридик фанлари доктори

**М.А. Ҳамидова**

юридик фанлари номзоди

**Н. Сабуров**

юридик фанлари номзоди

**Ф. Муҳиддинова**

юридик фанлари номзоди

Професор З.М.Исломов мамлакатимизда ҳуқукий демократик давлат, эркин фуқаролик жамияти асослари барло этиластганини ҳамда унинг негизида янги замонавий гоялар, янгича ёндашувлар шакллангаётганини ҳисобга олган ҳолда, ҳуқуқ ва давлат назариясининг қатор долзарб муаммоларига багишланган ўқув кўлланмалар туркумини яратишга киришди. Қўлингиздаги кўлланмада муаллиф инсон ҳуқуқларини юридик фаннинг бошлангич нуқтаси сифатида эътироф этиш билан бирга, ҳуқуқнинг ўзини тартибга солувчи куч, аникроғи, ижтимоий муносабатларни норматив тартибга солишнинг алоҳида тури сифатида таҳлил этар экан, ижтимоий нормалар тизими, ҳуқукий нормаларнинг ахлоқий ва бошқа ижтимоий нормалардан фарқи, ҳуқуқ ва давлатнинг ўзаро иисбати, ҳуқуқнинг ижтимоий қиммати каби масалаларни атрофлича ёритишга, ҳуқуқ моҳияти, тушунчаси ва белги хусусиятларини теранроқ очишга ҳаракат қилган.

Ушбу ўқув кўлланма ҳуқуқ назарияси муаммолари билан шуғулланувчи мутахассисларга, юридик олий ўқув юрглари ўқитувчи ва аспирантлари, магистратура тингловчилари ва талабаларига мўлжалланган.

**© З.М.Исломов.**

**© Тошкент Давлат юридик институти, 2004 й.**

## КИРИШ

Мустақиллик туфайли қарийб уч минг йиллик тарихга эга бўлган ўзбек миллий давлатчилиги тажрибасини, унинг ижтимоий, иқтисодий, сиёсий, хукуқий асосларини илмий тадқик этиш, уни ҳар томонлама ўрганиш истиқболли вазифага айланди. Айниқса, ўзбек давлатчилиги ривожининг тарихий тажрибасига таяниш, жалқаро хукуқнинг умумёттироф этилган қоидалари устунлигини тан олган ҳолда инсонпарвар демократик давлат барпо этиш конституциявий принцип сифатида Ўзбекистон Республикаси Конституциясининг Муқаддимасида белгилаб қўйилганлиги ушбу масаланинг накадар долзарблигидан далолат беради.

Маълумки, юртимида қарийб бир ярим аср ҳукмронлик қилган чор ҳукумати ва собиқ шўро давлати маҳаллий ахолининг хукуқий-сиёсий билими ва онги ўсишига тиш-тироғи билан қаршилик қилди. Мустамлакачиликнинг ҳамма даврларида туб аҳоли вакилларининг давлат ишларида иштирок этишига деярли йўл берилмади. Барча хукуқ ва имтиёзлар келгиндилар измида бўлди. Ўзбеклар ўз ютида бегонадай бўлиб яшади. Бу, шубҳасиз, хукуқсизликнинг ўта жирканч кўринишларидан бири эди.

Бинобарин, Президент Ислом Каримов таъбири билан айтганда, эндилика «халқимизнинг хукуқий маданиятини юксалтириш давлат сиёсати даражасига кўтарилиши лозим. Зоро, мустақиллик сўзининг замирида ҳам катта, улут хукуққа эга бўлиш деган тушунча ётади. Яъни мустақиллик нафакат ўзини эркин сезиш, ўз ҳаётини қуриш, балки ўз ҳастмамотини ҳал этишда катта хукуққа эгалик ҳам демакдир»<sup>1</sup>. Авваламбор, ички ва ташқи сиёсатни миллий манфаатлар устуворлигини таъминлаган ҳолда юргизиш хукуқига эга бўлдик. Шунингдек, юртимизнинг бебаҳо бойликларига чинакам эгалик хукуқини кўлга киритиш, ундан ҳалқ фаровошлиги йўлида фойдаланишдек иқтисодий эркинликка эрищдик. Колаверса, истиқлолта, озодликка, миллий давлатчиликка эга бўлишга, адолатли жамият қуришга бўлган асрий орзуумидларимизни рўёбга чиқаришдек маънавий хукуқ соҳибига айландик.

<sup>1</sup> Каримов И.Л. Ҳаффиизлик ва баркарор тараққиёт йўлида. Т., «Ўзбекистон», 1998, 29-30-бетлар.

Мана, истиқлол боис мамлакатимизда ҳуқуқий демократик давлат ҳамда эркин фуқаролик жамияти барпо этилаётган ҳозирги даврда ҳуқуқий билим ва онгта, ҳуқуқий маданият, маънавият ва маърифатга бўлган талаб ва эҳтиёж тобора ортиб бормоқда. Шу муносабат билан Юртбошимиз ҳуқуқий демократик давлат ва фуқаролик жамияти барпо этилишини, қонунчиликни мустаҳкамлали ва ижтимоий адолат қарор тошини таъминлаш, шахснинг ижтимоий-сиёсий фаоллигини оширишда ҳуқуқий билимдонликнинг аҳамиятини қайта-қайта таъкидлаб келмоқда. Ана шу гоя ва назарий йўл-йўриқлар унинг қатор асарларида, нутқ ва маърузаларида, жумладан, «Ҳуқуқий тарбияни яхшилаш, ахолининг ҳуқуқий маданияти даражасини юксалтириш, ҳуқуқшунос қадрларни тайёрлаш тизимини такомиллаштириш, жамоатчилик фикрини ўрганиш ишини яхшилаш ҳақида»ги Фармонида ўз ривожини топиб келаётганлигини алоҳида эътироф этиш лозим. Демак, «биз ўз ҳақ-ҳуқуқларини танийдиган, ўз кучи ва имкониятларига таянадиган, атрофида содир бўлаётган воқеа-ходисаларга мустақил муносабат билан ёндашадиган, айни замонда шахсий манфаатларини мамлакат ва халқ манфаатлари билан уйғун ҳолда кўрадиган эркин, ҳар жиҳатдан баркамол инсонларни тарбиялашимиз керак»<sup>1</sup>.

Юқоридаги фикрларни ҳамда мамлакатимизда ижтимоий-сиёсий ҳаётнинг барча жабҳаларини демократлаштириш ва эркинлаштириш жараёнида, тарихий асоснинг илдизларига, миллый ва умуминсоний қадриятларга таянган ҳолда, янги замонавий ғоялар, янгича ёндашувлар шаклланнаётганлигини эътиборга олиб, ҳуқуқ ва давлат назариясининг қатор муаммоларига бағишлиланган ўкув қўлланмалар туркумини яратишга киришдик. Қўлингиздаги қўлланма уларнинг дастлабкиси ҳисобланади.

Моҳиятан олиб қараганда, **ҳуқуқ – тартибга солувчи куч**. Шунга кўра унбу рисолада **ҳуқуқка ижтимоий муносабатларни норматив тартибга солишининг алоҳида тури** сифатида ёндашилди. Шундан келиб чиқиб, мазкур ўкув қўлланмада инсон ҳуқуқларини юридик фаннинг бошлангич нуктаси сифатида эътироф этган ҳолда: **ижтимоий муносабатларни норматив тартибга солиши – объектив зарурат;** **кишилар ўртасидаги муносабатларни тартибга солишига**

<sup>1</sup> Каримов И.А. Узбекистон XXI иярға иктилмоқда. Т.: «Ўзбекистон», 1999, 17-18-бетлар

*Йўналтирилган ижтимоий нормалар тизими; ҳуқуқий нормаларнинг ахлоқий ва бошқа ижтимоий нормалардан фарқи; корпоратив нормалар, уларнинг ўзига хос ҳусусиятлар ва аҳамияти; ҳуқуқ нормалари ва урғ-одатларнинг ўзаро нисбати; ижтимоий вазифасига кўра ҳуқуқ тушунчаси, можияти, белгилари; ҳуқуқ принцилари; давлат ва ҳуқуқнинг ўзаро нисбати; ҳуқуқнинг функциялари; ҳуқуқий ва сийсий нормалар; ҳуқуқ ва иқтисодиёт; ҳуқуқнинг ижтимоий қиммати; ҳуқуқ назарияси мактаблари; ҳуқуқнинг замонавий тушунчаси каби масалаларни атрофлича ёритишга ҳаракат қилдик.*

## **ХУҚУҚ ТУШУНЧАСИ, МОХИЯТИ, ИЖТИМОИЙ ВАЗИФАСИ**

### **ИЖТИМОИЙ МУНОСАБАТЛАРНИ НОРМАТИВ ТАРТИБГА СОЛИШ – ОБЪЕКТИВ ЗАРУРАТ**

Аввалламбор, тор маънода – ҳуқуқни фақат юридик нормалар тизими сифатида тушуниш; кенг маънода – ҳуқуқни эркинлик ва адолат мезонлари билан боғлиқ ҳолда ўрганиш; ҳуқуқни унинг томонидан тартибга солувчи ижтимоий муносабатлар билан бир хил, тенг деб қаровчи ёндашув шаклланганлигини алоҳида эътироф этиш лозим. Шу ўринда ҳақли савол туғилади: ахир, ҳуқуқнинг нималигини яхши билмай туриб, унинг тўғри қўлланиши, қонунийлик, ҳуқуқий масъулият ва ҳоказолар ҳақида сўз ҳам бўлиши мумкинми?

Ҳуқуқ тушунча ва тасаввурлари орасида **ҳуқуқни тартибга солувчи куч** сифатида англаш ва тушунни алоҳида муҳим аҳамият касб этади. Шу муносабат билан айтиш мумкинки, ҳуқуқ тушунчasi кенг маънода жамиятдаги тартибга солувчи, барқарорлаштирувчи куч – «ким» ва «ниманинг бирор хатти-ҳаракатни амалга ошириш, унга киришишга ҳақли ёки ҳақсизлигини аникловчи восита. Бунда «ҳуқуқ» сўзини фоят нозик тушуниш, идрок этиш бизни унинг асл маъносига жуда ҳам яқинлаштиради. Яна кенг маънода ҳуқуқ кишиларнинг у ёки бу хатти-ҳаракатини ўринли ёки ўринсиз деб топиш учун асос яратади. Демак, ҳуқуқ моҳиятига кўра кишиларни, бутун инсоният ҳамжамиятини нормал, тартибли ҳаёт билан таъминлашга даъват этилган. Шу билан бирга, ҳуқуқ шахснинг бирон-бир ҳолати, кишиларнинг қилмишлари, ахлоқий хатти-ҳаракатлари қонуний ёки ноқонунийлиги эътироф этилишини таъминлади.

Ҳар бир соғлом фикрли инсонга яхши маълумки, агар жамиятда кишиларнинг мураккаб, кўпинча кескин низоли муҳитида амалий натижа берадиган тартибга солувчи куч ва барқарорликни таъминловчи восита бўлмаса, инсоният пайдо бўлганидан то хозирги қунга қадар яшаб қолмаган, ўз муддаоларини рӯёбга чиқара олмаган бўларди. Айни чогда инсоннинг бир бутун ижтимоий организм – жамиятда муайян бир мавқеда мавжуд бўлиши, унинг хатти-ҳаракати, қилмиши эса инсон ва кишиларнинг мазкур ҳамжамияти «ҳуқуқ

бўйича» ҳаракат қила олган тақдирда умумэтироф этилган асосга эга бўлади<sup>1</sup>.

Бинобарин, ҳозирги замон ижтимоий фанида жамиятни бир бутун ижтимоий организм – ажралмас, яхлит тизим деб қарааш устувор аҳамият касб этмоқда.

Маълумки, ҳар қандай жамиятда унинг аъзолари **муносабатларини тартибга солиш** ўша жамият мавжудлигининг зарур шартидир. Ижтимоий ҳаётда тартибга солиш – одамлар ва улар жамоалари хатти-ҳаракатларини белгилаш, бу хатти-ҳаракатларнинг доимийлиги ва ривожи учун зарур йўналишлар бериш, уни муайян бир қолипга тушириш, аниқ мақсадни кўзлаган ҳолда тартибга солиб бориш демакдир. **Ижтимоий тартибга солиш** икки хил – **норматив** ва **индивидуал** кўринишга эга. **Норматив** тартибга солиш умумий хусусиятга эга бўлиб, бу нормалар (қоидалар) жамиятнинг барча аъзоларига ёхуд унинг муайян кисмига тегишли бўлади. Бироқ ҳеч қачон у аниқ бир одамга тааллукли бўлмайди. **Индивидуал** тартибга солиш аниқ субъектта тааллукли ҳисобланади, яъни тегишли тарзда ҳаракат қилиш учун берилган индивидуал буйруқдан иборат бўлади. У маълум афзалликларга эга: муайян бир вазиятнинг ўзига хос хусусиятларини, шахсларнинг ўзларигагина хос фазилатлари, юзага келадиган муносабатлар хусусиятини ҳисобга олган ҳолда хаётий муаммоларни ҳал қилиш имконини беради. Лекин, шубҳасиз, унинг жиҳадий камчиликлари ҳам мавжуд: у иқтисодий жиҳатдан тежамкор эмас, ишлаб чиқаришнинг тақрорланувчи ҳаракатлари ва жараёнларида қатъий уюшқоқликни, ягона умумий тартибни, зарур бир хилликни тўла таъминлай олмайди. Натижада ҳар гал муаммони янгидан ҳал этишга тўғри келади, муҳими, субъектив, ўзбошимча қарорлар қабул қилиш учун кенг имкониятлар мавжуд бўлади.

Албатта, норматив тартибга солишнинг ҳам ўз камчилик ва нуқсонлари мавжуд. Айниқса, норматив тартибга солиш авторитар турдаги сиёсий ҳокимият, авторитар мафкура куролига айланган ҳолларда, ижтимоий тараққиётга тўғаноқ

<sup>1</sup> Булар ҳақида батифсилроқ қаранг. Алексеев С.С. Право на пороге нового тысячелетия. М., «Статус», 2000. 11-12-бетлар.

бўлувчи реакцион гоялар, ғайриинсоний мафкура, қадриятларга нотўри муносабатлар ташвиқотчисига айланади.

Тартибга солишининг мазкур ҳар икки тури бир-бири билан чамбарчас боғлиқ бўлиб, ўзаро бир-бирига таъсир килади, бир-бирининг мавжудлигини тақозо этади.

Шу ўринда *норматив тартибга солишининг пайдо бўлиши – ижтимоий тартибга солишининг вужудга келишидаги илк ва энг муҳим бурилиш нуқталаридан бири бўлиб, унинг тараққиётида йирик сифат ўзгаришларини, туб бурилишларини бошлаб берганлигини алоҳида таъкидлаш жоиз*.

*Ижтимоий тартибга солиш* илдизлари узок ўтмишга бориб тақалади. Унинг ривожи ҳамиша кишилик жамияти тараққиёти билан бирга ҳамнафас бўлиб келган. Буни пухта тушунib олиш учун энг қадимги даврларга – ибтидоий жамоа тузумининг пайдо бўлиши ва ривожланиши тарихига мурожаат этишга тўғри келади. Албатта, бунда мунозарамиз мавзуи бўлган *ижтимоий тартибга солиши* масаласи дикқат марказида бўлмоги даркор.

Инсоният тараққиёти тарихгача бўлган даврдаги ижтимоий тартибга солишининг энг дастлабки элементларининг пайдо бўлишига алоқадор босқични аниқлаш гоят мураккаб жараён ҳисобланади. Чунки улар одамлар томонидан кашф этилмаган ёки ўйлаб чиқарилмаган бўлиб, ҳаёт жараёнларининг мураккаблашиб бориши билан боғлиқ равишда юзага келган ва унинг такомиллашиши асносида ривожлана борган.

Ибтидоий жамоа тасаввурларини тўла маънода норматив тасаввурлар деб атари мумкин. Чунки уларнинг қарийб ҳаммаси инсон ҳатти-харакатлари нормаларини ифодалайди. Қадимги одамлар инсоният тараққиётининг кейинги тарихий босқичларидан биронтасида дуч келиб бўлмайдиган нуқул ижтимоий нормалар ҳалқаси билан зич қуршаб олинганини олимлар таажжуб билан қайд этганликлари бежиз эмас. «Ибтидоий ҳаётнинг характерли хусусияти қонунсизликдан кўра кўпроқ нормаларга ҳаддан зиёд берилиб кетишдан, яъни норма гипертрофиясидан иборат»<sup>1</sup>, – деб ёзган эди Б.Малиновский.

Үдэгейлар турмуши ва урф-одатлари тадқики билан шуғулланган олим А.К.Арсеньев уларда тақиқловчи нормалар

<sup>1</sup> Malinowski B. Crime and custom in savage society London, 1926. P 9

назадар кўплигидан таажижубланганди. «Айик ва сувсар гўштини қовуриш мумкин эмас. Буқа терисидан узун қўнжли этик кийиш ман этилади. Олмахоннинг бошини тепага қаратган, балиқнинг эса калласини пастга қаратган ҳолдагина қовуриш мумкин. Жароҳат ва яраларни аёлларга кўрсатиш мумкин эмас ва ҳоказо»<sup>1</sup>. Ҳар бир одам ҳаёти энг майда икир-чикирларигача анъана ва нормалар билан чегаралаб ташланганди. Улар орасида ҳатто ҳозирги замон кишиси нуқтаи назаридан олдиндан белгилаб бўлмайдиганлари ҳам бор зди.

Бироқ шу ўринда: «анъанавий қоидаларнинг бутун бир мажмуини ҳақиқатан норма деб бўладими?» деган савол туғилиши табиий. Бу ҳақда ҳам ягона бир қатъий фикр йўқ эди. Ҳар қалай ибтидоий одамлар ҳақидаги ҳозирги замон билимлари урф-одат кўреатмаларига риоя этишнинг бутун тадбирларини соғф рефлектив, яъни гайриихтиёрий, гайришуурый ҳаракат сифатида тасаввур этиб, қадимги урф-одатларни ибтидоий онгдан ажратиб кўрсатувчилар даъволарини асосли деб хисоблаш имконини бермайди.

Ушбу урф-одатлар билан белгиланадиган одамлар ҳатти-ҳаракатлари нормалари, гарчи уларда табиий, биологик унсурлар мавжуд бўлсада, шубҳасиз, факат табиат қонуиларидан иборат эмасди. Шу сабабли улар ўшандаёқ ижтимоий урф-одатлар ва ижтимоий нормалар сифатида мавжуд бўлган эди.

Ибтидоий жамоа ўз тараққиётида турли босқичларни бошдан кечиравкан, ўзгаришсиз қолиши мумкин эмасди. Боз устига, уни даврларга бўлишнинг бир канча турлари мавжуд. Лекин ҳукуқ ва давлат назарияси учун ибтидоий жамоа тузуми тараққиётининг даврларидан бири сифатида ажратиб кўрсатиладиган **неолит**, яъни **янги тош асли** алоҳида аҳамиятга молик.

Шуни ҳам қайд этиш жоизки, мазкур тушунча нисбатан анча кейинги даврда – XX асрнинг ўрталарида пайдо бўлган **Неолит** даврига ўтишда инсоният ҳаётининг барча соҳаларида жиддий сифат ўзгаришлари, туб бурилишлар юз берганлигини исботлаш, бўрттириб кўрсатиш учун бу тушунчани инглиз археологи Г.Чайлд илк бор илмий муомалага киритган.

<sup>1</sup> Арсеньев А.К Сочинения. Т. 5. Владивосток, 1948, 206-бет.

Мазкур даврнинг бош хусусияти шундан иборатки, бу вақтга келиб инсоният ўзлаштирувчидан, истеъмол қилувчиdan ишлаб чиқарувчи хўжаликка, яъни овчилик, балиқ тутиш ва ҳосилларни йигиб-териб олишдан дехқончиликка, чорвачиликка, металл ишлаб чиқариш ва унга ишлов беришга, сопол ишлаб чиқаришга ўтган эди. Бу босқич ибтидоий жамоа ҳаётининг бутун моддий асосини, унинг ижтимоий ва маънавий уюшишини ўзгартириб юборганилиги билан дикжатга сазовордир. Шунинг учун ҳам кўпчилик олимлар, бу давр бир неча минг йилликларга чўзилиб кетганига қарамай, уни инсоният ҳаётидаги инқилоблардан бири сифатида таърифлашади.

*Ишлаб чиқарувчи иқтисодиёт* инсон билан табиат ўртасидаги шундай айирбошлиши билдирадики, унга кўра инсон кўшимча маҳсулот яратса бошлади. Кўшимча маҳсулотнинг вужудга келиши ва ўзлаштирилиши эса ўз навбатида мулкчиликнинг янги шакллари - жамоавий, гурӯҳий, хусусий мулкнинг пайдо бўлиши ҳамда жамиятнинг бундан кейинги ижтимоий табакаланишига олиб келди. Бу - жамиятнинг «юқоридагилар» ва асосий ишлаб чиқарувчилар оммасига бўлиниши содир бўлишида ўз ифодасини топди. Бунда «юқоридагилар» моддий ишлаб чиқаришда бевосита иштирок этишмайди. Инсониятнинг ишлаб чиқарувчи иқтисодиётга ўтиши синфлар, ижтимоий табакаларнинг пайдо бўлиши ва ниҳоят, давлатнинг яралашига олиб келади.

Неолитик инқилобни, инсоният тарихини унинг яшапининг икки услуби - ўзлаштирувчи ва ишлаб чиқарувчи иқтисодиётга бўлиб юборадиган чегара сифатида тушуниш - ижтимоий институт бўлмиш давлатдан камроқ аҳамиятга эга бўлмаган ҳукуқнинг келиб чиқиш тарихини яхшироқ идрок этишга ёрдам беради.

*Ўзлаштирувчи тизимнинг* ижтимоий-иқтисодий можиятини таҳлил этарканмиз, овчилик, балиқ тутиш ҳамда овқат топишнинг бошқа усуллари, турар-жой билан таъминлаш ва ҳоказолар устида шугулланилганда бу тизимнинг жамият жар бир аъзосининг шахсий улушкини ҳисобга олиш эҳтиёжи бўлмаганилигини пайқаш қийин эмас.

*Ишлаб чиқарувчи хўжаликда* аҳвол бутунлай бошқача эди. Ишлаб чиқаришни ташкил этиш тобора мураккаблаша боради, бошқарув функцияларининг роли ва аҳамияти кучаяди. Бу қишлоқ хўжалик ишлаб чиқариши миқдорини аниқ

белгилаш, маҳсулотларни сақлаш, тақсимлаш ва айирбошлиш масалалари билан шуғулланиш зарурати пайдо бўлиши билан боғлик эди. Шу асосда мулкчилик муносабатлари вужудга келади. Жамият хар бир аъзосининг меҳнат улушкини ҳисобга олиш, яъни меҳнатни нормаллаштиришнинг объектив зарурати пайдо бўлади. Шу билан бирга, унинг меҳнати натижалари, жамоа жамғармасини яратишдаги иштирокини ва шунга мувофик равища ижтимоий жамғармадан унга кўрсатилидиган ёрдам миқдорини белгилаш каби қатор вазифалар юзага келади.

Иқтисодиёт шу тарзда вужудга кела бошлади ва айнан унинг ўзи меҳнатнинг тақсимланишини янада кенгайтиришни тақозо этди. Ўзлаштирувчи иқтисодиётга хос бўлган ёш ва жинсга қараб чегараланиш ижтимоий, синфий бўлинешлар билан тўлдирилади. Ишлаб чиқаришни ташкил этувчилар, меҳнатни ҳисобга олиш ва унинг натижаларини тақсимлаш, белгилаб кўйилган нормаларга риоя этилишини назорат қилиш тизими ва ҳоказолар билан шуғулланувчи ходимлар пайдо бўлади. Биз илгари гапириб ўтган давлатнинг пайдо бўлиши ва давлат ҳокимиятини амалга ошириш билан боғлик равища жамиятдан ажралиб чиқувчи алоҳида кишилар қатлами юзага келади. Айни пайтда одамлар мазкур катламнинг пайдо бўлиши ва уларнинг мавжудлиги факат оммавий ҳокимиятнинг келиб чиқиши билангина эмас, балки тартибга солишининг бошқа тизими ҳаётга кириб келиши билан ҳам боғлик эди. Бу тизим ишлаб чиқарувчи иқтисодиётнинг юзага келиши ҳамда унинг ишлаши ва ривожланишини таъминлаш зарурати туфайли шакллананаётганди.

Шу тарика инсониятнинг тарихий тараққиёти давомида хўжалик юритишининг икки усули – **ўзлаштирувчи** ва **ишлаб чиқарувчи** иқтисодиётларга мос келадиган тартибга солишининг бир-биридан кескин фарқланувчи икки тизимини ҳам вужудга келтирганди. Мазкур тизимлар амалда ўша вактда мавжуд бўлган барча моддий, ижтимоий ва маънавий муносабатлар мажмуини қамраб олганди.

Ибтидоий жамоа бошқарув тизими – **ўзлаштирувчи иқтисодиётнинг ижтимоий нормалари** таркибида куйидаги қисмларни ажратиб кўрсатиш мумкин:

**Мазмун-муңдарижа.** Ижтимоий нормалар ўзлаштирувчи иқтисодиётни таъминлаш, табиий мухитда жамоаларнинг уйғуни равища яшаши ва ўз-ўзидан кўпайиши учун хизмат қи-

ларди. Бу, энг аввало, муайян гурух ёки урутга бирон-бир худуд бириктириб қўйилиб, ундаги одамлар шу худуд доира-сидагина харакат қилишлари мумкинлигида ўз ифодасини топарди.

Кўпайиш инсоният мавжудлигининг энг муҳим омилидир. Шу муносабат билан ижтимоий нормалар оила-никоҳ муносабатларини, бошқа гурухлардан аёлларни сотиб олиши, баъзан эса уларни ўғирлаш усуулларини тартибга соларди.

Шундай килиб, ибтидоий жамоа нормалари жамоалар, уруқлар, гурухлар ҳаётининг ижтимоийлашувини, муайян экологик ҳолатни, ўзлаштирувчи жамиятлар ҳаётий фаолиятининг бошқа зарур шарт-шароитларини таъминларди.

**Тартибга солиш усууллари.** Шуниси дикқатга сазоворки, ибтидоий жамоалардаги тартибга солиш ишида ёқ унинг ички таркиби аниқ кўриниб, у айниқса, ҳуқуқ соҳасида **уч асосий усул – такиқлар, ижозат ва (бошланғич шаклда) позитив** (ижобий) **мажбурлов** ажратиб кўрсатилишида муҳим аҳамият касб этганди.

Такиқлашлар асосан табу, яъни диний эътиқод асосида у ёки бу хатти-харакатнинг, масалан, қон-қариндошлар ўртасида никоҳнинг ман қилиниши кўринишидаги тақиқлардан иборат бўлган. Зеро, одамлар қон-қариндошлар ўртасидаги алоқаларнинг биологик ва бинобарин, ижтимоий зарарига жуда қадимдан ишонч ҳосил қилганлар. Бу тақиқлар жамоалар, уруғлар, бошқа гурухларнинг нормал равишида ўзидан-ўзи кўпайишини таъминларди.

**Ижозат (руҳсат).** Ўзлаштирувчи иқтисодиёт шароитларида улар инсон хатти-харакатларини белгилаб берар, ҳайвонлар турлари ва уларни овлани вақтини, ўсимлик турлари ва уларни йиқиб олиш муддатларини, сув манбаларидан фойдаланиш, жамоага келтирилган зарар учун ўч олиш тартибларини кўрсатиб берарди.

Жамоада эркаклар билан аёллар, болалар билан катталар ўртасида вазифалар тақсимотини бузиш, тан жароҳатлари етказиш, каннибалчилик (одамхўрлик), қон-қариндошларнинг ковушиши, болалар ва аёлларни ўғирлаш, ўғирлик, эр-хотинларнинг бир-бирларига хиёнат қилиши, доимий ёлғон гапириш ва ҳоказолар тақиқланарди.

**Позитив мажбурлов** одамлар таом тайёрлаётганда, турар-жойлар кураётганда, гулханлар ёқаётганда, меҳнат ва ов қуроллари ясаётганда ва ҳоказоларда зарур хулқ-атвор қоини

даларига риоя этилиши таъминланишини кўзда тутади. Бироқ мувофиқлаштиришнинг шу каби барча усуллари табиий шароитларни ўзгартириш, инсонни табиатдан ажратишга йўналтирилмаганди, балки фақат табиатдаги нарсаларни ўзлаштиришнинг ва уларни қайта ишлашнинг энг самарали усуллари, инсон эҳтиёжларини қондириш мосламаларининг энг кулай турлари билан таъминлаганди. Шу ўринда тарихан дастлаб тақиқлар, фақат кейинчалик позитив мажбурлов ва ижозат пайдо бўлганлигини қайд этиш мақсадга мувофиқ (бу адабиётларда ҳам ўз ифодасини топган).

*Ифода шакллари.* Ўзлаштирувчи иқтисодиёт ижтимоий нормалари ҳалқ афсоналари, анъаналари, урф-одатлари, моросимлари, удумлари ва бошқа шаклларда ўз ифодасини топган.

**Мифологик (афсонавий) норматив тизим** – ижтимоий тар-тибга солишининг энг қадимий ва кучли шаклларидан биридир.

Ибтидоий одам ўз хатти-ҳаракатларини ақлан идрок этишга ғоят муҳтоҗлик сезарди. Унга фақат хулқ-автор нормасининг «аниқ таърифи»гина эмас, балки ягона ва муқаддас ҳисобланган мифологик асос ҳам бўлиши керак эди. Урф-одатлар ва афсоналар (мифлар)нинг чамбарчас боғлиқлиги ҳамда унинг ибтидоий жамоани жисплаштиришдаги амалий аҳамияти айнан шу заруратдан келиб чиқарди.

Қадимги одамнинг урф-одатларга мос хатти-ҳаракатлари унинг учун чуқур маъно касб этарди. Зоро, ривоят ва афсоналарга кўра, худолар ёки бошқа гайритабиий кучлар ундан айнан шундай қилишни талаб этади. Уруг-қабилага ҳомийлик қилиш ҳамда уни ҳимоялаш бўйича уларнинг ирова ва шартлари эса шундан иборат бўлади. Буларнинг ҳаммаси **архаик маданият кўришиши сифатида қадимги афсоналарнинг ўзига хос норматив функциясини** ажратиб кўрсатишга асос бўла олади.

Ибтидоий жамоада ижтимоий ва муайян тарзда ўзини тутишнинг онгсиз одати эмас, балки айнан норма – интеллектуал ҳақиқат, (онг махсули), яъни, гарчи ҳали ғоят жўн, шаклланиб улгурмаган, хаёлий бўлса-да, аммо онг ҳукмронлик қиласи.

Шундай қилиб, ибтидоий жамоа инсон хатти-ҳаракатларини ички ва ташқи тартибга солиш воситалари ҳаётнинг анъанавий тарзи билан шаклланадиган тўлаконли норматив

тартибда яшайди. Норматив онг эса ҳақиқатда идрок этиладиган амалий фаолиятдан ажралмаган. Анъана ва урф-одатлар, хукмронлик қиласи. М. Вебер *анъанавийлик (традиционализм)* деганда анъанавий кундалик *одатлар бўйича* кўрсатмаларни *ҳамда рад этиб бўлмайдиган хулқ-атвор нормаси сифатида* уларга ишонишни тушуниш лозимлигини тъкидлаган эди<sup>1</sup>.

Анъаналар кишилар авлодлари ўртасидаги ворисликнинг хилма-хил боғланиш йўналишлари сифатида, катталар тажрибаси ёшлар томонидан ўзлаштириладиган узатиш механизми сифатида тасаввур этилади.

Ўз хусусиятига кўра изчил бажариладиган ҳаракатларнинг бутун бир занжирини қамраб олувчи рамзий ташки хулқ-атвор шакли бўлган *маросимларни аҳамиятига* кўра эмас, балки вақт нуқтаи назаридан урф-одат ва анъаналар билан бир каторга кўйиш мумкин.

Худолар, аждодлар ружлари ва бошқа гайритабиий кучлар билан «алоқа» боғлашга ёрдам берадиган ҳаракатлар, белгилар, ишоралар, кўз ва товуш амаллари мажмуи – *диний удум ва урф-одатлар* ҳам рамзий феъл-атвор шакли сифатида майдонга чиқади.

Шуни алоҳида қайд этиш керакки, ҳозирги замон тарих ва этнография фанларида ибтидоий жамоа афсоналари тўғрисида бидъат, гумроҳлик деган тасаввурларга аллақачонлар барҳам берилган. Бу афсоналар овчилар, балиқчилар, ҳосил йигиб-терувчилар жамиятларида муайян хулқ-атвор нормаларини асраб турувчи мафкуравий ва норматив тартибга солувчи функциялар сифатида тобора чуқурроқ ўрганилмоқда. Кўпинча улар яхшилик ва ёмонлик намуналари мажмуини ташкил этиб, табиат ва ўзаро бир-бирлари билан муносабатларда риоя этилиши зарур бўлган хатти-ҳаракатлар усусларини кўрсатиб берувчи кўлланма сифатида намоён бўлади.

Урф-одатлар, маросимлар билан бир каторда афсоналар ҳам асосий ижтимоий-норматив вазифани ва ахборот хизматини бажарган. Урф-одатлар ва удумларга сингиб кетган афсоналардан тортиб то шу афсоналарда белгиланиб, мустаҳкамлаб кўйилган образлар, тимсолларга мувофиқ равиша бузғунчиларни жазолашгacha кўпдан-кўп усуслар афсоналар-

<sup>1</sup> Караги: Вебер М. Образ общества М., 1994, 68-бет.

нинг мазкур тартибга солиш функцияларини таъминлашга хизмат қилган.

Афсоналар, таъбир жоиз бўлса, факат нормативгина эмас балки қандайдир даражада мафкура тизими, ҳатто ибтидой одамнинг фикрлаш усули ҳам бўлган. Афсонавий удумлар, урф-одатлар, ҳаракатлар орқали у табиат ҳодисалари, ижтимоий жараёнларни идрок этган ва ўз онгида мустахкамлаган. Инсоният анча кейин афсонавий шуурдан мантиқий онга ўта борган. Албатта, воқеликни идрок этишнинг афсонавий тизими ҳам ўз тараққиётининг бир қанча босқичига эга. Масалан, ўзлаштирувчи иқтисодиёт даври кишисининг афсонавий онги илик синфий жамият кишилари афсонавий онгидан фарқ қилган – у ўшандаёқ бошқа хил афсоналар тизимиға эга бўлган.

Шунингдек, жамоа тажрибасини ёки индивидуал тажрибани фойдали умумлаштиришга хизмат қилган анъаналар ва урф-одатларга риоя этиши одат ва тақлийлар асосида бажарилган. Шу боис ҳар бир одам кўпчилик нимага амал қилган бўлса, шунга амал қилиб кетаверган.

Ўзлаштирувчи жамият одамлари афсоналари табиат ҳақидаги, унда инсоннинг яратувчи ва ҳукмрон сифатидаги ўрни тўғрисидаги билимларидан, Ернинг, инсоннинг пайдо бўлиши ҳақидаги энг жўн, хаёлий тасаввурларидан иборат бўлиб, улар ижтимоий онгнинг ибтидой шакллари эди. Бироқ, ҳар қалай, бу афсоналардаги энг муҳим жиҳат – уларнинг норматив қисмидир, у инсониятнинг минглаб йиллик тажрибаларини умумлаштириб, уларни жамиятнинг ҳар бир аъзоси онгига етказиб келган.

Шу муносабат билан Арастунинг: «Инсон ўз табиатига кўра сиёсий мавжуддир»<sup>1</sup>, деган сўзларини эслаш ғоят ўринли. Айни чогда бу сўзлар замирида инсон ҳуқуқий мавжудот эканлигини ҳам англатувчи маъполар зухур топғанилигини ёддан чиқармаслик лозим.

**Тартиб-қоидалар (процедуралар).** Анъаналар, урф-одат ва расм-руsumларни шакллантиришнинг ўз-ўзидан ташкил топувчи жараёнлари билан бир қаторда ўзлаштирувчи жамият ўз тараққиётининг баъзи босқичларида нормаларни онгли, ижодий ёндашувлар асосида яратган ҳоллар ҳам бўлган. Синфларга бўлинмасдан олдинги жамиятда носиёсий ҳокимият органлари (потестар органлар) мавжуд бўлиб, улар ҳам

<sup>1</sup> Аристотель. Политика I. I, 9, 1253 в, 16

нормалар ишлаб чиқкан. Шартли равишда уларни ер, мулк, жиноий нормаларга, шунингдек, қариндошлик муносабатла-ри, оила-никох, гурухлар, гурухлараро нормаларга бўлиш мумкин. Бу жамиятда ўзига хос «жиноий» «процессуал» нормалар ҳам бўлган. Масалан, бузгунчилик ишларини жамоанинг ўзи кўриб чиқиб, жазони ўзи белгилаган. Бунда нафақат оқсоқоллар ва бошлиқларнинг ўzlари, балки айбдор ёки жабрланганларнинг энг яқин қариндошлари ҳам иштирок этишган.

Албатта, юкоридаги фикрлар ибтидоий жамоада қандайдир судлар бўлганлигини билдирамайди. Ҳар қалай, маҳсус ташкил этилган ва алоҳида белгиланган қоидалар асосида ишлайдиган чинакам суд органи илк синфий давлатнинг юзага келиш босқичларида пайдо бўлган. У давлатни шаклланган ташкилот сифатида ифодаловчи, давлат кучидан фойдаланиб, белгиланган нормалар, хулқ-атвор қоидаларини бажаринга мажбур килишга қодир ташкилот сифатида тавсифланадиган давлат таркибиға киради.

**Санкциялар.** Хулқ-атвор қоидаларини ихтиёрий равишда бажаринш ўзлаштирувчи жамият учун хос хусусият бўлса-да, бу ерда ҳам қоидабузарлар ва уларга нисбатан то катл этишгача жазо чоралари мавжуд эди. Санкциялар ўз таркибиға эга бўлиб, улар орасида жамоатчилик танбехи, жамоадан қувиши, тан жароҳатлари етказиш, ўлим жазоси энг кўп қўлланиладиган жазо чоралари хисобланган.

Ўзлаштирувчи жамиятдаги тартибга солиш тизими таркиби шундай эдики, у **ишлаб чиқарувчи иқтисодиётга** асосланган жамиятдагидан тубдан фарқ қиласарди. Буни албатта ёдда тутиш керак бўлади. Айни пайтда ўзлаштирувчи ва ишлаб чиқарувчи иқтисодиётларга хос бўлган нормаларда – уларнинг хусусиятлари, хулқ-атвор мезонлари ва кўламлари, бу қоидаларни мажбурий бажартириш имкониятлари жиҳатидан уларда айрим шаклан ворислик мавжудлигини ҳам инкор этиб бўлмайди.

Бироқ ушбу нуқтаи назарга ҳамма олимлар ҳам қўшилавермайдилар. Улардан баъзиларининг фикрига кўра, давлатчилик тузумигача бўлган жамият хулқ-атвор қоидалари (нормалари)ни на ҳуқуқий ва на ахлоқий нормалар тоифалари қаторига киритиб бўлади. Этнограф А.И.Першин таъбирича, улар «мононорма», яъни ибтидоий жамоанинг ягона, ўзига хос нормалари хусусиятига эга эди. Демак, инсон ҳали таби-

атнинг бир қисми бўлган ўзлаштирувчи жамиятда мононормалар шу жамият иқтисодиёти ва мафкураси билан чамбарчас, узвий боғлиқ бўлади.

Ишлаб чиқариш фаолиятининг янгича ташкил этилиши, шу асосда жамият бўлинишининг юзага келиши, жамоанинг оддий аъзоларидан юқори турувчи ҳукмрон досираларнинг ажralиб чиқиши содир бўладиган илк синфий жамият таркибининг шаклланиб бориши, янгича мулк шакллари, шунингдек, қўшимча маҳсулотнинг пайдо бўлиши ва ўзлаштирилиши янги ҳолатдаги тартибга солиш тизимларининг пайдо бўлишига олиб келади. Илк дәжқончилик жамоаларида ибтидоий шаклда вужудга келган **позитив мажбурлов** (экинларни экиш, уларни парваришилаш, ҳосилни йигиштириб олиш, тақсимлаш қоидалари ва ҳоказолар) илк давлат тартибга солиш тизимининг хусусиятларидан бири бўлиб қолади.

Маълумки, жамият тараққиётининг илк босқичида кун сайин такрорланиб турувчи маҳсулотларни ишлаб чиқариш, тақсимлаш, айирбошлиш ҳаракатларини умумий қоидалар билан қамраб олиш, ҳар бир одамга нисбатан ишлаб чиқариш ва айирбошлишнинг умумий шартларига бўйсуниши ҳақида замхўрлик қилиш эҳтиёжи туғилади.

Шундай қилиб, ўзлаштирувчи жамиятлар мононормалари ижтимоий-иқтисодий ва сиёсий шарт-шароитлар таъсирида кейинчалик ишлаб чиқарувчи жамиятлар ҳукуқ ва ахлоқ нормаларига ўсиб ўтади. Бу жараён ушбу нормаларга парчаланиш ўйли билан ҳам, шунингдек, дәжқончилик, чорвачилик ва ҳунармандчиликнинг вужудга келиши билан боғлиқ равишда позитив-мажбурий нормаларнинг пайдо бўлиши орқали ҳам амалга ошади. Илк синфий жамиятнинг тартибга солиш тизими олдингиларидан мазмунан ҳам, тартибга солиш усуслари бўйича ҳам, ифода шакллари бўйича ҳам, тартиб-коидалари бўйича ҳам ва ниҳоят, таъминлаш воситалари – санкциялар бўйича ҳам фарқ қилувчи янги таркибга эга бўлади. Унда ўзлаштирувчи жамиятлар ижтимоий нормаларидан ўз хусусиятлари билан фарқланувчи янги ва анча қурратли нормалар қатлами юзага келади. **Бошқача айтадиган бўлсак – ҳукуқ пайдо бўлади.**

Мазкур нуқтаи назарни батафсилроқ кўриб чиқиш мақсадга мувофиқ Ишлаб чиқарувчи иқтисодиётнинг қарор топиши жамият ҳаётининг барча соҳалари, шу жумладан тартибга солиш тизимининг ҳам сифат ўзгаришига олиб келади.

**Хуқуқнинг ўз ўтмишдошлиари бўлган мононормалардан фарқини кўплаб йўналишлар бўйича, шу жумладан тартибга солиши мазмунни ва усуллари бўйича ҳам кузатиш мумкин.**

Мазмун-мундарижа ҳақида гап кетганда, аввало, жамиятда янги мағқуранинг туғилиши эътиқодларнинг ўзгаришига олиб келганлигини қайд этиш лозим. Овчининг афсона ва сеҳр-жодуга асосланган дунёқараши ўrniga Қуёшга, дехқончилик цикллари, қишлоқ хўжалигида мавсумлар алмасишуви билан боғлиқ равишда ўлиб, яна тириладиган Худога топиниш юзага келади. Айнан шунинг учун ҳам Қадимги Юнонистон афсоналари ўз мазмун ва функциялари бўйича ўзлаптирувчи жамиятлар афсоналаридан жиддий фарқ қиласди.

Дехқоннинг экинни экиб бўлгандан кейин анча вақт мобайнида об-ҳаво шароитлари, сувнинг келиш-кемаслиги ва ҳоказолар билан боғлиқ равишда бекор кутиб қолиш ҳолатлари тартибга солиш тизимининг ўзгаришида муҳим аҳамият касб этади. Қишлоқ хўжалиги ишлаб чиқариши ва қиплоқ турмушининг ўзига хос бу хусусиятлари тартибга солиш тизимининг ҳуқуқий қисмини шакллантира бошлайди. Унда, бир томондан, қишлоқ хўжалик ишларини олиб бориш, улар натижаларини таксимлаш қоидалари акс этса, иккинчи томондан, мазкур ҳуқуқий қисм ҳали кучли дин таъсири остида эди. Бу ҳолат одамлар ўз атрофларида содир бўлаётган табиат ҳодисаларини идрок эта олмаслиги ҳамда қишлоқ хўжалик меҳнати шарт-шароитларига қаттиқ боғланиб қолганикларидан келиб чиқарди.

Ҳуқуқ ёрдамида ушбу шарт-шароитларни «бошқариш»га интилиш ишлаб чиқарувчи иқтисодиёт тартибга солиш тизимининг маиший, илохий кучларга сифиниш, маросимий асосини ташкил этди. *Илк ҳуқуқ*, шу тариқа, дастлаб ҳам моддий, ҳам диний мазмунга эга эди.

Ишлаб чиқарувчи хўжалик қоидалари кейинги босқичда аста-секин тобора яққолроқ синфий мазмун касб эта борди. Шаҳар-давлатларда ижтимоий, иқтисодий тенглик тобора барҳам топа бориб, хусусий мулкчилик, шу жумладан ерга ҳам хусусий эгалик билан бирга эксплуатация пайдо бўлади. Ўша давр ҳуқуқи учун характерли янги сифат мазмунига эга бўлган норматив тизим айнан шу янги ижтимоий муносабатларга хизмат қила бошлайди.

**Тартибга солиши усулларига** татбиқан янги даражага эриша бориб, тақиқлар, ижозатлар ва позитив мажбурловлар ривож топа боради. Бунда позитив мажбурлов тобора кенгроқ кўйлам касб этади.

Вақтни хисоблаш тизимисиз деҳқончиликни юритиш мумкин эмасди. Шунинг учун тақвим (календарь) пайдо бўлади. Агротаквимларда илк деҳқончилик жамоаси ҳар бир аъзосининг бутун ҳаёти кунма-кун ёзиб чиқиларди. Шу тариқа нимани албатта қилиш кераклиги («керак бўлган»), нималарга рухсат этилиши («мумкин бўлган»), нималарни қилиш мумкин эмаслиги («ман этилган») ёки жамоа учун бефарқ, яъни киши ўз ихтиёрича ҳаракат қилиши мумкин бўлган нарсаларни кўрсатиб бериш орқали одамлар хатти-хараткларини тартибга солиши усуллари вужудга келади. **Тартибга солишининг ана шу янги усули ҳуқуқни билдиради. Зотан, бу ҳуқуқнинг тартибга солувчи куч сифатида шаклланана боришининг бошлангич нуқтаси ҳам эди.**

Бизнинг назаримизда, яна бир муҳим жиҳатга эътиборни жалб этиш жоиз. Юқорида кўриб ўтганимиздек, мажбурий йўл билан таъминланган ҳуқуқ («мумкин бўлган») ва мажбуриятлар («керак бўлган»), тақиқлар ва ижозатлар, позитив мажбурлов каби кўшлиб мураккаб ўзаро боғлиқликлар илк синфий жамият, шахар-давлатлар бутун ижтимоий таркибига чуқур сингиб кетганди. Айни пайтда бу тартибга солиши усуллари одамлар меҳнатини эксплуатация қилишга эмас, балки, энг аввало, умумижтимоий функцияларни бажаришга, меҳнат фаолияти янги турини таъминлашга йўналтирганидан далолат беради.

Бироқ яқин-яқинларгача ҳуқуқ ва давлат назарияси ҳуқуқнинг келиб чиқишини ўрганишда синфлар, давлат вужудга келган ҳамда давлат томонидан мажбурлаш, синфий зўравонлик имконияти пайдо бўлган жойда ва вақтда ҳуқуқ юзага келади, деган даъвога алоҳида ургу берарди. Айни пайтда ҳуқуқнинг жамият янги ҳолатини кўллаб-куватловчи тизим сифатидаги **умумижтимоий ахамияти, қиммати ёддан чиқарилмаган** тақдирда ҳам энг сўнгги ўринга суриб қўйиларди. Давлат мажбурловига жамиятнинг ҳуқуқ пайдо бўлгунгача ўтган босқичи билан ҳуқуқий ташкил топиш даври ўртасидаги чегара сифатида қараларди.

Бундай ёндашув жамият ҳаётида зўравонликнинг роли ҳақидаги, давлатни синфий зўравонлик машинаси деб билиш,

хуқуқка шу машинанинг бир қуроли, думи, шу зўравонлик-нинг бир шакли сифатида қарашларга жуда мос келади.

Шу билан бирга, назарий умумлаштирилган янги тарихий маълумотлар ҳуқуқ ташкил тошишида жуда мухим бўлса-да, ҳар қалай, хусусий жиҳатлар билангина чекланиш мумкин эмаслигини кўрсатмоқда. Бу маълумотлар илк синфий ва ибтидоий жамоаларда одамлар хатти-харакатларини тартибга солишининг сифат жиҳатидан биз ўйлагандан чукурроқ фарқлари мавжуд эканлигини исботлайди. Айни пайтда улар нафақат тартибга солиш мазмуни ва усуслари билан, балки бошқа белгилари бўйича ҳам фарқ қиласди. Чунончи, *ифода шакли бўйича* асосий фарқни кўриш мумкин.

Юқорида милоддан аввалги IV-III минг йилликларда бажарилиши мажбурий бўлган норматив фармойишлар акс этган агротақимлар пайдо бўлганлигини айтиб ўтгандик. Улар янги таркибий қисм - дедқончилик жамоасида ишлаб чиқариш фаолиятини тартибга соловчи нормаларни ёзма манбаларда аниқ қайд этиш пайдо бўлганлигидан далолат беради.

Шаҳар-давлатлар тараққиётининг кейинги босқичларида тақиқлар, ижозат ва позитив мажбурловлар акс этган бошқа ёзма манбалар пайдо бўлади. Уларда диний тасаввурларга боғлиқлик ҳали сақланиб қолган бўлса-да, тартибга солиш тизими янада тушунарлироқ ялии «дунёвий» шаклга кира бошлаганди. Айнан шу босқичда қонунлар, кодекслар, қонунлар тўпламлари юзага келади (бизга маълум бўлган дастлабки қонунлар тўплами миллиоддан аввалги III минг йилликда Шумерда ҳукмронлик қиласдан подшоҳ Ур-Намму қонунлар тўпламидир), қонунчиликни, суд амалиётини тизимлаш, тартибга солиш пайдо бўлади ва ҳоказо.

Илк синфий жамиятнинг қўпчилик қонунлари факаттинг илк давлат қурилиши идеалларини, подшоҳларнинг ижтимоий мажбуриятлари ижтимоий танқиднигина ифода этиб, бу дастлабки сиёсий ўюшган жамиятларда ҳақиқатан таркиб топган *амалиётдан* бутунлай йироқ эди. Тарикчилар ўқиб чиққан судловга оид ва бошқа ёзма манбалар шундан далолат беради. Уларда бойлик орттиришни, судхўрликни чеклаш, адолатли нархларни белгилашга интилишни кўриш мумкин. Ўша даврдаги подшоҳларнинг илгор ислоҳотлари айнан шулардан иборат бўларди.

Прогрессив қонунларнинг пайдо бўлишини, ҳатто ҳуқуқий ривожланишнинг дастлабки босқичларида ёқ эксплуата-

цияни кучайтирипга қаратилган ҳуқуқий ҳужжатларнинг пайдо бўлиш жараёнларига халқ оммасининг қаршилиги гов бўлгани билан изоҳлаш мумкин. Булар энг қадимги юридик ҳужжатлар (Хаммурапи қонунлари, Сулаймон ислоҳотлари, XII жадвал қонунлари)да ўз ифодасини топган. Мазкур ҳолат илк давлатларнинг аксарият ташкилотчилик ва ҳатто тинчлик-осойишталикини ўрнатувчи фаолияти ҳакида, ходимлар ва бошқарувчиларнинг ўзаро ҳамкорликлари тўғрисида, илк ҳуқуқни функцияларидан бири ҳақиқат ва адолатни, ижтимоий тинч-тотувликни қарор топтиришдан иборат бўлган тартибга солиш тизими сифатида тушунилгани ҳакида тўла асосли хулоса чиқариш имконини беради.

Илк синфий жамиятларда хулқ-автор қоидаларини амалга ошириш ва улар таъсирчанлигини таъминлаш шакллари сифатида **тартиб-коидалар (процедуралар)** ҳам сифат жиҳатидан янги мазмун-мундарижа қашф этади. Бу ҳолат мазкур жамият нормаларини бажариш устидан ижтимоий назоратнинг янги усуулларини шакллантиришда ўз ифодасини топади. Боз устига, авваллари бутун жамият, гурӯхлар, жамоатчилик етакчилари шундай назоратчилар сифатида майдонга чиқсан бўлсалар, эндиликда улар вазифасини **маҳсус тайинланган маъсабдор шахслар** (масалан, жамоачи-дехқонларнинг ишга чиқипини ҳисобга олиб борувчилар), маҳсус ташкил этилган ижтимоий тузилмалар – полиция, армия бажарадиган бўлди. Низоларни ҳал этиш учун маҳсус давлат органи – суд ташкил этилади. Ундан қонунларнинг бажарилишини таъминлаш, уларни бузганларни жазолашда ҳам фойдаланилади. У ёки бу битимларни, ишончномаларни ва бошқа амалий ҳужжатларни тасдиқлаш вазифасига кирувчи одамлар пайдо бўлади. Давлат савдо муомаласига, шартномавий муносабатларга тобора кўпроқ аралаша бошлайди. Шу тариқа тартибга солиш тизимининг амалий жиҳати **тобора кўпроқ шаклланган тузилма мазмунини касб эта боради**. Айни пайтда урфодатлар таъсири ҳам давом этаверади ва улар давлат маҳкамаси, шу жумладан судлар томонидан тан олинган ва химоя қилина бошлаган тақдирда кўпинча **одатий ҳуқуқка** айланади.

Албатта, одатий ҳуқуқ ўзининг алоҳида тартиб-қоидасига эга бўлади. Бунда ҳали турли удумлар, рамзлар, судлов ишлари сценарийлари мавжуд бўлади. Уларда диний тасаввурлар, ахлоқий асослар ва ҳатто халқ оғзаки ижоди (ғаройиб

вокеалар ҳақида ҳикоя-нормалар, мақол-мatalлар) жуда аниқ кўзга ташланади. Бироқ илк синфий жамиятларнинг ҳақиқий синфий жамиятта ўсиб ўтиши (Осиё типидаги давлатлар, қулдорлик давлатлари, Европа типидаги феодал давлатларнинг вужудга келиши) билан *одатий ҳуқуқ* борган сари ўз ўрнини *прецедент ҳуқуқига* бўшатиб бера бошлайди. Айни пайтда ҳуқуқий прецедент ҳам маҳаллий хусусиятларни, маълум бир ишнинг ўзига хос жиҳатларини, ижтимоий аниқ ҳолатни ҳисобга олади. Факат *статус* (конуний) ҳуқуқ аста-секин одатий ҳуқуқ ва прецедент ҳуқуқини сиқиб чиқара бориб, этник-маданий тартиб-қоидалардан тобора узоклаша боради.

*Санкциялар* ҳам олдинги босқичда қўлланганларидан жиддий фарқ қиласди. Илк синфий жамиядта улар юзага келган ижтимоий ва мулкий тенгсизликни мустаҳкамлашга хизмат қиласди. Шу муносабат билан ижтимоий ҳукмрон доиралар хусусий мулкини ҳимоя қилувчи *санкциялар* қатъийлашади. Шахс мақоми (озод одам, қул, аёл, бола)га қараб унга қарши қилинган жиноят учун турли жазо чоралари жорий этилади. Яъни имтиёзлар қонунийластирилади. Жумладан, Библияниң христианлик пайдо бўлмасдан олдин яратилган биринчи ва катта қисми Қадимги Аҳд («Таврот» ва «Забур») да шундай жумлаларни ўқиш мумкин: «Кимки одамни урса, бундан у одам ўлса – илло ўлимга мустаҳик этилсин.. Агар кимки ўз қулини ёки чўрисини таёқ билан калтакласа ва улар унинг калтаги остида ўлса, бундай ҳолда у жазоланиши керак...»<sup>1</sup>.

Илк ҳуқуққа оид санкциялар, улар мулкий жазога, пул жаримаси, тан жароҳатлари етказишга, ўлим жазосига даждор бўлишидан қатъи назар, катъий белгилаб қўйиладиган бўлади.

Хулқ-автор қоидалари (нормалар) тобора кўпроқ “агар – унда – акс ҳолда” қабилидаги аниқ мантиқий таркибга эга бўла боради. Шу тариқа санкциялар диний унсурлардан холос бўла боради. Бунда «акс ҳолда» (жазо чоралари) коҳинлар ёки ибодатга хизмат қилувчи бошқа руҳонийлар томонидан эмас, балки давлат, унинг маҳсус маҳкамаси томонидан амалга оширилиши мумкин бўлади. Шарт-шароитлар («агар») ни, қоиданинг ўзи («унда»)ни ва оқибат («акс ҳолда»)ни бир

<sup>1</sup> Ветхий завет Исход 21:12-20

коида (норма)га боғланса – бу тартибга солиш тизими жиддий ривожининг ҳукуқнинг вужудга келишининг аломати хисобланади.

Юкорида зикр этилганлардан шундай ҳулоса қилиш мумкин: ҳукуқнинг мазмун, таъсир усуллари, ифода шакллари, тартиб-коидалар, таъминлаш усуллари каби хусусиятлари, шунингдек, ҳуқуқ нормалари ҳақида ахборотлар бериш тизими жами биргаликда олингандагина ушбу тартибга солувчи билан ўзлаштирувчи жамият ижтимоий нормалари ўртасидаги, айни чоғда ҳуқуқ билан жамиятда амал қилаётган бошка (ахлоқий, гурӯхий ва ҳоказо) тартибга солувчилар ўртасидаги фарқни аниклаш имконини беради.

Шундай қилиб, ҳуқуқ ишлаб чиқарувчи хўжалик, жамоачи-дехқонлар ва хунармандлар эркин меҳнатини тартибга солувчи норматив усул сифатида илк синфий жамиятнинг тикланини босқичида вужудга келади.

Умуман, ҳукукниш ривожланишида уч асосий босқични кўрсатиш мумкин. *Биринчи, дунёга келиш босқичи* – факат иктисадиётнинг ишлаб чиқарувчи шакллари вужудга кела бошлади. *Иккинчи босқич* тартибга солиш тизими ушбу қатламнинг муайян қоидалари (нормалари) тизими шаклига ўтиши билан тавсифланади. Ушбу босқич ишлаб чиқарувчи иктисадиётнинг турли шакллари тўла ғалабага эришган барча жамиятларга даҳлдордир. *Учинчи босқич* бир катор илк давлатчилик тузилмаларида ёзма ҳуқуқ кодекслари яратилиши билан боғлиқ.

## КИШИЛАР ЎРТАСИДАГИ МУНОСАБАТЛАРИНИ ТАРТИБГА СОЛИШГА ЙУНАЛТИРИЛГАН ИЖТИМОЙ НORMАЛАР ТИЗИМИ

Авваламбор, шуни алоҳида қайд этиш жоизки, «Ижтимоий нормалар ҳар хил (ҳукуқий, ахлоқий, эстетик, диний ва бошқа) турлари ривожланганлиги, мустақиллиги ва бирбиридан табақалаштирилганлиги шароитида уларнинг биргаликда мавжуд бўлиши ва амал қилишини мувофиқлаштиришнинг айнан ҳукукий принципи ушбу хилма-хил ижтимоий нормаларни (ва тартибга солувчиларни) муайян тизимда бирлаштиришга қодирдир»<sup>1</sup>. Модомики шундай экан, норма-

<sup>1</sup> Проблемы общей теории права и государства. Изд. НОРМА, 2002, 186-бет.

тив тартибга солиш тизимида ҳукуқнинг ўрни ва ролини аниқлаш муаммосини ўрганмай, турли норматив тартибга солувчилар бутун тизимининг ўзаро алоқаларини таҳлил этмай туриб, ҳукуқ назарияси билан боғлик масалаларни тадқиқ қилиб бўлмайди. Зоро, мазкур норматив тартибга солувчилар ижтимоий муносабатларни барқарорлаштиришни, жамиятни ташкил этишининг зарур даражасини, давлат ва нодавлат ташкилотларининг аниқ ва самарали ишланини таъмин этади.

**Ижтимоий нормалар тизими** норматив тартибга солиш тизимининг бир қисмигина эканлигини кайд этиш лозим. Чунки жамиятда икки турдаги нормалар (хулқ-автор қоидлари) – **ижтимоий-техник ва соғи ижтимоий нормалар** амал қиласди. Бинобарин, одамнинг табиат, техника билан муносабатларидаги ёхуд ижтимоий муносабатлар соҳасидаги хатти-харакатларини тартибга солиш учун нормалардан фойдаланилади.

Норматив тартибга солиш тизими, юқорида таъкидлаб ўтганимиздек, нормаларнинг анча кенг доирасини қамраб олади. Шунинг учун ҳам бу тизимни **жамиятда одамлар хатти-харакатларини, бирлашмалар, жамоалар доирасида улар ўртасидаги муносабатларни тартибга солувчи ижтимоий нормалар ҳамда уларнинг табиат билан ўзаро муносабатларни қатъий белгиловчи ижтимоий-техник нормалар мажмуми дейиш мумкин**.

Ҳукуқшунослар аввало ўзлари учун профессионал манфаат касб этувчи ҳукукий нормалар билан иш олиб борадилар. Айни пайтда улар бу нормаларни бошқа ижтимоий тартибга солувчи омиллар билан доимий равишда киёслаб борадилар. Аслида бу омилларнинг ҳаммаси бир-бири билан чамбарчас боғлиқдир.

**Жамиятда амал қиласиган барча нормалар юридик фанда икки катта гурух – **ижтимоий ва техник** гурухларга бўлиниди. Бунда мазкур бўлиниш тартибга солиш предметига асосланади. Агар ижтимоий нормалар кишилар ва улар ўртасидаги муносабатларни тартибга соладиган бўлса, техник нормалар одамлар билан ташки дунё, табиат, техника ўртасидаги муносабатларда шу вазифани бажаради. Шу жиҳатдан техник нормалар «инсон ва машина», «инсон ва меҳнат қуороли», «инсон ва ишлаб чиқариш» типидаги, яъни инсон билан**

лан уни ўраб турувчи жонсиз предметлар ўртасидаги муносабатларни тартибга солади дейиш мумкин.

**Техник нормалар** «табий ва сунъий объектлар билан муносабатда бўлишнинг энг оқилона усуллари ва воситаларини, шу жумладан, технологик операцияларнинг изчиллиги ва мазмуни»ни белгилаб беради<sup>1</sup>.

**Ижтимоий нормалар** – одамлар хулқ-авторининг умум-эътироф этган ёки кең тарқалган намунаси, кўрсаткичи, қоидалари, улар ўзаро алоқаларини тартибга солиши вosaитасидир. Шуни ҳам алоҳида қайд этиш керакки, «Ижтимоий нормалар ҳар хил (хукукий, этик, эстетик, диний ва бошқа) турларининг ўзаро алоқаси ҳамда ўзаро таъсири жараёнида уларнинг ҳар бири ўзига хослигини сақлаб қолиб, алоҳида турдаги тартибга соловчи сифатида амал қиласиди. Ижтимоий тартибга соловчилар **умумий белгилар** билан биргаликда ижтимоий норма бир турининг бошқасидан принципиал фарқини акс эттирувчи **ўзига хос хусусиятга** ҳам зга. Бундай ўзига хосликларсиз ижтимоий нормаларнинг ҳар хил турлари ва тартибга соловчи усуллари тўғрисида умуман сўз юритиш мумкин эмас»<sup>2</sup>.

Ижтимоий нормалар **бслгилаш ва таъминлаш усуллари**-га кўра хукуқ нормалари – ахлоқ нормалари, урф-одат нормалари, корпоратив нормалар (жамоат бирлашмалари – жамоат ташкилотлари нормалари) бўйича таснифланади. **Тартибга соловчилари муносабатлар соҳалари мазмуни** бўйича – сиёсий, ташкилий, этик, эстетик ва бошқа нормалар амал қиласиди.

Ижтимоий нормаларни таснифлашнинг бошқа мезонлари ҳам мавжуд:

- **ташкил топиш усули бўйича** – табиий ва онгли нормалар;
- **мустаҳкамлаш ва ифода усули бўйича** – оғзаки ёки ёзма шакллар мужассамланган нормалар.

Ижтимоий нормалар шаклларига бағишлиланган кўплаб яратилган асарлар ва илмий тадқиқот ишлари олиб борилган. Булар мазкур муаммонинг foят долзарблиги ва муҳим аҳамиятга эгалигидан далолат беради. Қолаверса, булар инсони-

<sup>1</sup> Кудрматов Е.Н. Правовое поведение: норма и патология. М., 1982, 19-бет.

<sup>2</sup> Нерсесянц В.С. Хукуқ фалсафаси / Масъул муҳаррир А.Х.Саидов / Т., «Адолат» нашриёти, 2003, 93-п4-бетлар.

ят ижтимоий такомилга илм-маърифат орқали эришиши мумкинлигини кўрсатади.

Абу Наср Форобий фикрича, инсоният жамияти турли халқлардан ташкил топган бўлиб, улар бир-бирларидан тиллари, урф-одатлари, малакалари, хусусиятлари билан фарқ қиласди<sup>1</sup>. Айни чогда анъана, урф-одат, удумлар ҳам келиб чиқиш жиҳатидан турли шакллардир, аммо уларнинг мондияти битта: бирон-бир тартиб, коида ёки қарашларни асрлаб-авайлаш ва авлоддан-авлодга етказиш шакллари дидир. Абу Райхон Беруний урф-одатларни тадқик этар экан, уларнинг ижтимоий аҳамиятини очиб беради. Ўзаро алоқа ва алоқанинг узилиши – халқлар ўртасидаги қарама-қарши муносабатлардир. Ўзаро бир-бирини тушуниш учун алоқа борлаш йўлини танлаган маъқул, зеро, «ўзаро алоқалар вақтида равшан кўринувчи нарсалар ажralган ҳолатда махфий бўлиб қолади» (З.С.64). Беруний таъбирича, тарқоқлик ва алоқалар узилишининг сабаби учта: 1) тил; 2) дин; 3) урф-одатлар, таомиллар<sup>2</sup> (И.С.64-66). Шундай бўлиши табиий ҳамдир. Чунки ижтимоий норма оддий мавхум хулқ-атвorum коидаси эмас. У ҳаётда, амалиётда ҳақиқатан қарор тонган нормаларни ҳам билдиради. Бошқача қилиб айтганда, ижтимоий норма факат «зарур коидалар» нигина эмас, балки айни пайтда – агар бунда *умуман норма муайян натижга, хулқ-атвorumга эга бўлишга йўналтирилган позитив, ижтимоий фойдали муомала мезони* эканлигини ҳисобга оладиган бўлсак – «амалда бори»ни ҳам ифодалайди. Шунинг учун ҳам «нормага мос келадиган хулқ-атвorum ундан оғиш – паталогик ҳолатларга нисбатан кўпроқ учраши»<sup>3</sup> тасодифий ҳол эмас.

Шу муносабат билан ижтимоий нормалар ҳар қандай муносабатларни эмас, балки *энг типик, энг оммалашган муносабатларни* тартибга солиб боришини қайд этиш жоиз. Тасодифий алоқалар, хатти-харакатлар, важ-баҳоналар нормада акс эта олмайди. Норма-ҳамиша ички ҳоҳишмайлларга ҳам, ташки дегерминт (аниқловчи)ларга ҳам асосланувчи андазадир.

Чунончи, республикамииздаadolатли, демократик жамиятни шакллантириш жараёнлари барча ижтимоий нормалар,

<sup>1</sup> Форобий. Ас-сийсат ал-маданийа. Хардаробод, 1927.

<sup>2</sup> Бу жаҳда бетафсилроқ, қаранг: Классическая наука Средней Азии и Современная мировая цивилизация. Т. Иад-и «Фан», 2000, 362-363-бетлар.

<sup>3</sup> Қудрояев В.Н. Правовое понеденение: норма и патология. М., 1982, 19-бет.

айниқса, ҳукуқий, маънавий (аҳлоқий), сиёсий нормаларга изчил риоя этилишини талаб қиласы. Улардан, яғни халқимизнинг асрлар мобайнида шаклланган ҳаёттій асосларидан чекиниш охир-оқибатта шүролар ҳокимииятининг ҳалокатига сабаб бўлди. Маълумки, шүролар ҳукмронлиги халқимиз ўзининг асрлар мобайнида амал қилиб келган маънавий устуворликлар ва аҳлоқий қоидаларни бутунлай итқитиб ташлаганди. Ҳолбуки, уларни ўрганиш керак эди, уларга амал қилиш лозим эди. И.А.Каримов таъкидлаганидек, «Шарқда демократик жараёнлар узвий равишида ва аста-секин тараққий топади. Бу соҳада инқилобий ўзгаришлар ясашга уринишлар қоят нохуш, ҳатто фожеали натижаларга олиб келади. Инқилобни Farb олимлари ҳам «ижтимоий тараққиётнинг ибтидоий ва ёввойи шакли» деб атаганлар. Табиийки, бундай йўл бизга асло тўғри келмайди...»<sup>1</sup>.

Урф-одатлар ва анъаналар – барқарорлик шакллари бўлса-да, улар айни пайтда ўзгарувчан ҳамдир. Урф-одатлар ва анъаналар ҳаётдан оркада қолиши мумкин. Ақл-идрок уларни таҳлил ва тадқик этади, умумлаштиради, ҳулосалар чикаради ва энг яхшисини танлайди. Бироқ Абу Али ибн Сино қайд этанидек, баъзан «ақл-идрок одат бўйича ҳам қабул қилиши мумкин» (1.С.268). Лекин барибир илғор урф-одатлар, анъаналар ва маросимлар тантана қиласди<sup>2</sup>.

Айтайлик, ўтган асрнинг сўнгги ўн йиллигига мустақил Ўзбекистон Республикаси тубдан янгиланиш даврини бошдан кечирди. Истиқлол қўлга киритилгандан буён ўтган кунлар бундай паллада анъана, урф-одат ва қадриятларга таяниб иш тутиш, улардан янги ўзгаришларга монанд ҳолда оқилона фойдаланиш янгича тафаккур, янгича изланишлар меваси – ислохотларнинг изчил ва событқадамлик билан амалга ошишига, жамият барқарорлитига хизмат қилиши мумкинлигини рўй-рост кўрсатди.

<sup>1</sup> Каримов И.А. Ватан саҳнадаҳо қаби мұқаддасдир. З-том. Т., “Ўзбекистон”, 1996, 8-бет.

<sup>2</sup> Батафсил қиранг: Классическая наука Средней Азии и Современная мировая цивилизация. Т., Изд-ви «Фан», 2000, 363-бет.

Бунда ўзаро чамбарчас боғланган икки энг қудратли ва таъсирчан ижтимоий тартибга солувчи омил сифатида ҳуқуқий ва ахлоқий нормаларга муҳим аҳамият касб этганинги алоҳида таъкидлашш лозим. Бироқ ҳуқуқ ва ахлоқ, шу билан бирга барча ижтимоий нормалар ҳам, факат умумий хусусиятларгагина эга бўлиб қолмайди, балки уларнинг бир-биридан ўзаро жиддий фарқлари ҳам мавжуд бўлади.

## **ХУҚУҚИЙ НОРМАЛАРНИНГ АХЛОҚИЙ ВА БОШҚА ИЖТИМОИЙ НОРМАЛАРДАН ФАРҚИ**

Хуқуқ ва ахлоқ ўзаро қандай нисбатларга эга? Хуқуқ ва ахлоқ тушунчалари нималарни билдиради, ҳулқ-авторнинг алоҳида нормалари сифатида уларнинг ўзига хос хусусиятлари нималардан иборат? Шу муносабат билан, авваламбор, хуқуқ нормаси деганда, давлат томонидан ўрнатилган ёки тасдиқланган ҳамда унинг томонидан мухофаза этиладиган умуммажбурий расман белгилаб қўйилган ҳулқ-автор коида лари тушунилишини эслайлик.

*Ахлоқ, одоб – адолат ва адолатсизлик, яхшилик ва ёмонлик, эзгулик ва ёвузлик, мақтота ва иснод, жамият томонидан рақбатлантириладиган ва қораланадиган хатти-харакатлар, ор-номус, виждон, бурҷ, қадр-қиммат ва ҳоказо категориялар кўрининшида ижтимоий ҳаёт шароитларининг бевосита таъсири сифатида одамлар онгида пайдо бўладиган карашлар, тасаввурлар ва қоидалардир.*

Бунинг устига юқорида келтирилган таъриф ахлоқнинг фақат энг умумий белгиларинигина ифодалайди. Ҳақиқатда эса ахлоқ таркиби биз ўйлагандан анча бойроқ бўлиб, у руҳий ҳолатлар – эҳтирослар, ички кечинмаларни ҳам ўз ичига олади. Уларни кўриб чиқиш фаннинг бошқа соҳаларига дахлдор бўлиб, бизнинг вазифамизга кирмайди.

Шу боис гапни ахлоқ бир одамнинг иккинчи бир одамни баҳолаш қобилиятинигина эмас, балки ўзини ўзи ҳам баҳолай олиши, яъни у ўзини шахс сифатида хис этиб, ўз шаънини ҳам қадрлай билиши кераклигидан бошлишни афзал кўрдик. Шу ўринда И.Кантнинг қўйидаги сўзларини ёдга олиш мақсадга мувофиқ: «...Кимки ўзиничувалчангга айлантириб қўйган бўлса, кейин оёқ остига олиб тепишаёттанидан шикоят қилмаслити керак»<sup>1</sup>. Р.Иеринг ҳақли равишда қайд этганидек, беор қонунсиаликка қаршилик кўрсатиш «қонуний хуқуқдор одамнинг ўз-ўзига нисбатан мажбуриятидир»<sup>2</sup>.

Хуқуқ билан ахлоқ ўртасидаги ўзаро нисбат анча мураккабдир. Бу нисбат тўрт таркибий қисмдан: бирлик, фарқланиш, ўзаро боғлиқлик ва зиддиятдан иборат эканлигига

<sup>1</sup> Кант И. Метафизика нравов в 2-х частях. // Соч. 6-ти т. 4-том. М., 1885, 376-бет.

<sup>2</sup> Иеринг Р. Еръба за право. М., 1991, 16-бет.

эътибор қаратайлик. Қуйида уларни батафсилрок кўриб чи-камиз.

Хуқуқ ва ахлоқнинг бирлиги қуидагиларда ўз ифодаси-ни топади:

– **биричидан**, улар биргаликда норматив тартибга солиш тизимини ташкил этувчи ижтимоий нормалардан иборатdir;

– **иккинчидан**, фалсафий нуқтаи назардан ҳуқуқ ва ахлоқ – иқтисодий, маданий ва бошқа омиллар ҳамда сабабиятлар билан бир хил даражада боғлиқ бўлган устқурма категориялар бўлиб, бу ҳолат уларни ижтимоий бир турга мансуб қилиб қўяди;

– **учинчидан**, бутун ҳалқ манфаатларини ифода этувчи амалдаги чинакам ҳалқ ҳокимияти, демократизм, давлатчилик уларнинг ягона сиёсий пойдеворидир;

– **тўртингчидан**, ҳуқуқ ва ахлоқ мавжуд ижтимоий муносабатлардан иборат бирдан-бир бошқариш обьектига эга ҳамда уларнинг ҳар иккаласи ҳам бир хил одамлар ва жамоаларга йўналтирилган;

– **бепинчидан**, ҳуқуқ ва ахлоқ норматив ҳодисалар сифатида одамларнинг зарур ва мумкин бўлган ҳатти-харакатлари чегараларини белгилайди; шахсий ва ижтимоий эҳтиёжларни уйғунлаштириш воситаси бўлиб хизмат қиласди;

– **олтинчидан**, инсон фаолиятини тартибга солувчи омил сифатида улар киши иродасининг эркинлиги, ҳатти-харакатларини танлаш имкониятларига асосланади;

– **сттичидан**, ҳуқуқ ва ахлоқ охир-оқибатда бир хил вазифа – ижтимоий ҳаётни тартибга солиш ва такомиллаштириш, унга ташкилий асосларни киритиш, адолат ва инсонпарварлик тамойилларини қарор топтириш вазифаларини қўзда тутади;

– **саккизинчидан**, ҳуқуқ ҳам, ахлоқ ҳам чуқур асосга эга бўлган тарихий қадриятлар, жамият тараққистининг ижтимоий ва маданий кўрсаткичлари сифатида майдонга чикади. Ҳуқуқнинг мақсади – «одамларнинг биргаликдаги ҳаётини тўқнашувлар, ўзаро курашлар, кескинликлар, баҳс-мунозаралар ва ҳоказоларга имкони борича камроқ руҳий қувват сарфланадиган тарзда ташкил этишдир»<sup>1</sup>.

Айни пайтда биз кўриб чиқсан умумий хусусиятлар билан бир қаторда ҳуқуқ ва ахлоқ жиддий фарқларга ҳам эга.

<sup>1</sup> Ильин И. Порядок или беспредел. М. 1917, 24-бет.

Бунда ана шу фарқлар юридик фан учун кўпроқ аҳамиятга моликдир. Худди шунинг учун ҳам ҳуқуқ ва ахлоқнинг аломатлари ғоят синчковлик билан таҳлил этишни талаб қиласади.

Бинобарин, **ҳуқуқ ва ахлоқнинг бир-биридан фарқланувчи хусусиятларини** кўриб чиқишимизга тўғри келади.

**1. Ҳуқуқ ва ахлоқ бир-биридан, энг аввало, белгиланиш, шаклланиш усуллари ва манбалари бўйича фарқ қиласади.** Ҳуқуқий нормалар давлат томонидан ва факатгина давлат томонидан ёхуд унинг розилиги билан айрим жамоат ташкилотлари томонидан яратилади ёки тасдиқланади. Давлат томонидан улар бекор қилинади, тўлдирилади ва ўзгартирилади.

Шу маънода давлат ҳуқуқнинг сиёсий ижодкори ҳисобланади, ҳуқуқий ижодкорлик истисносиз факат давлаттагина бериладиган имтиёздир.

Шунинг учун **ҳуқуқ ҳалкнинг оддий иродасини эмас, балки унинг давлати иродасини ифодалайди** ва бинобарин, оддий тартибга солувчи сифатида эмас, балки ижтимоий муносабатларнинг **максус давлат тартибга солувчиси** сифатида майдонга чиқади.

Ахлоқ бошқача тарзда таркиб топади. Унинг нормалари бевосита давлат томонидан эмас, бутун жамият томонидан яратилади. Бу нормалар доимий равишда одамлар амалий фаолияти, уларнинг ўзаро алоқалари жараёнида пайдо бўлиб, ривожланиб боради. Янги ахлоқий қадриятлар ўз андазасига эга бўлиши мумкин бўлса-да, ҳамиша ҳам намуна, ўрнак бўлавермайди. Чунки эски салбий ҳодисаларга барҳам бериб ултурмай, янгиларининг пайдо бўлиши шундан далолат беради.

Ахлоқ нормаси мавжуд бўлиш, яшаб қолиш ҳуқуқини кўлга киритиши учун расмий ҳокимиёт розилигининг ҳожати йўқ: жамият, синф, ижтимоий гурух, жамоанинг, яъни унга риоя этишни мўлжаллаганлар эътирофининг ўзи кифоя. Ахлоқий ўйтлар ижобий қонунчилик қуроли бўла олмайди.

Бу ҳолат давлат ахлоқнинг шаклланишига хеч кандай таъсир ўтказмас экан-да, деган маънони англатмайди. Давлат ҳуқуқ орқали, сиёсат, мафкура, матбуот, бутун ижтимоий муносабатлар тизими орқали шундай таъсирни ўтказади. Бироқ давлат ахлоқ нормаларини тўғридан-тўғри ўзи ўзгартира олмайди.

Яна бир хусусият ҳақида тўхталамиз. Ҳар қандай давлатда шу давлат томонидан вужудга келтирилган ягона ҳукуқ амал қиласди. Айни пайтда ахлоқ ҳатто бир давлатнинг ўзида ҳам ягона ва бир хил бўлмайди. У синфий, миллий, диний, касбий ва инсон турмушининг бошқа жиҳатларига боғликдир. Бу ҳол ҳукукнинг давлат билан келиб чиқиши бўйича алоқасини ҳамда ахлоқда бундай алоқадорликнинг йўқлигиги ни яна бир бор исботлайди.

**2. Ҳукуқ ва ахлоқ уларни таъминлаш усуллари бўйича бир-биридан фарқ қиласди.** Ҳукуқ давлат томонидан яратилиб, жорий этилар экан, унинг томонидан таъминланади, муҳофаза этилади ва ҳимоя қилинади. Аслида бунда «давлат қонун йўли билан мустаҳкамланган муайян ҳукуқ-тартиботни ўрнатувчи ва ҳимоя қилувчи умумий, яъни оммавий ҳокимиятнинг ҳукуқий шакли сифатида» намоён бўлади<sup>1</sup>. Шунинг учун ҳам ҳукукнинг ортида ҳукуқий нормаларга риоя этилишини кузатиб, уни бузувчиларни жазоловчи мажбурлов маҳкамаси туради. Зоро, ҳукуқ илтимос ҳам, маслаҳат ҳам, хоҳиш ҳам эмас, балки бутун жамият аъзоларига қаратилган ҳамда айнан уларнинг манфаатлари йўлида мажбурлов имконияти билан мустаҳкамланган ҳокимият талаби, амри, кўрсатмасидир. Шу маънода ҳукуқий нормалар умуммажбурий можиятга эга.

Шу тариқа ҳукуқда мажбурлов ҳолати мавжуддир. Бусиз у кишилар ҳаётининг таъсирчан тартибга солувчиси, ҳокимият қуроли бўла олмас эди. Бу – албатта, ҳукуқ «жазо шамшири» бўлиши керак, деган маънони англатмайди. Мажбурлов таҳдиди – қонун билан зиддиятга борилганда қўллаш учун мўлжалланган имконият.

Жамоатчилик фикри кучига таянувчи ахлоқ, мажбурий таҳдидидан фарқли ўлароқ, бутунлай бошқа тарзда амал қиласди. Ахлоқ қоидаларини бузиш расмий ҳокимиятнинг аралашишини, юридик жазоларни қўллашни тақозо этмайди. Ахлоқий жиҳатдан одам аблах бўлиши мумкин, бироқ бирон-бир ҳукуқбузарлик хатти-харакатини содир этмаган бўлса, у суд (юридик) жавобгарлигига тортилмайди. Шундай ҳолатларда бундай шахсларга нисбатан қандай таъсир кўрсатишни жамиятнинг ўзи ҳал қиласди. Шуни ҳам унутмаслик жоизки,

<sup>1</sup> Еу ҳақда батафсилроқ қаранг: Нерсесянц В.С. Общая теория права и государства. Изд. НОРМА, 2001, 77-78-бетлар.

бундай таъсир чораси баъзан ҳуқуқдан ҳам қаттироқ ва таъсиричароқ бўлиши мумкин.

**3. Ҳуқуқ ва ахлоқ ифода, қайд этиш шаклига кўра фарқ қиласди.** Агар ҳуқуқий нормалар давлат ёки жамоат ташкилотининг маҳсус юридик ҳужжатлари (қонунлар, фармонлар, қарорлар)да мустаҳкамланиб, умуман кенг кўламли ва кенг тармоқли қонунчиликни ташкил этувчи тегишли кодекслар, тўпламлар, низомларда гурухларга ажратилиб, тартибга солинса, ахлоқий нормалар бундай аниқ ифодага эга бўлмайди, қолаверса, қайд ҳам этилмайди, тайёрланмайди ҳам. Бунинг устига улар ижтимоий ҳаёт иштирокчилари бўлган одамлар онгида пайдо бўлади ва яшайверади. Уларнинг пайдо бўлиши асло қонун чиқарувчилар ёки бошқа ҳуқуқ ижод қилувчи шахслар иродасига боғлиқ бўлмайди.

Ахлоқий нормалар ва қоидалар жамият турли қатламлари ва гурухларида муайян ижтимоий шарт-шароитлар таъсирида вужудга келар экан, кейинчалик кенг тарқалади ҳамда барқарор хулқ-автор қоидалари ва далилларига айланади. Бунда бирон-бир ахлоқий норманинг пайдо бўлиш вақтини ҳам, сабабини ҳам, тартибини ҳам, унинг амал қилиш мuddатини ҳам аниқ кўрсатиш мумкин эмас.

Шуни ҳам ёдан чиқармаслик керакки, ахлоқий нормалар фақат битилмаган ўгитлар ва талаблардангина иборат оғиздан-оғизга ўтиб юрувчи пандномалар эмас. Уларнинг кўпчилиги турли жамоат ташкилотларининг хилма-хил дастурий ҳужжатлари ва низомларида адабий ва диний ёдгорликларда, тарихий йилномаларда ўз ифодасини топган. Боз устига, қонунлар ва бошқа ҳуқуқий ҳужжатлар моддалари ва бандларига кирган ахлоқ нормалари ҳам оз эмас.

**4. Ахлоқ ва ҳуқуқ қишилар онгига таъсир этиш хусусияти ва усуllibariga кўра бир-биридан фарқ қиласди.** Агар ҳуқуқ субъектлар ўртасидаги ўзаро муносабатларни уларнинг юридик ҳуқуқ ва мажбуриятлари – ҳаққонийлик ва ноҳақлик, қонунийлик ва гайриқонунийлик, жазоланиш ва жазоланмаслик нуқтаи назаридан тартибга соладиган бўлса, ахлоқ иссон қилмишларига зэгулик ва ёвузлик, мақтov ва қоралаш, ҳалоллик ва ноноқлик, олижаноблик ва пасткашлиқ, виждон, ор-номус, бурч нуқтаи назаридан ёндашади.

Бонқача қилиб айтадиган бўлсак, уларнинг баҳолап категориялари, ижтимоий мезонлари турличадир. Шу жиҳатдан ҳуқуқ нормалари тақиқланадиган ва рухсат этиладиган хат-

ти-ҳаракатларнинг етарли даражадаги аниқ манзарасини ифода этади. Айни чогда муайян қоидани бузганлик учун жазо чораларини белгилаб, хулқ-авторларнинг зарур турини аниқ кўрсатиб беради. Ахлоқ нормалари эса олдиндан белгиланадиган жавобгарлик мезонларига эга эмас ва уларни кўзда тутмайди ҳам.

**5. Ҳукуқ ва ахлоқ уларни бузганлик учун жавобгарлик мөхияти ва тартиби бўйича бир-биридан фарқ қиласи.** Ҳукуқ бузарлик ҳаракатлари оддий жавобгарликни келтириб чиқарибгина қолмай, балки маҳсус-юридик жавобгарликни ҳам юзага келтиради. Айни пайтда жазо тайинлаш тартиби қонун билан қатъий чегаралаб қўйилган. Демак, одамга давлат номидан жазо тайинланади.

Ахлоқ қоидаларини бузганлик учун жавобгарлик мутлақо бошқа оқибатларга олиб қиласи. Бу ерда аниқ бир жазо чораси кўзда тутилмайди. Бериладиган жазо қоидабузарни ахлоқий қоралаш, унга танбеҳ бериш, жамоатчилик таъсири чораларини қўллашда ифодалнади. Масалан, ҳайфсан, танбеҳ бериш, ташкилот сафидан чиқариб юбориш, алоқани бутунлай узиш каби чоралар қўлланиши мумкин.

Бунда давлат олдида жавобгарлик эмас, балки жамият, жамоа, оила, қолаверса, бошқа бир одам олдида масъулият юзага қиласи.

**6. Ҳукуқ ва ахлоқ инсон хулқ-авторига нисбатан қўйиладиган талаблар даражаси бўйича ҳам бир-биридан фарқ қиласи.** Гарчи айрим қилмишлар учун юридик қонунлар анча жиддий жазо чораларини кўзда тутишини билсак-да, шахс олдига қўплаб талабларни қўювчи ахлоқнинг таъсир даражаси албатта бир мунча юкори туради. Чунончи, ахлоқ нопоклик, ёлғончилик, тухмат, алдовнинг ҳар қандай қўринишини кескин коралайди, ҳукуқ эса факат уларнинг энг хавфли қўринишларинингни олдини олади.

Қўриниб турибдики, ахлоқ жамоатчиликка қарши қаратилган ҳаракатларнинг ҳеч қандай турига тоқат қилолмайди, ҳукуқ эса бундай ҳаракатларнинг энг ёвуз қўринишларинигина жазолайди. Шуни алоҳида уқиб олиш керакки, биз бундай ёндашув билан ҳукуқни ахлоқий тушуниш лозим деган фикрни илгари сурмоқчи эмасмиз. Биз бундай қараашларни мутлақо оқламаймиз. Зоро, ҳукуқ ва ахлоқ ўзига хос, мустақил мазмун-мөхиятга эга тушунчалардир.

В.С.Нерсесянц таъбирича: «Хуқуқни ахлоқий тушуниш фақат ҳуқуқнинг эмас, балки ахлоқнинг ҳам мохиятини муқаррар бузади, чунки ҳуқуқнинг ахлоқийлаштирилиши, хеч шубҳасиз, ахлоқнинг юридиклаштирилиши билан бирга кечади. У ҳолатда ҳам, бу ҳолатда ҳам ҳуқуқ ва ахлоқнинг мазмуни ва мохияти ихтиёрий равишда белгиланади»<sup>1</sup>. Бироқ, маънавий жиҳатдан олиб қараганда, ҳуқуқнинг ахлоқан тӯғри, рисоладагидек бўлиши, яъни «ахлоқий қонун (ахлоқий позитив ҳуқуқ)нинг ва ахлоқий давлатнинг ахлоқан асослашиши»<sup>2</sup> мантиқлидир.

Инсон ҳулк-авторига нисбатан қўйиладиган талаблар даржаси бўйича ҳуқуқ ва ахлоқнинг яна бир фарқ қиласидиган жиҳати шундаки, ахлоқийлик одамлар қилмишларини виждон категориясига таққослади, уларни фақат қонун кўрсатмаларига эмас, балки бурч даъватига ҳам қулоқ тутишга чақиради. Ҳуқуқ инсонни ҳамишпа ва ҳамма нарсада охиригача ҳалол-пок, виждонли, ҳақиқатгўй, адолатли, меҳрибон, олижаноб бўлиш, қаҳрамонликлар кўрсатишига мажбур қиломайди. Қонун йўли билан кўрсатма бериш орқали бунга эришиб бўлмайди. Ахлок эса бунга даъват этади. Шунинг учун ҳам ахлоқ одамларни ўрта миёналикка эмас, балки юксакликлар сари - чинакам баҳт-саодат ва истиқбол сари чорлайди.

*7. Ҳуқуқ ва ахлок амал қилиш соҳалари бўйича фарқ қиласиди.* Ахлоқий макон ҳуқукий макондан анча кенгdir. Маълумки, ҳуқуқ ижтимоий ҳаётнинг кўп кирраларини четда қолдириб, унинг энг мухим соҳаларинигина тартибга солиб боради. Бунда одамлар ўзаро алоқаларининг мұхаббат, дўстлик, ўзаро ёрдам, дид-фаросат, мода, раҳм-шафқат каби жиҳатлари ҳуқуқ доирасидан четда қолади.

Кишилар ўртасидаги муносабатларнинг бу соҳаларига ҳуқуқнинг кириб бориши, биринчидан, уларни ташқаридан назорат қилиб бўлмаслиги билан, иккинчидан, давлат манфаатлари нуқтаи назаридан бундай қилишининг маъноси йўқлиги билан, учинчидан эса, бу лоакал демократия ва инсонпарварликка зид бўлгани учун ҳам мустасно этилади. Бу ерда ахлоқ, одоб ва бошқа ижтимоий нормалар, анъаналар амал қиласиди.

<sup>1</sup> Нерсесянц В.С. Общая теория права и государства. 90-бет.

<sup>2</sup> Ўша манба, 81-бет.

Хукуқдан фарқли ўлароқ, ахлоқ кишилик жамиятининг туб-тубигача, барча кавакчаларию уячаларигача кириб боради. Шунинг учун ахлоқ берган баҳо инсонлар ўзаро муносабатларининг барча шакллари, турлари учун муҳим ва зарурдир.

Бироқ айни пайтда шуни ҳам эътибордан соқит қилмаслик керакки, ҳуқуқ ва ахлоқ амал қилиши жиҳатидан қисман бир-бирига мос келмаслиги мумкин. Бироқ асосан улар бир-бирини тўлдиради. Бу – қарийб барча ижтимоий муносабатлар ҳам ҳукуқнинг, ҳам ахлоқнинг тартибга солиш предметини ташкил этади деганидир. Бу ўринда шундай нисбат кўзга ташланади: *ҳуқуқ томонидан тартибга солинадиган ҳамма нарсани ахлоқ ҳам қамраб олади, бироқ ахлоқ томонидан тартибга солинадиган ҳамма нарса ҳам ҳуқуқ томонидан тартибга солинавермайди.*

**8. Фалсафий жиҳатдан ҳуқуқ билан ахлоқнинг фарқи шундаки**, ахлоқ (сиёсат, мағкура, фан, санъат ва ҳоказолар билан бир каторда) ижтимоий онг шаклларидан бири сифатида майдонга чиқади, бироқ ҳуқуқ ҳақида бундай мулоҳаза юритиб бўлмайди. Чунки ижтимоий онг шакли сифатида ҳуқуқ эмас, балки ҳуқукий онг, яъни ҳуқуқка бўлган қарашлар намоён бўлади. Конунчиликка, одатда, гоялар, тасаввурлар сифатида эмас, давлатнинг бир белгиси, унинг тузилмаларидан бири, қолаверса, қуроли сифатида қаралади. Албатта, бу каби тушунчалар бир-бири билан чамбарчас чатишиб кетганига қарамай, жамиятда ҳукмрон бўлган ҳуқукий қарашлар айнан шу қонунларнинг ўзида мужассамлашади.

**9. Ниҳоят, ҳуқуқ ва ахлоқнинг тарихий тақдиди турли-чадир.** Ахлоқ тарихий келиб чиқиши жиҳатидан анча, қадимий бўлиб, у инсоният жамиятида ҳамиша мавжуд бўлган ва бундан буен ҳам мавжуд бўлиши табиий. Позитив ҳуқуқ эса ижтимоий эволюциянинг муайян босқичидагина юзага келган ҳамда келажакда унинг тақдиди, бутунлай бошқача кечиши ҳам эҳтимолдан холи эмас.

Ҳуқуқ ва ахлоқнинг умумий ва бир-бирларидан фарқ қилувчи хусусиятлари шулардан иборат. Бунда шуни ҳам назарда тутиш керакки, ҳуқуқ билан ахлоқ ўртасидаги тафовут чегара бир бор белгиланганича ҳамиша ўзгаришсиз қолиб кетмайди. Демакки, ҳуқуқ ва ахлоқ ижтимоий тараққиёт, содир бўлаётган ўзгаришларга боғлик холда у ёхуд бу томонга қараб ўзгариб бориши мумкин. Бироқ бундай ёндапшув

куйидаги каби саволларнинг келиб чиқишига сабаб бўлиши табиий: Ҳозир хуқуқ томонидан тартибга солиб борилаётган жиҳатлар бошқа бир вақтга келиб, факат ахлоқий таъсир объектига айланниб қолини ёки аксинча, бўлиши мумкинми? Ҳатто бир турдаги жамиятнинг ўзида, лекин турли даврда хуқуқ ва ахлоқ ўртасидаги нисбат кескин ўзгаришга юа тутадими?.. Бу каби саволларга жавоб қандай бўлишини албатта келажак, истиқбол кўрсатади.

**Хуқуқ ва ахлоқнинг ўзаро таъсири.** Уларнинг ўзаро чамбарчас боғлиқлиги мазкур ижтимоий тартибга солувчиларнинг ўзаро мустаҳкам алоқада ижтимоий ва амалий ҳаракат қилишини тақозо этади. Хуқуқ ва ахлоқ ижтимоий муносабатларни тартибга солиш ишида, шахсга ижобий таъсир ўтказишда, фукароларда юридик ва ахлоқий маданиятни, хуқуқий онгни шакллантиришда бир-бирини қўллаб-кувватлади. Кўп ҳолларда уларнинг талаблари бир-бирига мос келади: хуқуқ томонидан рағбатлантирилган субъектлар хатти-ҳаракатлари ахлоқ томонидан ҳам рағбатлантирилади.

Айтайлик, ахлоқ хуқуқбузарликнинг ҳар қандай кўрининшини, айниқса, жиноятларни қоралайди. Бу каби ҳодисаларни баҳолашда хуқуқ ва ахлоқ муштаракdir. Хуқуқка қарши ҳар қандай хатти-ҳаракат юксак маданиятли жамиятда ахлоқсизлик ҳамдир. Хуқуқ қонунларга риоя этишини талаб қиласди, ахлоқ ҳам худди шуни тақозо этади. Чунончи, Ўзбекистон Республикаси Конституциясининг кўпгина моддаларида, айниқса, унинг Муқаддимасида, Инсон хуқуқлари ва эркинликлари Декларациясида ахлоқ ва хуқуқнинг нуқтаи назарлари бир-бирига ҳамоҳанг тарзда қўшилиб кетганига гувоҳ бўламиз. Маълумки, мустақил Ўзбекистоннинг биринчи Конституцияси янги жамиятнинг ишончли хуқуқий асосларини шакллантиришда муҳим ўрин тутади. Зотан, Конституциямизда ўз ифодасини топган умумий гоясиз бизнинг кўп миллатли мамлакатимизда мустаҳкам ахлоқий, маънавий маконни яратиш мумкин эмас эди.

Дарҳақиқат, жамиятимизни янгилаш ишида ахлоқий ва маънавий асослар гоят катта аҳамиятга зга. Зоро, «Шарқда демократия тушунчаси ҳамжиҳатлик гояси, жамоатчилик фикрининг устуворлиги заминида шаклланади. Бизнинг мамлакатимизда демократик жараёнлар халқимизнинг қонунни хурмат қилиш, қонунга итоат этиш каби фазилатларига мос равишида ривожланиши зарур. Ахлоқий, маънавий қадрият-

лар сиёсий муносабатларда ҳам устунлик касб этиши даркор<sup>1</sup>.

Кўриниб турибдики, ҳуқуқ ва ахлоқнинг ўзаро таъсири инсонга йўналтирилган бир хил талабларда, унда юксак ахлоқий фазилатларни тарбиялаш ишида ўз ифодасини топади. Шунинг учун ҳам республикамида тарбия масалалари га катта аҳамият берилаётгани тасодифий эмас. Ўзбекистон Республикаси Президенти буни ҳамиша таъкидлаб келаётгани ҳам бежиз эмас. Шу муносабат билан И.А.Каримов бундай деганди: «Маънавият тарбиянинг энг таъсирчан қуроли экан, ундан оқилона фойдаланиш, болаларимизни ватанпарварлик, росттўйлик, ҳақсеварликка ўргатиш керак бўлади. Аслини олганда, ахлоқ – маънавиятнинг ўзаги. Инсон ахлоқи шунчаки салом-алик, ҳушмуомаладангина иборат эмас. Ахлоқ – бу аввало инсоф ва адолат туйгуси, имон, ҳалоллик дегани.

Қадимги аждодларимиз комил инсон ҳақида бутун бир ахлоқий талаблар мажмуасини, замонавий тилда айтсан, шарқона ахлоқ Кодексини ишлаб чиқсанлар. Киши қалбida ҳаромдан ҳазар, нопокликка, адолатсизликка нисбатан муроносиз исён бўлиши керак<sup>2</sup>.

Ўз функцияларини амалга ошириш жараёнида ҳуқуқ ва ахлоқ умумий мақсадларга эришишида бир-бирларига қўмаклашади. Бунда уларнинг ҳар бири ўзига хос усуслардан фойдаланади. Одамнинг биргина қилмиши кишилар кўз ўнгидаги ҳам ҳуқукий, ҳам ахлоқий баҳо олади, бу ҳақда ҳуқуқ ва ахлоқ ҳам қонун нуқтаи назаридан, ҳам виждан нуқтаи назаридан баҳс беради. Бу ҳолат турли ғайрижитмоий ҳодисаларни самарали тартибга солиш имконини беради.

Марказий Осиёда ва албаттa, Ўзбекистонда ижтимоий ўз-ўзини ташкил этишининг маҳалла деб аталган ноёб шакли жуда қадим замонлардан мавжуд бўлиб, ҳозирги кунгача яшаб келмоқда. Ўзбеклар учун оддий жамоа ёки турар-жой тушунчаларидан кўра маҳалла анча қадрлироқdir. Ўзбекистон Республикаси Президенти Фармони билан «Маҳалла» хайрия жамғармасининг тузилиши анъанавий тарбия ўчори хисобланган маҳалла зиммасига замон талабларига монанд янги вазифалар юклади. Ўзини ўзи бошқаришнинг миллий усули, фуқаролик жамиятини шакллантиришнинг ўзига хос

<sup>1</sup> Каримов И.А. Ўзбекистон сиёсий-ижтимоий ва иқтисодий истиқбалининг асосий тамойиллари Т., «Ўзбекистон», 1995, 5-12-бетлар.

<sup>2</sup> Ўш манба, 53-бет.

таянч институти бўлган маҳаллалардаги жамоатчилик фикри улкан маънавий куч сифатида мухим аҳамият касб этмоқда. Бинобарин, «Маҳалла – аввало, соғлом ижтимоий мухит мас-канидир. Бу ерда кучли таъсирга эга бўлган жамоатчилик фикри маҳалла аҳлиниң хулқ-автори, ўзаро муносабатлари-ни адолат ва маънавий мезонлар асосида тартибга солиб ту-ради. Шу маънода маҳаллани демократия дарсхонаси, деб ҳам аташ мумкин»<sup>1</sup>.

Шу жиҳатдан ҳеч қандай давлат ёхуд жамоат ташкилоти маҳаллага тенг келолмайди. Маҳаллаларда катта ҳаёт таж-рибасига эга заминда мустаҳкам турган, билимдон, ҳамма нарса қўлларидан келадиган, фидойи, ҳамма нарса ва ҳар қандай ҳолатни баҳолай оладиган, жой-жойига қўядиган ки-шилар иш олиб боради. Шунинг учун ҳар қандай одам, ҳатто манаман дегани ҳам маҳалладагилар олдида юнош тортиб қолади.

Айнан шу маҳалла мисолида ҳуқуқ ва ахлоқ ўз функция-ларини амалга ошириш жараёнида умумий мақсадларга эри-шиш йўлида ҳар бири факат ўзигагина хос бўлган усулларни қўллаб, бир-бирита қандай ёрдам беришларини кўриш мум-кин. Ҳар бир одамнинг қилмиши атрофдагилар кўз ўнгига ҳам ҳуқукий, ҳам ахлоқий баҳосини олади, бу ҳақда қонун нуқтаи назаридан ҳам, номус ва виждан нуқтаи назаридан ҳам мулоҳаза юритилади. Бу турли хил ғайриижтимоий ҳодисаларга қарши самарали кураш олиб бориш имконини беради.

Ҳуқуқ ва ахлоқ одил судловни амалга ошириш соҳасида, ҳуқуқ-тартибот, адлия органлари фаолиятида самарали ҳам-корлик қилиади. Масалан, аниқ бир ишни ҳал этиш, ҳар қандай ҳаётий вазиятлар, ғайриижтимоий ҳаракатларни таҳлил қилишда, шунингдек, ҳуқуқбузар шахсини баҳолашда юри-дик мезонлардан ҳам, ахлоқий мезонлардан ҳам фойдалани-лади. Баъзан буларсиз кўпгина жиноятларга сабаб бўлувчи безорилик, тухмат-бўхтон, ҳакорат қилиш, инсон қадри ва шаънини ерга уриш каби кирдикорларни тўғри баҳолашнинг иложи бўлмай қолади.

Никоҳни бекор қилиш, оналиқ ҳуқуқидан маҳрум этиш ва меҳнат низолари тўғрисида ҳам худди шу гапни айтиш мум-кин. Бундай вазиятларда субъектлар ва можароларнинг

<sup>1</sup> Миллии истиқлол ғояси: асосий тушунчалар, тамойиллар ва атамалар (қисқича изоҳли луғат). Т., «Янги аср авлоди», 2002, 91-бет.

ўзининг нафакат ҳуқуқий, балки ахлоқий тавсифлари ҳам керак бўлади. «Одил судлов, – деб ёзганди ҳуқуқшунос А.Ф.Кони, – адолатдан воз кечиши мумкин эмас, адолат эса факат жазо чораларини қонуний қўллашдангина иборат эмас. Суд арбоби ўзининг ақл-заковати, меҳнати ва ҳокимият кучини одамлар кирдикорларини баҳолашга сарфлашга даъват этилган экан, шу одамларга нисбатан бутун саъй-ҳаракатлари тарзи билан ахлоқий қонунни қўллашга интилмоғи даркор»<sup>1</sup>.

Ахлоқ қоидаларини бузмай туриб, давлат қонунини бузиш мумкин эмас. Шунинг учун ҳам ҳар қандай ишни суд столи устида ҳал этиш чогида ҳуқуқий кодексдан ташқари, кўзга кўринмас ахлоқ «кодекси» ҳам ётади. Улар бир-бирини тўлдиради, бир-бирини тақозо этади.

**Ҳуқуқ билан ахлоқ ўртасидаги зиддият.** Ҳуқуқ ва ахлоқнинг ўзаро боғлиқлиги, алоқаси улар ўртасидаги жиддий зиддиятлар, тўқнашувлар ва тафовутларни истисно этмайди. Рус олими Иван Ильин таъкидлаганидек, «ҳуқуқ ва ахлоқ ўртасидаги нисбатлар тўғри ва нотўғри бўлиши мумкин»<sup>2</sup>.

Ҳуқуқий ва ахлоқий омилларни энг мақбул даражада кўшиб олиб бориш барча ҳуқуқий тизимлар учун ҳам ҳамиша ечилиши мураккаб муаммо бўлиб келган. Тажриба ва вақтнинг кўрсатишича, бу ерда идеал уйқунликка эришиб бўлмайди, зиддиятлар сақланиб қолаверади, боз устига, янгилари ҳам пайдо бўлади. Албатта, уларни юмшатиш, камайтириш мумкин, лекин бутунлай йўқотиб бўлмайди.

Ўз табиатига кўра ҳуқуқ консерватив бўлиб, одатда у ҳаёт оқимидан ортда қолади, боз устига, унинг ўзида ҳам қарама-қаршиликлар оз эмас. Ҳатто энг мукаммал қонунлар ҳам нуқсон ва камчиликлардан холи бўлмайди. Ахлоқ эса жўшкінроқ бўлиб, содир бўлаётган воқеаларга фаолроқ муносабатда бўлади. Ҳуқуқ ва ахлоқ иотекис ривожланади. Ахлоқда ривожланишининг ўз-ўзидан содир бўлиш ҳолати устувор бўлади. Шунинг учун ҳар қандай жамиятда турлича ҳуқуқий ва ахлоқий ҳолатни кузатиш мумкин. Ҳуқуқ ва ахлоқ бир хил далилларни турлича баҳолаши туфайли шундай ахвол рўй беради. Бироқ, ҳуқуқ ва ахлоқ орасида ўоят нозик чегаралар ҳуқм сурса-да, уларда бир-бирининг ичига кириб

<sup>1</sup> Кони А.Ф. Собр. соч. М., 1967, 51-бет.

<sup>2</sup> Ильин И. Порядок или беспредел. М., 1991, 37-бет

бориши ҳолатлари ҳам мавжуд бўлади. Айтиш мумкинки, ахлоқ одамдан кўпроқ нарсани талаб қиласди. қаттироқ ҳукм чиқаради. Оддий турмуш воқеалари мисолида ҳам бунга ишонч ҳосил қилиш мумкин. Масалан, ўз гўдакларини туқруқхоналарда колдириб кетадиган «оналар» ҳам бўлиб, улар «воз кечиши хатлари»да бирорларнинг бу гўдакларни асрар олишларига эътироҳ билдириласликларини ёзишади. Конунда бу ман этилмаган, бинобарин, ҳукуқ сукут сақлайди. Ахлоқий туйғулар эса бундай шафқатсизликдан жунбушга келади.

Айтайлик, худди шунингдек, эр-хотинларнинг бир-бирларига хиёнати, ёшларнинг ота-оналари туарар-жойларига эзалик даъволари кабилар ҳам ҳукуқ ва ахлоқ томонидан турлича баҳоланади.

Айрим ҳолларда ахлоққа, инсонпарварликка зид қонунлар ҳам учраб туради. Айниқса бу ҳол собик шўро тузуми даврида авж олганди. Масалан, собик иттифоқ қонунчилигига, хусусан, Жиноят кодексида амалда яқин қариндошлар тўғрисида гувоҳлик кўрсатмалари беришни талаб қилувчи, умуман, чақимчиликни рағбатлантирувчи моддалар бўлган. Жумладан, бизда – Ўзбекистонда бундай ноинсоний нормалар қандай аянчли воқеа ҳодисаларга сабаб бўлганлигини профессор А.Азизхўжаев «Давлатчилик ва маънавият» номли китобида қўйидагича жонли ва таъсирчан ифодалаганди:

«Советлар тузуми чогида сотқинлик, мунофиқлик мансаб пиллапояларидан кўтарилиш учун энг зарур хусусият эди. Яъни фарзанд ўз унсур отасини шўроларга айтиши ва жазолаши катта қаҳрамонлик ҳисобланар эди. Баъзи ҳамюртларимиз буюк ўғлонларимиз Чўлпон, Фитрат, Беҳбудий, Усмон Носир, Абдулла Қодирий ва бошқаларни қоралаш натижасида кўплаб юқори мансабларга эришдилар. Улар миллатпарвар, миллий ифтихорга эга бўлган қиппиларнинг номларини қанчалик кўп сотсалар, уларни собик тузум шунчалик юқори лавозимга кўтарар эди. Қизиги шундаки, кейинроқ уларнинг ўzlари ҳам ўzlаридан устароқ сотқинлар томонидан чакувга олиниб, йўқ қилиб юборилди»<sup>1</sup>.

Ахлоққа, инсонпарварликка зид қонунлар туфайли, умуман олганда, мантиксизлик оқибатида қонун бирон нарсага рухсат берса, ахлоқ «ман этади»ган ёхуд аксинча – қонун «ман этиб», ахлоқ рухсат этадиган вазиятлар юзага келади.

<sup>1</sup> Азизхўжаев А. Давлатчилик ва маънавият. Т., «Шарқ», 1997, 93-бет.

Бундай ҳолатларда улар ўртасида зиддият кучаяди. Шунда тегишли нормаларга жиддий тузатишлар киритишга, хатто адолат юзасидан айримларидан воз кечиб, янгиларини ижод қилишга тўғри келади.

Шу муносабат билан ҳозирги пайтда жуда оммалашиб кетган «қонун тақиқламаган ҳамма нарсани қилиш мумкин» деган ғайриоддий принцип қўпчиликда қизиқиш уйғотиши табиий. Бу ақида мустабид шўро тузуми интиҳосида – «қайта куриш» даврида пайдо бўлганди. Уни матбуот ҳаяжон ва эҳтирос билан кутуб олди. Бироқ ҳуқуқшунослар бунинг эҳтимол тутилган жиддий салбий ҳуқуқий ва ахлоқий оқибатларини хис этиб, ўша вақтлардаёқ уни мақташдан ўзларини тийишганди. Чунки «етмиш тўрт йил мобайнинда ҳукмронлик – зўравонлик қилган собиқ иттифоқ даврида қонун ва унинг моҳияти, жамиятдаги аҳамияти ҳақида камдан-кам сўз юритилар эди.

Бунинг сабаби эса эски тузум шароитида қонун ва қонунчилик ўрнини ҳам кўпроқ коммунистик гоя ва партия каторлари эгаллаганида эди. Ва, керак бўлса, бу соҳта мафкуранинг – давлат ҳаёти бўладими, жамият ёки инсоннинг шахсий ҳаёти бўладими, қолаверса, оиласнинг ички ишлари бўладими – барчасига аралашиб кетгани, аралашип у ёқда турсин, ҳатто ҳукмронлик қилгани ҳеч кимга сир эмас ... Қонун асосида эмас, буйруқ даражасига кўтарилган гоя асосида яшашнинг таъсири, афсуски, ҳали-ҳануз сезилиб қолмоқда. ... Мана шундай асоратлардан тезроқ ҳалос бўлиш учун барчамиз – ҳам давлат, ҳам жамоат ташкилотлари ва ҳар қайси фуқаронинг ўзи қатъият билан ҳаракат қилиши керак»<sup>1</sup>.

## КОРПОРАТИВ НОРМАЛАР, УЛАРНИНГ ХУСУСИЯТЛАРИ ВА АҲАМИЯТИ

Маълумки, фуқаролик жамияти тенг ҳуқуқли инсонларнинг жамияти сифатида улар манфаатларини қаноатлантириш, амалга ошириш ва рўёбга чиқаришга қўмаклашувчи корпорациялар – жамоат бирлашмалари, уюшмалари, ташкилотлари асоси ҳамда ушбу корпорациялар фаолияти натижасида юзага келадиган муносабатлар тизимиdir. Шунга кўра, айтиш мумкинки, «Ўтиш даври шароитида, фуқаролик

<sup>1</sup> Каримов И.А. Хаффасиалик ва тинчлик учун курашмок керак. 10-том. Т., «Ўзбекистон», 2002. 152-бет.

жамияти асосларини шакллантириш жараёни юз берадётган бир пайтда Ўзбекистон ахолиси турли қатламларининг манфаатларини ифода этиш лозим бўлган кенг тармоқли, кўп-партияли тизим каби демократик институтлар ҳамда бошқа жамоат ташкилотларининг қарор топиши ҳам муҳим аҳамият касб этмоқда Шу жиҳатдан олганда, давлатнинг роли сиёсий партиялар ва жамоатчилик ҳаракатларининг вужудга келиши, қарор топиши ва ривожланишини секинлаштириб қўядиган ҳар қандай гов ва тўсикларни бартараф этишдан иборатдир<sup>1</sup>. Зоро, демократик ҳукуқий давлат, энг аввало, ўз фуқароларининг манфаатларини, ҳақ-ҳукуқларини қаноатлантира олган, таъминлай билган давлатдир.

Дарҳақиқат, *корпоратив нормалар (жамоат бирлашмалари ва корпорациялар томонидан қабул килинадиган нормалар)* ёки *жамоат ташкилотлари нормалари ижтимоий муносабатларни тартибга солиш тизимининг таркибий қисмидир*. Жамоат ташкилотлари нормалари ижтимоий нормаларнинг алоҳида тури ҳисобланади. Бошқа ижтимоий нормалардан корпоратив нормалар нималари билан фарқ қилиши, шунингдек, уларнинг умумий томонларини аниқлаш учун, энг аввало, *тартибга солинадиган ижтимоий муносабатлар тури ва уларни амалга оширишни таъминлаш шаклига* эътиборни қартиш зарур.

Жамоат ташкилотлари ички вазифаларни муваффакиятли ҳал этиш мақсадида ўз фаолиятларини яхшироқ ташкил этиш учун корпоратив нормаларни ишлаб чиқади. Чунки корпоратив нормалар муайян бир жамоат ташкилотининг раҳбар органларини шакллантириш тартиби, улар ваколатлари, низомга ўзgartиши ва қўшимчалар киритиши тартиби, ташкилот аъзолари ҳамда қатнашчиларининг ҳукуқ, мажбуриятлари ва бошқалар тўғрисидаги нормалари бўлиб, улар фақат ўша ташкилот аъзолари ҳамда қатнашчиларига нисбатан жорий этилади, фақат улар учунгина мажбурий ҳисобланади. Шунинг учун уларни том маънода, чинакамига жамоат ташкилотлари нормалари деб аташ мумкин. Уларнинг амал қилиш доираси у ёки бу жамоат ташкилотидан четта чиқиб кетмаслигидан иборат ўзига хос хусусияти шундан келиб чиқади ва улар маҳаллий, муайян ташкилотга хос хусусиятта эга бўлади.

<sup>1</sup> Каримов И.А. Ҳавфсизлик на баркарор тараққиёт йўлида. 6-том Т., «Ўзбекистон», 1998, 152-бет

**Шундай қилиб, корпоратив нормалар ёки жамоат ташкилотлари нормалари ўз вазифаларини адо этиш мақсадида жамоат ташкилотлари қабул қиладиган низомлар, йўриқномалар, қарорларда белгилаб қўйилган ҳулк-атвор қоидалари дир.**

Бинобарин, корпоратив нормалар **фақат ички муносабатларни** – муайян жамоат ташкилоти мақсад ва вазифаларини, органлар ваколат доиралари, уларнинг ҳукуқ ва мажбуриятларини, шу ташкилотга кириш ва ундан чиқиш тартиби, нормаларга риоя қилиш кафолатлари кабиларни тартибга солади. Бундан чиқди, «Корпоратив нормалар (тартибга солувчи ахамияти, ҳаракатланиш соҳаси, мўлжалланганлар доираси ва бошқа жиҳатларга кўра) – ташкилот ички хусусиятига эга бўлган гуруҳга хос нормалардир. Уларда ҳукуқ ялпи ва уму маҳамиятли қимматга эга, қонун эса умумий мажбурий бўлмайди. Корпоратив нормалар моҳиятан жамоат бирлашмаларининг (яъни жамоат ташкилотларининг – изоҳ бизники З.И.) ҳукукий ижодкорлиги эмас, балки бор-йўғи фуқароларнинг бирлашмадан конституциявий ҳукуқларини амалга ошириш ҳамда улардан фойдаланиш шакл ва услубидир. Бунда жамоат бирлашмаларининг ташкил этилиши ҳамда уларнинг фаолияти, шу жумладан уларнинг норма ижодкорлиги ҳукуқ ва ижтимоий муносабатлар ҳукукий шаклларининг умумий талабларига мувофиқ қонун асосида ва унинг (ҳукукий тенглиқ, ихтиёрийлик, ҳукуқ ва мажбуриятларнинг ўзаро алоқаси принципи кабиларга риоя қилиш) доирасида амалга оширилиши лозим»<sup>1</sup>.

Шуни алоҳида қайд этиш керакки, жамоат ташкилотлари нормалари **ҳукукий ва ноҳукукий** нормалардан иборат бўлади. Ҳукукий мазмундаги нормалар жамоат ташкилотларининг давлат топшириғи (ёки унинг томонидан берилган ваколат) бўйича чиқарилган ҳужжатларида акс этади. Барча жамоат ташкилотлари ҳукукий ижодкорликда иштирок этиши мумкин. Бироқ ушбу функцияни улар турли шаклларда ва турли ҳажмларда адо этади. Ўтган замонларда ва умуман, ҳозир ҳам норматив ҳукукий ҳужжатларни чиқаришнинг расман юридик ҳукуки асосан касаба уюшмалари ҳамда кооперациянинг алоҳида турларига берилган. Лекин бу масалага ҳали тўлиқ ойдинлик киритилганича йўқ. Шунинг учун ҳам кўп-

<sup>1</sup> Проблемы общей теории права и государства, 181-бет

чилик олимларнинг алоҳида турдаги жамоат ташкилотлари-нинг хуқуқий ижодкорликдаги ваколати масалалари ёритилган қонун хужжатини ишлаб чиқиш ва қабул қилиш таклифи билан чиқаёттаниклари бежиз эмас.

Жамоат ташкилотлари нормаларининг амал қилиш омиллари хуқуқий нормаларнига ўхшашиб. Бу корпоратив нормалар, гарчи муайян бир ташкилот доирасида амал қиласда, сиёсий мазмунга эга, шу боис уларнинг ташкилий тадбирлар, жазо чоралари кабилар ёрдамида бажарилиши таъминланади. Лекин шу ўринда корпоратив нормаларнинг давлат фаолияти билан тўғридан-тўғри алоқаси йўқлигини яна бир бор алоҳида таъкидлаш жоиз. Ушбу нормалар *кучи, таъсир доираси, катъийлиги бўйича* хуқуқий нормалардан кейин туради. Айни пайтда бу нормалар фаоллик ва ташаббусни ифодалаб, ўз таъсир кучи билан хуқуқий тартибга солиш доирасидан четга ҳам ёйилиш имкониятига эга бўлади.

Шундай қилиб, хуқук нормалари ва жамоат ташкилотлари нормаларининг *умумий хусусиятлари* қуидагилардан иборат: улар аниқ, ёрқин ифодаланган хулк-автор коидаларини ифодалайди; маҳсус хужжатларда мустаҳкамланган бўлиб, нормалар тизимидан иборат. *Улар орасидаги фарқ* хуқук нормалари билан корпоратив нормаларнинг бажарилишини таъминлаш даражасида ифодаланади, яъни агар хуқук нормалари давлат томонидан қабул қилиниб, унинг мажбурлов кучи орқали таъминланса, жамоат ташкилотлари нормалари айнан уларнинг ўzlари томонидан таъминланади.

Шуни ҳам таъкидлаш керакки, Ўзбекистон Республикасининг Конституцияси 34-моддасининг 1-қисмига мувофиқ, «Ўзбекистон фуқаролари касаба уюшмаларига, сиёсий партияларга, бошқа жамоат бирлашмаларига уюшиш, оммавий ҳаракатларда иштирок этиш хуқуқига эгадирлар». Давлат жамоат бирлашмаларининг хуқуқларини аниқ белгилаш мақсадида, масалан, 1991 йил 15 февралда «Ўзбекистон Республикасида жамоат бирлашмалари тўғрисида» қонун қабул қилди. Унинг муқаддимасида: «фуқароларнинг жамоат бирлашмаларини тузиш эркинлиги уларнинг ажралмас хуқуқи сифатида мустаҳкамлаб қўйилади»<sup>1</sup>. Қонунда уқтирилишича, жамоат бирлашмаси ўз хуқуқлари, эркинликларини ҳамда сиёsat, иқтисодиёт, ижтимоий ривожланиш, фан, маданият,

<sup>1</sup> Ўзбекистон Республикаси Олий Кенгашининг мхборотномаси, 1991, 4-сон, 76-модда.

экология ва ҳаётнинг бошқа соҳаларидаги қонуний манфатларини биргаликда рўёбга чиқариш учун бирлашган фуқароларнинг хоҳиш-иродасини эркин билдиришлари натижасида вужудга келган ихтиёрий тузилмадир. Ҳозирги қунда сиёсий партиялар, оммавий ҳаракатлар, касаба уюшмалари, хотинқизлар, ёшлар ва болалар ташкилотлари, фахрийлар ва ногиронлар ташкилотлари, илмий-техникавий, маданий-маърифий, физкультура-спорт ва бошқа кўнгилли жамиятлар, ижодий уюшмалар, юртдошлар уюшмалари, жамгармалар, ассоциациялар ва фуқароларнинг бошқа бирлашмалари жамоат бирлашмалари сифатида фаолият юритмоқда. Улар ихтиёрийлик, тент ҳуқуқлилик, ўзини ўзи бошқариш, қонунийлик, инсонпарварлик, ошкоралик тамойиллари асосида фаолият кўрсатади.

Шу билан бирга, Конституциямизнинг 57-моддасига биноан, конституциявий тузумни зўрлик билан ўзgartиришни мақсад қилиб қўювчи, республиканинг суверенитети, яхлитлиги ва хавфсиалигига, фуқароларнинг конституциявий ҳуқук ва эркинликларига қарши чиқувчи, урушни, ижтимоий, миллий, ирқий ва диний адоватни тарғиб қилувчи, ҳалқнинг соғлиғи ва маънавиятига тажовуз қилувчи, шунингдек, ҳарбийлаштирилган бирлашмаларнинг, миллий ва диний руҳдаги сиёсий партияларнинг ҳамда жамоат бирлашмаларининг тузилиши ва фаолияти тақиқланади. Бундан ташқари, «Ўзбекистон Республикасида жамоат бирлашмалари тўғрисида»ги қонунни бузиш амалдаги қонунларга мувофиқ жиноий, маъмурий, моддий ёки ўзга жавобгарликка сабаб бўлади. Бу каби ҳолатлар бошқа ижтимоий нормалар қатори корпоратив нормаларга ҳам ўзига хос санкциялар кўзда тутилганидан далолат беради. Аниқроғи, бундай ҳолатларда қонун бузган давлат ва жамоат ташкилотларининг мансабдор шахслари, шунингдек, фуқаролар жавобгарликка тортиладилар.

## **ҲУҚУҚ НОРМАЛАРИ ВА УРФ-ОДАТЛАР НИСБАТИ**

Ҳуқуқнинг пайдо бўлиши ҳақида мулоҳаза юритганда урф-одатлар ҳақида ҳам тўхталгандик ва улар ижтимоий нормалар тизимида алоҳида мавқега эга эканлигини таъкидлагандик.

Дарҳақиқат, урф-одатлар – *муайян ижтимоий мухитда таркиб топиб, авлоддан-авлодга ўтиб юрадиган хулк-атвор*

*коидалари бўлиб, одамларнинг табиий-ҳаётий эктиёжи сифатида майдонга чикади ва қайта-қайта тақоррланиши шатижасида улар учун одатий бўлиб қолади.* Агар қиёслайдиган бўлсак, урф-одатлар ахлоқий нормаларга нисбатан ҳуқуқ билан камроқ боғланганлигига мувофиқ бўламиз. Лекин шунга қарамай, уларнинг ҳуқуқ билан боғлик жиҳатлари талайгина. Чунки, авваламбор, урф-одатлар ўз хусусиятларига кўра хулқ-автор нормалари ва кўнилмалари сифатида майдонга чикади. Таникли ҳуқуқшунос С.С.Алексеев ўзининг «Ҳуқуқ янги минг йиллик бўсағасида» китобида эътироф этганидек: «Урф-одатнинг ўзи норма, яъни ўз мақоми ёки хулқ-автори бўйича қоида таъсирига тушиб колганлар («ҳар нима» ёки «ҳар ким»)га нисбатан муайян хамжамият доирасида амал қилувчи умумий ахлоқ коидаларининг кўп марта тақоррланиши натижасида одатга айланган нормадир»<sup>1</sup>.

Шунинг учун хам ҳуқуқ нормалари ва урф-одатлар барча ижтимоий нормаларга хос бўлган катор белги ва аломатларга эга: муайян жамоалар фикрга кўра улар инсон қилмишлари қандай бўлиши кераклиги ёки бўлиши мумкинлигини кўрсатган ҳолда, одамлар хулқ-авторлари юзасидан умумий мажбурий коидалар ҳисобланади.

*Шу билан бирга, урф-одатлар ва ҳуқуқ нормалари келиб чиқиши, ифода шакли, амалга ошириш усуллари жиҳатидан бир-биридан фарқ килади.* Биз юқорида таъкидлаганимиздек, агар урф-одатлар одамлар пайдо бўлиши билан бирга юзага келган бўлса, ҳуқуқ нормалари фақат давлатга уюшган жамиятдагина вужудга келган. Урф-одатлар маҳсус ҳужжатларда мустаҳкамланмагани ҳолда ҳуқуқ нормалари муайян шакллардагина мавжуд бўлади, урф-одатлар ижтимоий фикр кучи билан таъминланадиган бўлса, ҳуқуқ нормалари давлатнинг мажбурлов имкониятига қараб амал килади.

Айни чоғда урф-одатлар хилма-хил эканлигини хам хисобга олиш даркор. Уларнинг бир тури илғор, ижобий хусусиятга эта бўлса, бошқалари заарли бўлиши мумкин. Айтайлик, Марказий Осиё ҳалқларининг кўпчилигига мавжуд бўлган қизи учун қалин пули олиш одатини шундай заарли урф-одатлар сирасига киради. Зоро, бугунги кунда хам ўз

<sup>1</sup> Алексеев С.С. Право на пороге нового тысячелетия, 42-бет.

умрини яшаб бўлган, мохиятган салбий мазмун касб этувчи бундай одатларнинг, аҳён-аҳёнда бўлса-да, учраб туриши урф-одатларнинг нисбатан консервативлиги, яъни эски холида яшай олиши билан боғлиқидир. Шунга қарамай, урф-одатларнинг кўпчилиги асрлар давомида халқлар тўплаган ижобий тажрибаларни ўзида ифода этиши билан ғоят қимматлидир.

Шу ўринда урф-одат ва одатий ҳуқуқ, уюшмаси ҳатто қабилалар ёки жамоалар уюшмаси негизида ривож топиши натижасида юзага келган илк давлатлар ташкил топганидан кейин ҳам катта нуфузга эга бўлганлитини таъкидлаш жоиз. Нафакат подшоҳнинг ўзи, балки унинг буйругига биноан бошқа бирон-бир киши одатий ҳуқуқ нормалари ва умуман урф-одатларни бекор қила олмаган. Чунки улар, одамларнинг фикрича, узок аждодлардан мерос бўлиб, дин билан мунавардир, илоҳий ва муқаддасдир. «Жамиятда урф-одатларга муносабатлар шундай таркиб топгандики, қабул қилинган нормада туб ўзгаришларга йўл қўйилмасди. Можиятидан кўра кўпроқ сирти ўзгариб борган варварларнинг анъанавий ҳаёт тарзининг ўзи ҳам ҳуқуқда қандайдир жиҳдий силжишларни истисно этарди. Шунинг учун одатий ҳуқуқ – консерватив ҳуқуқидир»<sup>1</sup>. Урф-одатларни ўзгаририш йўлидаги ҳар қандай уринишлар, қабила ёки жамоа одатий ҳуқуқи субъекти сифатида умуман майдонга чиқмаган подшоҳ у ёқда турсин, ҳатто уруғ-қабила ва жамоанинг катта обрў-эътиборли аъзоларига ҳам қимматга тушиши мумкин эди.

Тарихчи А.Я.Гуревич ўз изланишлари жараёнида умуман қуидаги ҳолосага келади: «Хеч ким – на император, на бошка давлатпаноҳ, на амалдорлар ёки ўлкалар вакиллари йиғини янги қонун-қоидаларни ишлаб чиқмайди... Бинобарин, янги қонуиларни ишлаб чиқиш эмас, балки эски ҳуқуқдан энг окил ва адолатли кўрсатмаларни танлаб олиш – қонун чиқарувчининг вазифаси ана шундай тушунилади»<sup>2</sup>.

Шу билан бирга, бундай ҳолат факат Европа илк давлатлари учунгина хос эмас. Хитойнинг машҳур «Шан вилояти ҳукмдори китоби» (милоддан аввалги IV аср) шундай ҳикоя билан бошланади: «Хоқон Сяо Гун ўз маслаҳатчилари билан қадимги ёзилмаган қонунларни ўзгаририши мумкинми ёки йўқми – шу ҳақида мулоҳаза юритарди: «Эндиликда мен на-

<sup>1</sup> Гуревич А.Я. Проблемы генезиса феодализма в Западной Европе. М., 1970, 87-бет.

<sup>2</sup> Гуревич А.Я. Категории средневековой культуры. М., 1972, 149-151-бетлар.

мунали ҳукмдор бўлиш максадида қонунларни ўзгартиromoқчиман... Бироқ Еру кўк мени жазолашидан қўрқаман»<sup>1</sup>.

Илк давлат одатий ҳуқуққа зэгулик баҳонасида ва турли писандалар билан оз-оздан янгиликлар киритади. Яна шунга ҳам эътибор бериш керакки, Р.Давиднинг таъкидлашича, XII-XIII асрлар Европада ҳокимиятлар урф-одатларни замонавийлаштиришдан нарига ўтишмаган. Француз кироллари урф-одатларнинг сақланиб қолишидан манфаатдор эдилар ва ҳатто мутлақ монархлар ҳам хусусий ҳуқуқ нормаларини ўзгартириш имкониятида ўзларини эркин деб хисоблашмаган<sup>2</sup>. Колаверса, қонун ҳам жамиятнинг ҳуқуқий ҳаётига қонун ҳеч қандай шовқин-суронларсиз ва тантаналарсиз кириб келди. «Қонунчилик ҳуқуқининг илк қадамлари камтарона бўлганди... Қонунчилик ҳуқуқининг камтарона келиб чиқиши барча ҳуқуқий тизимларга хос умумий хусусиятдир. Антик даврларда ёк умумий ва эгасиз шаклдаги ҳуқуқий норма мукаммал ривожланган Римда ҳам қонунчилик ҳуқуқи ўзига журъатсиз ва аста-секинлик билан йўл очганди»<sup>3</sup>. Гай Институциясига мувофик, факат «Рим ҳалқи маъқуллаган ва қарор қилган» нарсаларгина қонун ҳисобланарди.

## **ИЖТИМОИЙ МУНОСАБАТЛАРНИ НОРМАТИВ ТАРТИБГА СОЛУВЧИЛАРДАН БИРИ СИФАТИДА ҲУҚУҚНИНГ ТУШУНЧАСИ, МОҲИЯТИ, БЕЛГИ ХУСУСИЯТЛАРИ**

**Ҳуқуқ аввало, тартибга солувчи куч** сифатида ижтимоий муносабатларни норматив тартибга солиша мухим аҳамият касб этади. Шунинг учун ҳам ҳуқуқнинг жамият ҳаётидаги ўрни ва роли бекиёсдир. Шу билан бирга, ҳуқуқшунослик фанида қадимий ҳисобланган ва пухта ишлаб чиқилган ҳуқуқнинг **табиий ҳуқуқ** ва **позитив ҳуқуқка** бўлиниш гояси, шунингдек, **позитив ҳуқуқнинг** илк ривожланиш даврида шаклланган **оммавий ҳуқуқ** ва **хусусий ҳуқуқ** тушунчалари ҳуқуқнинг моҳиятини тўғри англаш имконини беради.

Дарҳақиқат, ҳуқуқ ўзига хос фавқулодда мухим ижтимоий ҳодиса. Модомики шундай экан, ҳуқуқ ўз тушунчасига,

<sup>1</sup> Книга правителя области План / Пер. Л.С.Перегомова. / М., 1993, 139-140 бетлар.

<sup>2</sup> Қаранг Ҳалид Р. Основные правовые системы современности. М., 1988, 71-72-бетлар.

<sup>3</sup> Лентю Р, Гравиту М. Методы социальных наук. М., 1972, 68-69-бетлар.

**мохияти ва ижтимоий вазифасига эга ҳамда унинг умумий ва маҳсус белги хусусиятлари мавжуд. Ҳуқуқнинг ижтимоий-лиги, норматив кўрсатмалардан иборатлиги, адолат ва эркинлик гояларини ифодалаши, умуммажбурий ва иродавий хусусиятлари, қонуний аниклиги, расман белгиланганлиги, тизимлилиги ва жўшигинлиги, давлат томонидан муҳофаза этилиши** кабилар шулар жумласидандир. Шу ўринда ҳуқуқ тушунчасининг бундай назарий жиҳатдан ўта нозик масалаларини Фарбда, шу жумладан Фарбий ва Шарқий Европанинг ижтимоий фан соҳалари олимлари, айниқса ҳуқуқшунослари анча теран ва изчилиб келаётганликларини алоҳида эътироф этишни истардик<sup>1</sup>.

Мустақиллик туфайли бизда ҳам бу борадаги уринишлар ва саъӣ-ҳаракатлар, изланиш ва тадқиқот ишлари бирмунча кучайди<sup>2</sup>. Айни чорда шуни ҳам таъкидлаш лозимки, «Бизда шўролар замонида ҳуқуқшунослар бор бўлгани билан, ўзбек ҳуқуқшунослик фани мавжуд эмасди. Ҳозир биз дунё тан олган ҳуқуқшунослик фанита эгамиз. Фуқаролик жамияти ва шарқона демократик давлат назарияси ишлаб чиқилмоқда, олдимиизда... демократик ҳуқуқий давлат ва фуқаролик жамияти қуришдек улуғ гояни амалга ошириш вазифаси турибди»<sup>3</sup>. Эндиликда ҳуқуқшунослар миллий давлатчилик тарихини, ҳуқуқ ва давлат умумназарий масалаларини ўрганар эканлар, ҳеч шубхасиз, миллий кадриятларни, илмий мерос-

<sup>1</sup> Карапп: Гегел Философия права. М., 1980; Ҳұтызы М.Х. Энциклопедия права. М., 1995, Лазиров В.В. Общая теория права и государства. М., Юрист, 2000; Кашичник Т.В. Происхождение государства и права. Современные трактовки и новые подходы. М., Юрист, 1999; Алексеев С.С. Общая теория права. М., 1982; Теория права. М., Бек, 1995; Право на пороге нового тысячелетия. М., Статут, 2000; Хеффе О. Политика. Право. Справедливость. М., 1994; Нерсесянц В.С. Право и закон. М., Наука, 1983; Общая теория права и государства. М., НОРМА, 2000; Берман Г. Западная традиция права. М., 1994; Энк С.Л. Источники права. М., 1981; Ильин И.А. О сущности правосознания. М., 1993; Фридман Л. Введение в американское право. М., 1992 ва бошқалар.

Шу жумладан яш Карапп: 1. Diamond A.S Primitive Law. London, 1950; 2. Hartland E.S. Primitive Law. N.Y.; L., 1970 (1 ed. - 1924); 3. Seagly W. The Quest for Law. N.Y. 1941; 4. Redfield R. Primitive Law. N.Y. 1967; 5. Hoebel E. Man in Primitive World. Cambridge, 1949; 6. Malinowski B. Crime and Custom in Savage Society. London, 1926; 7. Clurckman M. Polities, Law and ritual in tribal Society. N.Y.; Toronto, 1965; 8. Rockabil L. The Ethnology of Law. Menlo Park, 1978 (Ушбу манబалар тартиб рақамларга ва улардан олинган истибослар сакхифалари матнга орасида канс ичидаг кўрсатилади) ва бошқалар.

<sup>2</sup> Карапп: Ўзбекистон Республикаси Конституциясига шарқ Т., «Ўзбекистон», 1995; Уразаев Ш. Мустақил Ўзбекистон Конституцияси Т., 1994; Азизхўжаев А. Давлатчилик ва маънавият Т., «Шарқ», 1997; Тожигонов У., Сайдов А. Ҳуқуқий маданийат назарияси. 2 том. Т., 1988; Каримов О., Гаффоров Э. Давлат ва ҳуқуқ асослари Т., «Ўқитувчи», 1995; Мукомон Э. Чет маслакатлар давлати ва ҳуқуқ тарихи. Самарқанд, 1992; Исламов С. Общество, государство, право. 2 том. Т., 1997, 1998; Давлат ва ҳуқуқ назарияси. Т., «Адолат», 2001; Сайдов А., Тожигонов У. Давлат ва ҳуқуқ назарияси. Т., «Адолат», 2001; Тожигонов У., Одилхориев Х., Сайдов А. Ўзбекистон Республикаси тартиб Конституцияний ҳуқуки. Т., «Шарқ», 2001; Нерсесянц В.С Ҳуқуқ фалсафаси. Т., «Адолат», 2003 ва бошқалар.

<sup>3</sup> Азизхўжаев А. Давлатчилик ва матнавият, 103-бет.

ни замонавий умуминсоний қадриятлар билан уйғулаштиришга миллий истиқолли мустаҳкамлаш ишининг бир қисми сифатида қарамоқлари даркор. Дархакиқат, «эркин фуқаролик жамиятига дунёдаги кўп-кўп давлатлар асрлар давомида тўплланган тажриба ва демократик анъаналарни ривожлантира бориб етиб келган. Биз бундай жамиятни қуришни, барпо этишни орзу қилмоқдамиз ва шунга интилмоқдамиз. Лекин бу гўзал орзуга эришмок учун тинимсиз интилиш, жамият ҳәётининг барча соҳаларини тақомиллаштириш, **умуминсоний қадриятларни ижодий ўрганиб, заминимизга татбиқ этиш лозим**<sup>1</sup>. Айниқса ҳуқук умумназарий фанини, ҳуқук тушунчаси, мазмун-моҳияти, белги хусусиятларини умуминсоний қадриятларга ижодий ёндашган ҳолда ўрганишнинг аҳамияти юят улкандир. Зоро, XXI асрга келиб дунё ҳамжамияти жиддий демократик ўзгаришларга юз тутаётган, мустақил давлатимиз АҚШ, Япония ва Европанинг қатор ривожланган давлатлари билан стратегик ҳамкорликни йўлга қўйётган бир шароитда ҳуқук ва давлат умумназарий фани муаммоларини янгича ва илфор, қарашлар, ёндашувлар асосида ёритиш янада мухимдир.

Маълумки, Ер юзида ҳуқуқка дуч келмаган ёки ҳуқуқ ҳақида тасаввурга эга бўлмаган инсоннинг ўзи йўқ ва бўлиши ҳам мумкин эмас. «Эҳтимол, бутун ҳаёти давомида табиатшунослик ва тарих масалалари билан қизиқмаган одам топилиши мумкиндири, – дея таъкидлаганди ҳуқуқ назариётчиси Н.М.Коркупов. – Лекин ҳеч қачон ҳуқуқ масалаларига эътибор қилмай, у билан қизиқмай, бутун умрни ўтказиш мутлақо ақлга сиқмайдиган ишдир. Ҳеч бўлмаганда сизни биргина ҳуқуқ – шахсий эркинлик ҳуқуки қизиктирмаслиги мумкин эмас. Ҳар қандай одамови бўлманг, одамлардан ўзингизни ҳар қанча олиб қочманг – барибир ҳуқуқ масалаларини четлаб ўтолмайсиз. Одамлардан ўзингизни тортаркансиз, лоақал уларга – бу ер менинг шахсий маконим доираси, унга сизнинг дахл қилишга ҳаққингиз йўқ, дейишингизга тўғри келади»<sup>2</sup>.

Қадимги Рим ҳуқуқшуноси Ульпианининг таъбирига кўра: «Ҳуқуқни ўрганувчи, энг аввало, «ҳуқуқ» (jus) сўзи қаердан келиб чиқсанини билиб олиши даркор; у ўз номини одил суд-

<sup>1</sup> Каримов И.А. Биз желажагимизни ўз қўлимиз билан қурамиз 7-том. Т., «Ўзбекистон», 1999, 304-бет.

<sup>2</sup> Коркупов Н.М. Лекция по общей теории права Спб., 1909, 7-бет.

лов (justitia) сўзидан олган... ҳуқуқ эзгулик ва адолат ҳакидаги фан (ars)дир»<sup>1</sup>.

Ҳуқуқ масалалари билан инсоният жуда қадимдан ва жиддий шуғулланиб келади. Бироқ ҳар бир тадқиқотчи унга ўз тушунчасини татбиқ этган. Юқорида таъкидлаганимиздек, вақт ўтиши билан ҳуқуқ ҳакидаги тушунчалар ҳам ўзгариб борган, лекин унинг моҳиятини чуқур англашга яқинлашмаган. Афтидан, шунинг учун ҳам, ҳуқуқ таърифини юз йиллаб излашади, деб нолиган И.Кант фикрини изоҳлар экан, рус ҳуқуқ назариётчиларидан Н.Н.Алексеев: «Табиатшунос олимлар «Умуман табиатният ўзи нима?» деган саволга жавоб топа олмаганлариdek, ҳуқуқшунослар ҳам ҳеч қачон ҳуқуқнинг аниқ таърифини тополмайдилар», деганди.

Агар ҳуқуқнинг илк тарихи муаммоларига, айниқса, уни идрок этишининг турли концепциялари вужудга келиши ва ривож топиши тарихига мурожаат этадиган бўлсак, америкалик ҳуқуқшунос Лауренс Фридманнинг қуидаги даъвоси қанчалик адолатли эканига ишонч ҳосил қиласиз, яъни: ҳуқуқ тушунчаси «шишадек нозик, совун кўпигидан ҳосил бўлувчи пуфакчалардек омонат, вақтдек тутқич бермас кўпдан-кўп маъноларга эга»<sup>2</sup>.

Бинобарин, ҳуқуқнинг келиб чиқиш жараёнлари ва илк тарихини кўпгина ижтимоий фанлар – ибтидоий жамоа ва қадимги дунё тарихи, ҳуқуқ назарияси ва тарихи, ҳуқуқ социологияси, этнография, юридик этнография, ижтимоий ва юридик антропология фанлари ўрганади. Натижада асосий масалада – «Ҳуқуқ ибтидоий жамоа негизида вужудга келганими ёки кейинроқ давлат билан бирга пайдо бўлганми?» деган савол атрофига фанлар ўртасида ҳам, шунингдек, олимлар ўртасида ҳам бир муросага келингани йўқ. Шуниси қизиқки, улар ҳам, бошқалари ҳам бир хил илмий маълумотлардан фойдаланишади, айнан бир хил материални тадқик этишади. Шу ўринда: «Модомики, шундай экан, нима учун улар қарама-қарши хуласалар чиқаришади-ю, шу муносабат билан тўхтовсиз мунозараларни давом эттиришади?» деган ҳақли савол турилади.

Аслида ҳамма гап ўрганилаётган материалга нисбатан қўлланаётган **методология ва ёндашувларда**. Давлат ва

<sup>1</sup> Кирнинг Перетерский И.С. Дигесты Юстиниана М., 1956, 101-бет.

<sup>2</sup> Фридман Л Введение в американское право. М., 1992, 8-бет.

хуқуқ назариясига келадиган бўлсақ, тегишли муаммоларни ҳал этиш йўллари бунда **юридик-позитивистик** методология билан, аникроғи, Европада **этатистик позитивизм** ҳамда АҚШ ва Англияда **таксилий юриспруденция** билан белгила-нишини алоҳида таъкидлаш лозим.

Маълумки, юридик позитивизм давлат билан хуқуқ ўртасида моҳиятан боқликларни белгилайди. Қарийб икки юз йил давомида кўпчилик мамлакатлар юридик фанида юридик «аксиома»лар кўчиб юради. Чунончи, айтиш мумкинки, уларнинг мазмуни, асосан, «давлат тарихан ва мантиқан ҳуқуқдан олдин келади» ҳамда «хуқуқ давлатнинг функциясидир, бинобарин, мантиқан уни давлатсиз ва давлатдан олдин тасаввур этиш мумкин эмас» (Г.Ф.Шершеневич) деганга ўхшаш даъволардан иборат бўлади. Ҳукуқшунос-позитивист давлатдан келиб чиқмайдиган ҳар қандай ҳуқуқни тан олмайди, ҳали давлат пайдо бўлмаган ибтидоий жамоа муаммолари уни қизиқтирумайди. Унбу нуқтаи назарни, юридик плюрализм (бу ҳақда кейинроқ фикр юритамиз)га қарама-қарши ўлароқ, сиёсий-менистик нуқтаи назар сифатида баҳолаш мақсадга мувофик. Зоро, ҳуқуқ моҳияти ва унинг келиб чиқиши давлатнинг етук сиёсий тузилмалари билан катъий боялаб қўйилади, давлат томонидан яратилган ҳуқуқ эса жамиятдаги мумкин бўлган ягона ҳуқуқий тизим ҳисобланади.

Бундай вазиятда этнографлар, антропологлар томонидан тўплланган, гарчи ибтидоий жамоа бўлмаган тақдирда ҳам, қабила ва элатлар жуда қадими ҳаёт тарзига хос ёзувсиз маданиятлар асрар қолган ҳуқуқий урф-одатлар ҳақидаги кўпдан-кўп маълумотлар, шунингдек, давлатсиз ёки илк давлат жамиятларининг ҳуқуқий турмуши тўғрисидаги кўплаб тарихий далиллар эътибордан четда қолиб кетади.

Шуниси таажжубланарлики, тарихчилар, этнографлар, антропологларнинг кўпчилиги ибтидоий жамоада ҳуқуқнинг мавжуд бўлиши мумкин эмаслиги ҳақидаги холосага қўшилишади. Ваҳоланки, улардан бор-йўғи ибтидоий тузум урф-одатлари тартибга солиш элементлари ҳисобланганми (ёки йўқми), қадимги одам уларга ҳозирги замон кишиси ҳуқуқка қандай муносабатда бўлса, тахминан шундай муносабатда бўлганми (ёки йўқми) деган масалага ойдинлик киритиши имконини берувчи тегишли далилларни тушунтириб бериш талаб қилинганди, холос.

Масалан, А.И.Першиц ибтидоий тузум норматив мухитини таҳлил этар экан, у «синфийликдан олдинги ва давлатгача бўлган жамиятдаги хулқ-автор нормаларини ҳуқуқий категориялар қаторига қўшиб бўлмайди: ҳуқуқ ҳали йўқ эди»<sup>1</sup>, деган хulosадан келиб чиқади. «Ҳали ҳуқуқ бўлиши ҳам мумкин эмасди, чунки ҳокимиият тузилмалари ҳали йўқ эди», деган фикр ҳам унга тегишли.

Давлатга эга бўлмаган ҳалқларнинг ижтимоий уюшиши, гурух ёки оиласнинг мулкий мақоми, эгалик шакллари, никоҳ ва ажралишларни, ножӯя ишлар ва жазолар, айирбош қилиш муносабатлари, қарз бериш ва бошқа битимларни тартибга солувчи нормаларни ўрганганд этнографлар «ҳуқуқ» атамасини ишлатмаслик учун турли вариантларни излашга мажбур бўлишганди. Айни чорда ҳар бир нарсани ўз номи билан аташни афзал кўрадиган тадқиқотчилар ҳам йўқ эмасди.

XIX асрда қарор топган ва ҳозиргача амалда ўзгаришисиз келаётган ҳуқуқ тарихига умумий қарашлар **эволюционистик қараш** деб аталади. Унинг моҳияти қадимги ва ҳозирги даврни ҳам қўшиб ҳисоблаганда вакт бўйича кейинги ҳуқуқий тизимлар тарих ва маданиятнинг яғна ҳодисаси сифатида ҳуқуқдан иборатлигини эътироф этишга қаратилган. Ибтидоий жамоа муаммоларига мурожаат қилган дастлабки ҳуқуқшунос олимлар, А.Пост таъбири билан айтганда, «инсоният ирқи мухитида юзага келган ҳар қандай органик тузилишга нисбатан тенг татбиқ этиладиган инсон ҳуқуқи ривожи умумий тарихини очиш» мумкин деб ҳисоблашганди. «Кўплаб урф-одатлар – айнан юридик урф-одатлар Ер юзидаги барча ҳалқларда таажжубланарли ва ҳайратланарли тарзда бир хил такорланади. Бунда улардан кўпчилиги учун биз учратган жойларга андаза сифатида бориб қолган бўлиши мумкин деган хаёлга борини мутлақо ноўриндир. Ҳуқуқ соҳасида инсон руҳи лол колдирадиган даржада бутун инсоният учун умумий бўлган қонуният асосида ижод қиласи ва у ялпи умумий табиий темир қонунлар ҳукмронлигини ҳеч шубҳасиз асосга қўяди»<sup>2</sup>.

Социологик эволюционизм вакиллари бўлган айрим ҳуқуқшунослар ҳатто инсоният тарихининг бошланиш даврларида қандайдир умуминсоний ҳуқуқ мавжуд бўлиб, ундан

<sup>1</sup> Першиц А.И. Проблемы нормативной этнографии. М., 1879, 213-бет.

<sup>2</sup> Пост А. Загатки государственных и правовых отношений. Очерки по всеобщей сравнительной истории государства и права. М., 1901, 11-12-бетлар.

турли ҳалқлар ва даврларга оид ҳуқуқлар тизимининг сершох дарахти ўсиб чиққан деб хисоблардилар. Чунончи, А.Кокурек, Д.Вигмор ва бошқалар шундай ҳуқуқшунослар сирасига киради.

Кўпроқ аҳамиятта молик эволюционистик йўналиш вакиллари эса ҳуқуқ тарихини инсон табиати бир хиллиги ва ижтимоий тараққиётнинг бир хил босқичида ҳал этиладиган муаммоларнинг ўзаро ўхшашлиги оқибатида намоён бўладиган ижтимоий эволюция умумий қонуниятларига мувофиқ тарзда турли даврлардаги, бир хил ривожи сифатида тасаввур этишган. Э.Тэйлор, Л.Морган, М.Гейн, А.Пост, М.Ковалевский ва бошқалар мазкур йўналиш вакиллари хисобланишади. Улар фикрларига асосланган ҳолда айтиш мумкинки, ҳуқуқ тарихи ҳамиша тақрорланади ва кўп минг йилликлар олдин Шарқда эришилган ўша босқичларга жаҳоннинг бошқа қисмларида кейинроқ ёки бизнинг давримизда эришлиди. Масалан, А.С.Диамонд «Ибтидоий қонунлар» китобининг дастлабки саҳифасида милоддан аввалги 1914 йилда яратилган Хаммурапи Қонунлари бу борада милоддан аввалги 196 йилда Рим, чамаси милодий 1250 йилларда Англия, Абиссиния эса фақат бугунги кунда эришган босқични билдиради (1. 1-бет), деган таҳминни илгари суради.

Шу тариқа эришилган босқич ҳамда жамиятнинг нисбатан оддий ҳолатдан мураккаброқ ҳолатга ўтиши билан боғлиқ равишда ҳуқуқ егук ҳуқуқий тизимни ибтидоий тизимдан фарқловчи муайян янги хусусиятларга эга бўла боради. Шу асосда ҳуқуқнинг маданий-тарихий таснифланиши тўғрисидаги тасаввурлар ривож топади. Жумладан, П.Виноградов ўз таснифига ҳуқуқий тизимларнинг ташкилий мураккаблаша бориш принципи – қабилалар, шаҳарлар, черков ҳуқуқи, шартномавий уюшмалар ва жамоавий ташкилотлар ҳуқуқи тарзида мураккаблашиб бориш принципини асос қилиб олди<sup>1</sup>. Уильям Сигл ўзининг «Қонунларга ёзилган шарҳлар» асарида ҳуқуқнинг уч тури – *ибтидоий, қадимий ва етук* турларини ажратиб кўрсатган. Аслида у тузган шакл ҳам ана шу ғоялар, тасаввурлар асосига курилган. Бунда, деб хисобларди у, ибтидоий ҳуқуқ чинакам ҳуқуқ эмас, бироқ у нормаларнинг муайян бир шаклга кирмаган «уюми»дан иборат бўлиб, ибти-

<sup>1</sup> Каранг: Vinogradov P. Outlines of Historical Jurisprudence. London., 1922.

доий маданият жамиятлари улар ёрдамида бошланғич ҳукуқий можароларни ҳал этади.

Шуни ҳам айтиш керакки, қадимги ҳалқлар ҳуқуқига «ибтидоий» ҳуқуқ сифатида муносабатда бўлиш XIX асрда қарор топган. Бунда «евроцентризм» намоён бўлиши, «инсоният цивилизацияси» ва «Фарб цивилизацияси» тушунчаларини айнан бир хил деб ҳисоблаш кўзга ташланади. «Ёввойилик»дан қутулиш, қолоқликни барҳам толтириш учун «ибтидоий маданият» жамиятлари цивилизация тажрибасини ўзлаштириши, Фарб даражасига етишга интилиши кераклиги ҳакидаги қараш илгари сурилади. Шу йўл билан инсоният маданий-маърифий таракқиётнинг бир йўналиши шакли таклиф этилади. Бу шакл барча даврлар ва қитъалар одамлари бир йўлдан юриб келганлар ва шу йўлдан юриб келмоқдалар, бу йўлнинг бошида «ибтидоий» ҳалқлар ва маданиятлар турса, «тарихнинг охири»да эса цивилизация гулдастаси сифатида Фарб либерал маданияти юксалиб туради, деган тахминта асосланади. Шунга қарамай, илгор фикрли олимлар бундай ёндашувларга қарама-қарши бўлган қарашларни илгари сурадилар, чунончи, Африка мисолида ҳалихануз ижтимоий антропология Фарбга мансуб бўлмаган жамиятларни Фарб олимлари томонидан Фарб манфаатлари йўлидаги тадқиқотларидан иборат бўлиб келаётганлигини дадил туриб танқид қиласидилар.

Шу каби танқидлар таъсири остида кўпчилик антропологлар ўз қарашларини қайта кўриб чиқишга мажбур бўлдилар. Лекин бунинг бошка сабаблари ҳам бор эди. «Қанчалик ғалати туюлмасин, — деб ёзганди К.Леви - Строс - ушбу ҳалқларга бўлган илиқлиқ ҳислари кўпчилик антропологларни плюрализм (фикрлар хилма-хиллиги - изоҳ бизники З.И.) ғоясини қабул қилишга унадики, бу ғоя инсоният маданиятларининг хилма-хиллигини тасдиклайди ва шу билан бирга, маданиятларни «юксак» ва «паст» даражаларга таснифлашни инкор этади»<sup>1</sup>. Шу муносабат билан айтиш мумкинки, «ибтидоий жамият» тимсоли ҳамда «ибтидоий ҳуқуқ»ни яратиш устида инглиз-америка ҳуқуқий тафаккури соҳиблари озмунча мулоҳаза юритмагани, озмунча тер тўқмагани яхши маълум.

<sup>1</sup> Караванг: Леви-Строс К. Первобытное мышление М., 1994, 35-бет.

Европа юридик позитивизми каби таҳлилий юриспруденция, юридик реализм ҳамда Англия ва АҚШ юридик тафаккурининг бошқа йўналишлари ҳам жамият тараққиётининг юксак даражасини белгилайди, унда ҳуқуқий институтлар юзага келиши, кенг фаолият юритиши мумкин бўлади. «Ҳали сезилар-сезилмас даражада кам тараққий этган паст маданиятли жамиятларда муносабатларни тартибга солиб турган «ибтидоий ҳуқуқ»лари, Е.Хартлэндинг ўқтиришича, ёзма қонунлардан анча олдин мавжуд бўлган» (2. 8-бет). Модомики, одамлар бирлашишлари, ўзаро муносабатлардаги уйғунлик тўгрисида қайғуришлари керак бўлган экан, бу ўз навбатидаrudimentar (бошлангич, ибтидоий) тартибга солишнинг айрим турини тақозо этади ҳамда қадимги урф-одатлар мазкур эҳтиёжни қондиришга қаратилган жавоб ҳисобланади. Урф-одатлар мажмуи – айнан «ибтидоий ҳуқуқ»нинг ўзгинасидир.

Уильям Сигл, биринчидан, «ибтидоий ҳуқуқ» умуман чинакам ҳуқуқ деган маънони англатмайди, иккинчидан, у урф-одатда ва фақат шу урф-одат орқали берилган, деб ҳисоблар экан, Хартлэнд нуқтаи назарига қўшилади. **Худди этистик позитивизм** ҳуқуқ таърифини давлат тушунчаси билан боклагани сингари, **таҳлилчи-позитивистлар** бу борада суд ва суд фаолиятидан фойдаланадилар. Жумладан, У.Сигл: «жиддий маънода ҳуқуқ мезони ҳам ибтидоий, ҳам цивилизациялашган жамиятлар учун бирдекдир, яъни – суднинг мавжуд-лигидир» (3. 34-бет), деб ҳисобларди.

Маълумки, инглиз юридик анъаналарига кўра суд ҳуқуқнинг тимсоли ҳисобланарди. Бошқача қилиб айтганда, ҳуқуқ инглиз судлари томонидан эътироф этилган ва одил судловни амалга оширишда қўлланиладиган нормалар мажмуидан бошқа нарса эмаслиги ҳақидаги таъбирларга асосланади. Сигл ана шу инглиз юридик анъаналарига эргашади. Шунинг учун ҳам У.Сигл фикрича, судларнинг пайдо бўлиши ибтидоий ҳуқуқ интиҳоси ва муайян сиёсий ташкилотга эга бўлган қадимий жамиятлар ҳуқуқига ўтиши дегани эди.

Ушбу концепциянинг асосий қоидаларига Р.Редфилд ҳам қўшилганди. У ўзининг ёндашуви ёзма ва мураккаб маданиятларда топиш мумкин бўлган нарсанинг тўла ривожини оддий халқлардан излаш мақсадларига ҳеч қандай алоқаси йўқлигини очик-ойдин таъкидлаганди. Редфилдинг таъбира, албатта, оддий жамиятларда, ҳуқуқниrudimentar (бошлангич, ибтидоий) шаклда тасаввур этиладиган ёки уни

олдиндан пайқайдиган хулқ-автор намуналарини яратиш мумкин (4. 5-бет). Чунки ҳуқуқ бошлангич даражалари фақат қадимги дунёдагина учраб қолмай, балки ҳозирги жамиятнинг оддий гурухлари – оиласлар, клублар ва ҳоказоларда ҳам мавжуд. Айнан шунда биз айрим антропологлар томонидан янада асосли ишлаб чиқилган ҳуқуққа росмана *плуралистик ёндашувни* кўрамиз. Бинобарин, ҳуқуқ тушунчаси ибтидоий жамоанинг қарийб барча ижтимоий нормаларини қамраб олиш имконини берувчи тушуниш доирасининг кенглиги бу ёндашувнинг ўзига хос ҳусусиятидир.

Масалан, таниқли антрополог Е.Хоубел, «агар ижтимоий нормани бузиш ёки уни писанд қилмаслик мунтазам равиша ижтимоий тан олинган имтиёзга эга бўлган индивид ёки гурух томонидан куч ишлатиш таҳди ёки реал хавфига дучор этиладиган бўлса – бу ижтимоий норма ҳуқуқийдир» (5. 376-бет), деган қоидани ўртага ташлайди. Ушбу таърифнинг юридик жиҳати шундан иборатки, унда ҳозирги вақтда легитимлаштирилган деб айтиладиган, яъни жамият тан олган мажбурлов ҳокимияти кучи билан норманинг бажарилиши ёки унга риоя этилишини таъминлашга ургу берилади. Унинг ўзи яна «ҳуқуқий нуфуз» тушунчасини – одамларни ўзини муайян тарзда тутишга мажбур этадиган қатъий талабларни кирита олиш қобилияти, бошқа қадриятлар билан можаро чиқкан ҳолларда ҳуқуқий қатъий талаблар устун келишида ифодаланадиган *устуворлик*, ҳуқуқни ҳодисаларнинг уюшган мажмуи сифатида тавсифловчи *тизимлилик*; тизимга оммавийлик табиатини бахш этувчи *расмийлик*дан иборат тўрт қисми йиғиндиси сифатида очиб беришга ҳам уринганди.

Шуни алоҳида қайд этиш керакки, ҳуқуқ тушунчасидаги легитимлаштирилган мажбурлов ҳокимиятининг белгиси бирон-бир сиёсат олдидаги ҳокимиятни, айниқса давлат ҳокимиятини зинҳор ажратиб кўрсатмайди. Аслида ҳаммаси биз ўйлагандан анча оддий. «Ижтимоий яхлитлик ичиди алоҳида бирликлардан иборат кичик гурухлар мавжуд бўлган жойда, – деб ёзганди Е.Хоубел, – сиёсий ташкилот – умуман жамият ичидаги гурухлар ёки турли хил гурухлар аъзолари ўртасидаги муносабатларни тартибга солиш тизими ҳам мавжуд бўлади» (5. 376-бет). Модомики, алоҳида ажратилган кичик гурухларнинг ички муносабатларисиз амалда бирлашмалар бўлмас экан, демак, айтиш мумкинки, ибтидоий сиёсий ташкилот ва ибтидоий ҳуқуқ умумийдир, яъни ҳаммабопдир.

Кўпчилик антропологлар, ҳуқуқса оммавий нуфуз ва унинг ижтимоий тан олиниши негизида турувчи нормалар тизими сифатида қарашни қўллаб-қувватлайдилар.

Ҳуқуқ антропологик назарияларининг бошқа қатор гурӯҳлари ҳам мавжуд бўлиб, қуйида улардан бирини кўриб чиқамиз. Ҳуқуқ антропологик назарияларининг ушбу гуруҳи ҳуқуқ тушунчасида кўриб ўтилган **ташки авторитар ижтимоий назорат қисмларининг** у ёки бу ролини таъкидловчи концепцияларга кўп жиҳатлардан қарама-қарши туради.

Шу жиҳатдан Бронислав Малиновский концепцияси муҳим ва эътиборли саналиши мумкин. У ҳуқуқни гўё «ичидан», қандайдир мажбурловчи нуфузли кишилар томонидан турткисиз ҳаракат кила оладиган ўз мажбурлов қудратига эга куч сифатида кўрсатади.

Қизиги шундаки, Малиновскийнинг ўзи ҳуқуқнинг умумий назариясини ишлаб чикишга мутлако интилмаган. Лекин олим томонидан антропологик материаллар асосида берилган таъриф юридик антропология ривожида сезиларли босқични бошлаб берди. У ҳуқуқни, **бир тарафдан, кўриб чикиладиган ва иккинчи тарафдан, мажбурият сифатида тан олинадиган ўзаро боғланган мажбуриятлар тизими** (б. 58-бет) сифатида таърифлаганди.

Кўпчилик олимлар Малиновскийнинг юридик антропологияга қўшган ҳиссаси, аввало, ҳуқуқни ижтимоий муносабатларнинг ички санкциясини ҳисобга олган ҳолда тушунишдан иборатлигини эътироф этишади. Жумладан, М.Глукмен шундай ёзади: «Малиновский сабоги шунга ўргатадики, ҳуқуқ энг умумий маънодаги ижтимоий назорат ёхуд у айтганидек, ҳуқуқ санкция берилган муносабат таҳлили доирасида тушунилиши мумкин» (7. 239-бет). Бу чиндан ҳам жиддий хулоса ҳисобланади. Чунки бу хулосадан – ҳуқуқ ўз пойдевори устиди тира олади, у жамиятнинг асосий тартибга солувчи кучидир, ҳуқуқ иқтисодиёт ортидан судралиб юриши керак эмас, уни исталган ердан келтириб чиқаришнинг ҳожати йўқ, ҳуқуқни диннинг ҳосиласи, юзи ўгирилган ахлоқ ёки кўнимка ҳосил қилинган сиёsat сифатида муҳокама қилиши шарт эмас, деган маънолар келиб чиқиши табиий. Шу ўринда: «Ижтимоий муносабатнинг мазкур ички санкциясининг ўзи нимани билдиради?» деган савол туғилади. Бу борада, аввалимбор, шуни таъкидлаш керакки, хизматлар ва вазифаларни ўзаро айирбошлашда томонларнинг ҳар бири шеритининг ижрочи-

лик ва ҳалоллик мезонини кузатади. Бунда хатти-харакатлар турли томондан кўзга ташланиб туради ва амалда муносабат ичидан назорат қилиниши мумкин бўлади.

Олим ҳуқуқ ҳақидаги ўз тушунчасини Меланезия жамияти (Тинч океанининг жанубий қисмидаги Тробрианд ороллари) материаллари асосида ривожлантиришга муваффақ бўлган. У ўз тадқиқотларини ўша ерда ўтказганди. Малиновский ушбу ороллар ахолисининг ижтимоий уюшишини таҳлил этаркан, у ташки ижтимоий назоратнинг энг ибтидоий тузилмалари ҳам йўқлигига қарамай, хўжалик алоқаларини тартибга солишнинг аниқ, бир маромда ва тўхтовсиз ишлайдиган тизимиға эътибор қилганди. Бу ерда ҳар қандай нопоклик, инсофсизлик, очкўзлик ва оддий маъюс феъл-автор оғир оқибатга олиб келиши мумкин эди, ўз мажбуриятларини бажармаётган ёки ёмон бажараётган, очикдан-очиқ хупламай ишлайдиган одам тортиқлар ва совгалар алмашиш билан боғлиқ муносабатлардан четта чиқиб қолади. Шеригининг ундаи одам билан ишлашдан бош тортишининг ўзиёқ таъсирчан жазо чораси - ижтимоий муносабатнинг ички санкцияси ҳисобланади.

Ички санкциялар, мукофотлар ва жазолашлар муносабатлар негизига моҳиятига сингдирилган; хафсаласи шир бўлган, қаттиқ ҳафа бўлган, ҳамкорлик қилишни истамайдиган одам муносабатлар тизимини ихтиёрий ташлаб кетади ёхуд ундан туртиб чиқариб юборилади. Бироқ бу жараён енгил ва осон кечмайди. Чунки тизим етарли даражада чидамли, бардошли одамлар эса сабр-тоқатли. «Агар яхшилаб кузатсангиз, – деб ёзади Малиновский, – битимларни бажаришда доимий кечикишлар, вайсашлар ва таъналар, шеригидан шикоят қилишларни кўрасиз, лекин, умуман олганда, шерикчилик давом этади ва ҳар бир одам ўз мажбуриятларини бажаради» (б. 30-бет). Бу «икир-чикирлар»га қарамай, олимнинг фикрига кўра, ҳуқуқ ўзаро ҳамкорлик ва айирбонлашнинг осойишта ҳамда бир маромдаги жараёнида вужудга келади. Ушбу материаллар асосида у ҳукуқнинг гоят мафтункор на-мунасини, унинг ташқаридан мажбурлов аралашувисиз, авторитар инстанцияларсиз, зўравонлик ва жазоларсиз жуда аниқ ишлайдиган мустақил табиати ҳамда механизмларини асослаб беришга уринганди. Унинг мухолифлари ҳуқуқни бу тарзда тушунишни ҳаёт ҳақиқатига камдан-кам мос келадиган идиллия (осойишта ҳаётни тасвирловчи мўъжиза асар)

сифатида асосли баҳолашди. Бироқ Малиновскийнинг хизмати нимадан иборат эди? Бу саволга жавобан айтиш мумкинки, у антропологияда юридик расмиятчилик пўстлоқини ёриб ўтишининг уддасидан чиқа олди, жамият ва маданиятда ҳукуқнинг ролини таъкидлаш орқали ҳуқуқ назариясига ижобий ҳисса қўшди.

**Кросスマданият** мақомига даъво қилувчи **плюралистик концепция** антропологик ҳуқуқ назариясининг алоҳида турларидан бири ҳисобланади. Ушбу концепция Л.Посписил илмий изланишлари самарасидир. У юридик реализмнинг ҳуқуқ факат аниқ қарорлардагина мавжуд бўлиши мумкинлиги ҳақидаги қоидасини асос қилиб олади. Ҳулқ-автор нормаси, гарчи у қонунда қайд этилган, кодексда ёзиб кўйилган бўлсада, қарор чиқарувчилар уни қўллаган шароитдагина ҳуқуқ соҳасига тааллуқли бўлади. Айни пайтда учинчи томон (авторитет)нинг қарор қабул қилишда имтиёзга (алоҳида ҳукуқка) эга бўлиши, даъволашувчилар олдида эътироф этилган ҳокимият, яъни юрисдикциядан фойдаланиши низодаги ҳуқуқий ечимнинг муҳим ҳусусияти сифатида намоён бўлади. Аслида авторитет ҳам, низодаги томонлар ҳам юрисдикция ва ижтимоий назорат амалга ошириладиган бир ижтимоий гурӯхга мансубдирлар. Посписил таъбирига кўра, **яхши уюшган аъзолари бўлган маҳсус гурӯхларга ҳукуқнинг тегишлилиги** шундан келиб чиқади.

Бу олим тавсифлашича, жамият ўз ичидаги ҳуқуқий тизимни факат гурӯхларга, қисмларга бўлинган ҳолдагина яратади. Ҳуқуқшунослар ва айрим антропологларнинг асосий ҳатосини у ҳуқуқни умуман бутун жамият ҳусусияти деган анъянавий тушунишда, жамиятнинг ижтимоий таркиби, уни тапкил этувчи кичик гурӯхларга сегментациялапувини инкор этишда кўрганди. Узининг ушбу нуқтаи назарини Л.Посписил ҳуқуқ кросスマданиятининг реалистик концепцияси ёки плюралистик назария деб атайди. Чунки бу назария яхлит жамият ичida муайян кўплиқдаги ҳуқуқий тизимлар амал қилишига йўл қўяди. Натижада у: «Ибтидоий ёки цивилизациялашган жамиятлар ҳукуқнинг ҳар қандай чуқур таҳлилига факат унинг тегишли ижтимоий тузилмалар ҳамда ҳуқуқий даражалар билан боғлаш, ҳамда жамиятда ҳуқуқий тизимлар хилма-хиллигини тан олиш орқали эришиш мумкин» (8. 55-56-бетлар), деган холосага келади.

Плюралистик ёндашув Посписил қашфиёти эмас, унгача ҳам бу ёндашувни баъзи ҳуқуқшуносалар ёқлаб чиқишиганди. Бироқ ғояни қросс маданият аҳамиятига молик юридик-антропологик назария даражасигача тизимли ривожлантиришда, шубҳасиз, унинг хизматлари катта. Бу назария универсалликка даъвогардир. Зоро, қаердаки энг бўлмаганда оддий, оиласидаги каби низоларни, зиддиятларни бўйсундириш ва мажбурлаш йўллари билан авторитар усуlda ҳал этиш мавжуд экан, ўша ерда ҳамиша муайян даражадаги ҳуқуқ бор ва ҳамиша мавжуд бўлган.

Албатта, ҳуқуқ тушунчасини шу тарзда кенгайтириш антропологлар ва айниқса, ҳуқуқшуносалар ўртасида кенг кўллаб-қувватланмаган. Лекин юридик реалликка татбиқ этилган плюрализм принципи ҳуқуқий муносабатларни анъанавий давлатлаштириш (этатизм) ҳамда ҳуқуқка механик равишда бўйсундириш ақидасига қарши далиллар келтиришда ёрдам беради.

Шундай қилиб, инглиз-америка юридик ва антропологик концепцияларини кўриб чиқар эканмиз, *бунда яққол кўзга ташланувчи икки тенденцияни* алоҳида таъкидлашимиз мумкин. *Биринчидан*, камдан-кам истисно ҳолатлардан ташқари барча концепциялар қандайдир умумий конуниятларни тақдим этишга, умуман, ҳуқуқнинг келиб чиқиш назариясини ишлаб чиқишига интилмайди, балки асосан юридик-позитивистик назарияларнинг методологик кўрсатмаларини, йўл-йўриқларини ифодалайди, яъни: «ҳуқуқ нормаси – бу авторитет, ҳокимиятнинг буйруғи» (таҳдилий юриспруденция), «ҳуқуқ низолар бўйича қарорларда ва суд ишларида берилган» (юридик реализм), «ҳуқуқ – ижтимоий назоратдир» (Р.Паунд) ва бошқа шаклларда ўз ифодасини топади.

*Иккинчидан*, кўриб чиқилган барча концепциялар давлатгача ҳуқуқ мавжуд бўлишининг кеяг имкониятларини эътироф этади. Зоро, «ибтидоий ҳуқуқ»قا, одатда, нормаларни бузганлик учун санкциялар кўллашга кодир «ибтидоий сиёсий авторитет» билан ҳамоҳанг равишида қаралади. Умуман олганда, инглиз-америка концепцияси инсоният тараққиётининг илк босқичларида ҳам ҳуқуқнинг мавжуд бўлганлигини эътироф этади. Бу «ибтидоий» бўлса-да, барibir ҳуқуқ эди.

Хозирги замон ҳукуқшунослари ҳам ҳуқук тушунчаси ва моҳиятини тадқиқ этиш муаммоси билан шугулланишга озмунча куч-ғайрат сарфлашгани йўқ. Шуни ҳам таъкидлаш жоизки, мустабид шўро тузуми даврида бу ишлар бамисоли қўриқдан, тап-такир жойдан бошланганди, чунки бу масалада Октябрь тўнташишигача ёки хорижда тўпланган тажрибага мутлақо инкор этиш нуқтаи назаридан қараб келинганди. Мазкур йўналишда ҳукуқшуносларнинг ўнлаб йиллар олиб борилган саъй-харакатлари, изланишлари муайян натижаларни берди. Чунончи, ҳуқук тушунчаси ва моҳиятини аниқлаш бўйича **уч асосий ёндашув** қашф этилди: а) ҳукуқка мутлақ юридик нормалар тизими сифатида қаровчи **норматив** ёндашув, уни ҳукуқни тор маънода тушуниш ҳам дейилади; б) ҳукуқни унинг томонидан тартибга солинадиган ижтимоий муносабатлар билан тенглаштирувчи **социологик** ёндашув; в) ҳукуқни эркинлик ва адолат мезони билан боғловчи **фалсафий** ёндашув. Сўнгги икки ёндашув ҳукуқни кент маънода тушунишни тақозо этганди. Зеро, ҳуқук тушунчасига ҳукуқ нормалари ҳам, ҳукукий онг ҳам, ҳукукий муносабатлар ҳам ва бошқа жиҳатлар ҳам киритиларди. Боз устига, ҳуқук тушунчасига уларни киритиганларнинг ҳар бири ўз нуқтаи назарларини ягона тўғри ёндашув деб ҳисоблаб, уни химоя киларди. Бироқ, ҳакиқат ҳамиша ўртада холис туради, деганларидек, кейинги изланишлар айнан шундай нуқтаи назарлар билан ажралиб туради.

Табиий савол туғилади: «Шунчалик кўп ҳукуқшунослар бу муаммога нега шу қадар кўп вақтларини бағислапиди, бу муаммо шунга арзийдими?» Бу саволга қисқа қилиб, «Ҳа, арзийд!» дея жавоб берамиз. Чунки ҳуқук моҳиятини тўғри тушуниш нафакат юридик фаннинг муваффақиятли ривожланишини белгилаб беради, балки бундай тушуниш амалиётчи юрист учун ҳам жуда зарур бўлиб, уни ҳукуқни қўллаш ва ҳукуқни муҳофаза қилиш бўйича фаолиятида ишончли ва аник восита билан қуроллантиради. Ҳукукнинг нималигини яхши билмай туриб, уни тўғри қўллаш тўғрисида, конунийлик ва юридик масъулият ҳақида гап ҳам бўлинни мумкин эмас.

Шу мақсадда ҳукуқшунослик фанидаги эски, яхши ишлаб чиқилган ҳукуқнинг **табиий ҳуқук на ижобий (позитив) ҳукукка** бўлиниши тоғсига қайтамиз.

Табиий ҳукуқ (Jus naturele) – *инсон табииати, унинг жамиятда яшаши такозо этувчи ҳукуқ ва эркинликлар мажмудидир*. Ушбу назария тарафдорлари бундай ҳукуқларга – инсоннинг эркка, ўзига ўхшаганлар билан муомалада бўлиш, насл қолдиришга, яшашта, одамнинг ростмана яшаши учун зарур шарт-шароитларга, мулкка эгалигига, жамият ва давлат томонидан ўз ҳаёти ва саломатлиги муҳофаза этилишига бўлган ҳукуқларини киритадилар.

Табиий ҳукуқ гоя сифатида қадимги дунё тарихига ҳам маълум эди. Кейинчалик табиий ҳукуқ гояси демократия фидойилари бўлган француз маърифатпарварлари томонидан янада ривожлантирилди. Бу гоя мавжуд юридик нормалар, амалдаги қонунлар (улар «позитив ҳукуқ» деб аталади) билан бирга, жамиятда барча давлат юридик институтларининг илк асоси сифатида табиий ҳукуқ амал қилганлигини билдиради. Дарҳақиқат, шундай, яъни: табиий ҳукуқ одамлар эркинлиги, уларнинг ҳокимиёт олдидаги тенглиги, хусусий мулкка нисбатан бузилмас ҳукуқи ва ҳоказолар сифатида ўрин тутади. Буларнинг ҳаммаси табиий ҳукуққа тегишли бўлгани учун ҳам давлат томонидан «тухъфа» этилмайди, юқоридан ихтиёрий равишда «насия»га берилмайди. Шу боис улар давлат томонидан қатъий талаб сифатида қабул қилиниши ва табиий равишда кўрикланиши ва кафолатланиши керак.

Модомики шундай экан, у ҳолда мазкур нуқтаи назардан қўйилган муаммоларга бўлган муносабатимиз кескин ўзгарди. Давлат олдига – қонун чиқарувчи, Президент олдига – «бозорни ташкил этиш», «хусусий мулкнинг устуворлиги» тўғрисидаги ва бошқа масалаларни умуман қўймаслик керак бўлади. Улар аллақачон цивилизация ва тарих томонидан «инъом этилган», шунинг учун уларни «яратиш», «жорий этиш» талаб қилинмайди. Масала шундаки, уларнинг табиий ривожи йўлидан тўсикларни олиб ташлаш, улар учун давлат – қонунчилик ва бошқа энг муносиб юридик шарт-шароитлар ва кафолатларни шакллантириш зарур.

Бундай ёндашув айниқса инсон ҳукуқлари учун муҳим аҳамиятга эга. С.С Алексеев таъкидлапича: «Инсон ҳукуқлари категориясининг моҳияти шундан иборатки, ҳаёт, қадрқиммат, яшаш жойини танлаш эркинлиги ва бошқа шунга ўхшаш ҳукуқлар инсон учун жамият қатъий талабидан келиб чиқадиган табиий ҳукуқлардир. Шунинг учун улар мутлақ ва давлат ихтиёрига олиб қўйилмайдиган ҳукуқлар сифатида

тушунилиши керак. Бинобарин, улар бутун давлат-хуқуқий воқелиги томонидан худди шу тарзда қабул қилиниши лозим ва бу ҳол булутлар ортидаги давлат юксакликларидан одамлар ёнига тушиб келадиган позитив хуқуқни «инсонийлапитиряди»<sup>1</sup>.

Табиий хуқуқ, мазкур олимнинг таъбирича, фақат давлат фаолияти ва унинг ўзбошимчалигига қатъий чегаралар кўйибгина қолмай, балки қонун чиқарувчи олдига ҳаётнинг ўзининг табиий-хуқуқий сабаб ва талабларини қабул қилиш, уларни амалдаги қонунларда, позитив хуқуқда акс эттириш заруратини қўйиб, унга нисбатан ўзига хос тарзда таъсир ўтказади.

Мажбуриятлар ҳам шундан келиб чиқади. Уларнинг асосийлари – бошқа кишиларга, жамиятга, давлатга зарар етказмаслик, бошқаларнинг ўз хуқуқларини амалга оширишларига тўсқинлик қилмаслик кабилардир. Шундай қилиб, табиий хуқуқ – *хуқуқ тўгрисидаги бенуқсон, чукур ахлокий ва юксак даражадаги адолатли тасаввурлар мажмуидан иборатдир*.

Табиий назарияга жавоб тариқасидаа *хуқуқнинг тарихий мактаби вужудга келди*. Немис хуқуқшунослари Густав Гутова Карл Савини унинг вакиллари ҳисобланади. Хуқуқни ҳалқ миљий ҳаётининг маҳсули деб ҳисобловчи хуқуқнинг *тарихий мактаби* табиий хуқуқ назариясига жиддий зарба берди. Бироқ у жуда яшовчан бўлиб чиқди, ҳозирда ўзининг кўплаб тарафдорлари ва издошлирага эга.

Хуқуқнинг бошқа мактаблари ҳам бор. Улар *орасида хуқуқнинг рационалистик назариясини* ажратиб кўрсатиш мумкин. Унга мувофиқ, хулқ-атвор қоидалари одамлар томонидан улар ўз олдиларига қандай мақсадлар кўйишилари билан боғлик ҳолда ишлаб чиқиласди. Кўпинча куч-қудрат ва ҳокимият кимда кўпроқ бўлса, ўша одам хулқ-атвор қоидаларини ўз мақсад ва манфаатларига мослай олади. Ушбу назария асосчиси Рудольф Иеринги исоният тарихидан мазкур назарияни тасдиқловчи кўплаб мисоллар келтиради.

*Хуқуқнинг психологик назарияси* ҳам алоҳида ўрин тулади. Мазкур назария хуқуқнинг психологик йўл-йўриқ ва кўрсатмалар, одамларнинг муайян қоидалар асосида яшаш,

<sup>1</sup> Алексеев С.С. Уроки. Тяжкий путь России к праву. М., 1997, 230-бет.

бировнинг иродасига бўйсуниш ёхуд бошқаларни ўз иродасига бўйсундириш эҳтиёжи билан боғлиқлигидан келиб чиқади.

**Марксча-ленинча ҳуқуқ назарияси** ҳам қайсиdir маънода яхши маълум. Унга кўра, ҳуқуқ - ҳукмрон синф иродасини ифодаловчи хулқ-автор қоидалари мажмуидан иборат. Бу иттифоқ ва социалистик лагерга кирувчи давлатларга катта зарар етказган гоят нотўти ва хато назариядир.

Большевизм ҳуқуқка қақнатқич, шафқатсиз зарба берди. Нафакат террор ва зўравонлик асосига қурилган жиной қонхўр амалиёти, жамият бутун ҳаётини ёппасига давлатлаштирилиши билан, балки ҳуқуқ ҳақида «буржуя лаш-лушлари» деган, унинг «ўлиб бориши» ҳақидаги, «инқилобий ҳуқуқий онг»нинг устуворлиги тўғрисидаги, суд ҳақидаги «пролетариат диктатураси органи» деган ва шу каби бошқа ақидалари билан ҳам большевизм ҳуқуқка улкан зиён-захмат етказганди. *Ортодоксал марксчилар тасаввурларига* кўра, сўнгги вактларгача ҳуқуқ «ҳукмрон синфнинг қонун даражасига кўтарилган иродаси»дан ортиқ нарса эмас деб қараларди ҳамда қудратли давлатнинг «сиёсий мезони», «қуроли» деб келинди.

Колаверса, шу ўринда яқин ўтмишда – мустабид тузум шароитида шўро маддоҳлари синфиий ҳукмронликнинг қуроли сифатида давлат ҳақидаги марксча гояни шиор қилиб олишганини, уни никоб қилиб олиб сиёсий кутбланишга зўр беришгани, бу назарияни дормага, давлат ва ҳуқуқни эса синфиий рақибларни енгиш воситасига айлантиришганини эслашнинг ўзи кифоя. Аслида «Демократия шароитларида эса давлат ижтимоий қарама-қаршиликларни зўрлик ва бостириш йўли билан эмас, балки ижтимоий келишув, ҳалқ таъбири билан айтганда, муросаи мадора билан бартараф этиш воситасига айланади».

Ҳуқуқнинг ўзига эса ижтимоий ҳамжиҳатлик ва келишувга асосланган ижтимоий тартиб-интизомга эришиш, экинлик, адолатпарварлик ва тенгликни вужудга келтириш воситаси сифатида ёндашилади»<sup>1</sup>.

**Позитив ҳуқуқ** – давлат қабул қилган нормаларда, яъни қонунчиликда, шунингдек, бошқа ҳуқукий манбаларда ифодаланган ҳуқуқдир. Демак, қонунчиликдан ташқарида,

<sup>1</sup> Каримов И.А. Ўзбекистоннинг сиёсий-ижтимоий ва иқтисодий истикబолигининг асосий тамоилилари. 28-бет.

хуқуқий урф-одатлардан, прецедентдан, норматив шартномалардан холи позитив хуқуқ бўлмайди. Айнан шунинг учун ҳам қонунчилик билан хуқуқни янгилиш ҳолда бир-бирига тенглаштиришади.

Шунга қарамай, ҳуқуқни табиий ва позитив хуқуққа бўлиш бир қатор муаммоларни ҳал этишга ёрдам беради. Жумладан, ҳуқуқни «кенг маъно»даги ва «тор маъно»даги тушунчаларга бўлишга ҳожат қолмайди. Зоро, табиий ва позитив хуқуқ юяси ҳам назарий, ҳам амалий масалаларни аникроқ, пухтароқ ҳал этиш имконини беради. Бундан ташкири, хуқуқнинг пайдо бўлишини давлатнинг вужудга келиши билан боғлаб қўймаслик лозим бўлади. Чунки аввал айтиб ўтганимиздек, табиий хуқуқ давлатдан жуда кўп замонлар олдин пайдо бўлган ва усиз ҳам амал қиласеради.

Позитив хуқуққа келадиган бўлсак, давлатдан холи равишда уни тасаввур ҳам этиб бўлмайди, шунингдек, у давлат хуқуқий ижодкорлик фаолиятининг натижаси, маҳсули хисобланади. Гегель таъбирича, позитив хуқуқ умумий давлатда амал киладиган хуқуқдир. Ва у ақлга тўғри келиши билан эмас, балки давлатнинг мавжудлиги билан кучга эга. Айни чоғда юқорида зикр этилганларнинг ҳаммаси, хуқуқ билан қонунчилик ўртасидаги фарқни аниглашга ёрдам беради.

**Қонунчилик табиий хуқуқнинг фақат маълум бир қисминигина ўзида акс эттиради. Хуқуқнинг қолган барча қисмлари принциплар, хуқуқий онг, бошқа хуқуқий ҳодисалар қўринишидан намоён бўлади. Қонунчилик табиий хуқуқни ё тўғри акс эттириши ёхуд бузиб кўрсатиши мумкин.**

Хуқуқ фавқулодда муҳим ижтимоий ҳодиса сифатида қуйидаги умумий ва алоҳида белгиларга эга.

**1. Ҳуқуқ норматив кўрсатмалардан иборат.** Аввало, нормативлик хуқуқнинг ўзигагина хос ҳодиса эканлигини таъкидлаш лозим. У инсон табиатининг тақозоси бўлиб, ҳар қандай ижтимоий организмга хосдир. Кишилар билими ва фаолиятини муайян қоидаларда, яъни нормативларда жамлар экан, шу йўл билан инсоният қўлга киритилган билим ва тажрибани аста-секин тўплай бориб, уни мустаҳкамлайди, ижтимоий ҳаётни бир меъёрга солади.

## **2. Ҳуқук адолат ва эркинлик гояларини ифодалайди.**

Адолат ва эркинлик инсониятнинг азалий ораусидир. Аввалинбор, адолат тушунчаси бошқаларнинг ҳуқуқлари ҳурмат қилиниши билан боғлиқлигини таъкидлаш даркор Шунга кўра одатда инсон фаровонлигига хизмат қиласиган, бошқа одамлар манфаатларини ёёқти қиласиган, умуман жамиятта зарар етказмайдиган жиҳатлар адолатли ҳисобланади. Ушбу мезонлар ва шунга тегишли баҳолар, олдин одамлар онгига таркиб топади, сўнгра қонунчиликда мустаҳкамланади.

Адолат мезонлари асосида шу адолат ва эркинлик гоялари моҳиятини ифодаловчи умуминсоний қонун-қоидалар ётиши керак. Улар, юқорида айтиб ўтганимиздек, табиий ҳуқук назарияси томонидан аниқ таърифланган. Бу табиий ҳол. Инсоннинг табиий ҳуқуқларига муносабат, уларнинг давлат томонидан ҳимоя қилиниши жамиятдаги адолатнинг ахволидан, ҳокимият ва давлатнинг табиатидан дарак беради. «Агар биз бирон-бир ҳокимият табиатига эътибор қиласиган бўлсак, – деб ёзганди давлатшунос Л.А.Тихомиров, – шуни айтиши мумкинки, у инсоннинг **ватандаги** ҳуқуқларига нисбатан қанчалик сезгир бўлса, давлатда **шахсий** ҳуқуқларни муҳофаза этишга ҳам шунчалик мойил бўлади»<sup>1</sup>.

Инсоннинг табиий ҳуқуқлари ва уларга тегишли мажбуриятлар давлатларнинг конституцияларида, муҳим қонунчилик ҳужжатларида мустаҳкамлаб қўйилади. Шу жиҳатдан Ўзбекистон учун Ўзбекистон Республикаси Конституциясининг 24-моддаси ибратлидир. Унда, жумладан, шундай дейилади: «Яшап ҳуқуқи ҳар бир инсоннинг узвий ҳуқуқидир. Инсон хаётига сункасад қилиш энг оғир жиноятдир». Бизнинг Конституциямизда табиий ҳуқуқлар тамойилларига асосланган кўпгина моддалар акс этган.

Ҳуқуқнинг турли соҳаларида ижтимоий адолат тамойили турлича намоён бўлади. Зоро, бу ўринда гап ижтимоий муносабатларнинг турли соҳалари ҳақида бормоқда. Масалан, жиноят ҳуқуқида бу жазо чорасининг содир этилган жиноятга мутаносиблигида ифодаланади. Рим нотикларида Цицерон ўзининг «Қонунлар тўғрисида»ги асарида бу фикрни ғоят таъсиран қилиб, шундай ифодалаганди: «Жазо жиноятга яраша бўлиши, бинобарин, ҳар бир киши ўз қилмишига яра-

<sup>1</sup> Тихомирон Л.А. Монархическая государственность. Спб., 1892.

ша жазога тортилиши лозим; ўзбошимчаликни фуқаролик хуқуқидан маҳрум этиш билан, очкўзликни – жарима билан, нуфузли мансабларга кўр-кўронга интилувчиларни - ёмонотлик қилиш билан жазоламоқ даркор»<sup>1</sup>.

Эркинлик – инсоннинг табиий ажралмас хусусияти, фақат эркинлик ва ҳурлик шароитидагина шахс ростмана яшай олади. Албатта, инсон эркинлигини чекловчи қонунлар, масалан, крепостной хуқуқ ҳақидаги қонунга ўхшаш қонунлар тарихдан маълум. Бироқ эркинликни чекловчи бундай қонунлар, Гегелнинг таъкидлашича, «фақат позитив қонунлар ва хуқуқлар бўлиб, боз устига, улар ақлга ва мутлак хукукка зиддир»<sup>2</sup>.

Бу ўринда шуни ҳам таъкидлаш жоизки, адолат ва эркинлик гояларига мос келмайдиган норматив йўл-йўрик ва кўрсатмаларни умуман хуқуқ деб бўлмайди. Булар ҳатто қонуний расмийлаштирилган тақдирда ҳам хақсизлик, зўравонликтан бошқа нарса эмас.

**3. Хуқуқ ўз инъикос этиш предметига эга.** Бу – ҳокимият, давлат, жамиятдаги тартибdir. Айнан шу ижтимоий тузилмалар адолат ва эркинлик гояларини амалий мазмун билан тўлдиради, айнан улар инсоннинг эркин ва адолатда яшашини, унинг ростмана ҳаётий фаолиятини таъминлашга кодирдир. Адолат ва эркинлигу озодлик гоялари, гарчи онгнинг бошқа шаклларида ҳам инъикос этсада, бироқ фақат хуқуқдагина улар инсон, давлат, жамият эркинликлари, хуқуқлари, мажбуриятларида шу инсон – давлат – жамият ўртасидаги ўзаро масъулият, мажбурият кўламлари, турлари ва шаклларида ўз ифодасини топади.

Хуқуқ ўзининг инъикос этиш предмети билан онгнинг ва ижтимоий ҳаёт соҳаларининг бошқа шаклларидан – дин, ахлоқ, иктисадиёт ва бошқалардан фарқ қилади.

**4. Хуқуқ инсон хулқ-атворини тартибга солади, унинг тафаккури ва хиссийтига таъсир этади.**

Ижтимоий расо ҳар бир одам адолат ва эркинликка интилади, бошқалар ҳам ўзларини шундай тутишларини хоҳлайди, давлатга эса адолат ва эркинлик кафолати сифатида карайди. Одам хуқуқ талабларига ихтиёрий равишда, ички эътиқоди бўйича бўйсунади. Бироқ хуқуқнинг ташки мажбу-

<sup>1</sup> Цицерон. Диалоги о государствах, о законах М., 1966, 148-бет.

<sup>2</sup> Гегель. Философская пропедевтика // Работа разных лет. Т. 2. М., 1973, 37-бет

рийлиги инсонга нисбатан ташки мажбурлов (жисмоний ва руҳий) қўлланишда ифодаланади ва у ички мажбурийликдаги каби онга эмас, балки фақат хулк-авторгагина тегишли бўлади. Шу тарика ҳуқуқ ички ва ташки мажбурийликка эга бўлган ҳолда инсонга фаол таъсир ўтказиш, шу билан жамиятда зарур тартибни мустаҳкамлашга қодирдир.

**5. Махсус ифода шакли бўлган қонунчилик ҳуқуқка хос ҳусусиятдир.** Табии ҳуқуқнинг моҳиятини ифодаловчи адолат ва эркинлик гоялари турли шаклда – ҳуқуқий онг, ҳуқуқий муносабатлар, ҳуқуқий тушунчалар ва бошқа ҳуқуқий ҳодисалар кўринишида мавжуд бўлади. Уларнинг катта қисми қонуний шаклга кириб, позитив ҳуқуққа айланади. Шундай қилиб, **қонунчилик ҳуқуқнинг катта қисмини ифодалаш шаклидир.** Колган қисми эса бошқа шаклларда мавжуд бўлади. **Айнан шуннинг учун ҳам ҳуқуқ қонунчиликка ҳеч қачон мос тушмайди.** Ҳуқуқ ҳажм жиҳатидан қонунга нисбатан кенгрок бўлиб, у билан шакл ва мазмун сифатида ўзаро муносабатда бўлади.

Бизнинг назаримиэда, яна бир муҳим жиҳатга эътибор берини зарур. Гап шундаки, ҳуқуқнинг қонунчиликда ифода этиладиган қисми, яъни позитив ҳуқуқ кўпинча умуман ҳуқуқ сифатида қабул қилинади. Позитив ҳуқуқнинг давлат билан алоқадорлиги буни тақозо этади. Шунинг учун **позитив ҳуқуқнинг қуийидаги белгиларини** кўрсатиб ўтиш мақсадга мувофиқдир:

**A. Ҳуқуқ – қонун даражасига кўтарилилган иродадир.** Ирода – инсоннинг бир мақсадга йўналтирилган хатти-харакатда ифодаланувчи онгли шартланган руҳий-физиологик ҳолатидир. Шуни ҳам эътиборга олиш керакки, ҳуқуқ умуман маънавий заминга таянади, шунинг самараси ўларок, ирода унинг бошлангич нуқтаси ҳисобланади.

Иродани қонун даражасига кўтариш жараёни уни муайян тарзда расмийлаштириш, қонунчилик органлари томонидан ташки мажбурий норматив кўрсатмаларни чоп этишдан иборат бўлади. Мазкур ҳолатларда ҳуқуқнинг ёритилишига давлат ғамхўрлик қиласи. Бунда ҳуқуқ гўё давлатдан келиб чиқаётгандай туюлиши мумкин. Аслида давлат ўз қонунчилик органлари тимсолида давлатга боғлиқ бўлмаган ҳолда мавжуд бўлган адолат ва эркинлик гояларини, яъни табии ҳуқуқ қояларини «қонун даражасига кўтаради».

Шўро даврида шўро ҳуқуки ҳалқ иродасини ифодалайди, деган фикр кеңг тарқалганди. Албатта, ҳуқуқ ҳалқ иродасини ифодалаши мумкин. Лекин чинакам демократик қонунчилик органи белгиланган тартиб-қоидаларга риоя қилган холда, адолат ва эркинлик ғояларини қонунчиликда аниқ ва изчил мустаҳкамлаган тақдирдагина бу амалга оширилади. Бу каби ғоялар ўз навбатида бутун ҳалқ томонидан қўллаб-кувватланади ҳамда улар юридик нормаларнинг ички ва ташки мажбурийлиги манбай бўлиб хизмат қиласди.

Гегель ҳақли равишда таъкидлаганидек: «Агар ирода умумники бўлмаганида эди, ҳеч қандай чинакам қонунлар ҳам, ҳаммани чинакамига мажбур эта оладиган бирон-бир омил ҳам мавжуд бўлмасди. Ҳар ким ўз кўнглига келганини килиб, бошқаларнинг ўзбошимчалигига эътибор ҳам бермаган бўларди»<sup>1</sup>.

Ижтимоий гурӯҳ, синф ёки ҳалқнинг қонун даражасига кўтарилиган иродасини **ҳуқуқнинг моҳияти, яъни учинг барча қолган сифатларини белгилаб берувчи асосий хусусияти деб хисоблаш мумкин**.

**Ҳуқуқда ифодаланган ирода мазмуни манфаатdir.** Файласуф В.С.Соловьевнинг фикрича, «ҳуқуқнинг моҳияти икки ахлоқий манфаат – шахсий эркинлик ва умумий фаровонлик мувозанатидан иборат»<sup>2</sup>.

Ирода мазмуни таҳлил этилганда, уни адолат ва эркинлик ғоялари билан қиёслаб, ҳуқуқнинг моҳияти, унинг прогрессив ёки реакцион хусусияти тўғрисида гапириш мумкин.

**Б. Ҳуқуқнинг расмий аниқлиги.** Конунчиликда мустаҳкамланган норматив кўрсатмалар алоҳида хусусият – расмий аниқлик касб этади. У қонунчилик кўрсатмаларининг аниқлиги, биргина маънени англатиши ва лўндалигида ўз ифодасини топади. Бунга ҳуқуқий тушунчалар, уларнинг тавсифлари, асрлар давомида шаклланган юридик техника қоидалари ёрдамида эришилади. Айнан шунинг учун ҳуқуқ субъектлари ҳақ ва ноҳақлик чегараларини, ўз ҳуқуқлари, эркинликлари ва мажбуриятларини, йўл қўйилган ҳуқуқбузарлик учун жавобгарлик кўлами ва турини аниқ билишади. Расмий аниқлик – ҳуқуқнинг энг муҳим хусусиятидир. Зеро, у жамоат тартибида қаттиққўллик ва аниқликка риоя қилиш, юри-

<sup>1</sup> Гегель. Философия права М., 1990, 67-бет.

<sup>2</sup> Соловьев В.С. Оправдание добра. Нравственная философия. Соч. В 2-х томах. Т. 1.М., 1988, 457-бет

дик нормаларни турлича талқин этиш ва қўллашнинг олдини олиш имконини беради. Умуман, бу хусусиятни ҳуқуқ субъекти хулқ-авторининг аниқ чегараси, дейипи мумкин.

**В. Ҳуқуқнинг тизимлилиги.** Конунчиликда ўз ифодасини топган ҳуқуқ нормалари албатта тизимга эга бўлиб, улар ўзаро боғлиқ ва бир-бирига мунофиқлаштирилган бўлади. Ҳуқуқда тизимлилик қонун билан таъминланади. Қонун чиқарувчи янги юридик нормаларни йўрикномалар, кўрсатмаларда мустаҳкамлар экан, албатта, уларни мавжуд нормаларга мувофиқлаштиради. Акс ҳолда ҳуқуқ ўз олдига қўйилган вазифаларни ҳал этишга қодир бўлмайди. Айниқса қонун яратувчилик фаолияти авж олган даврларда бу муҳим жиҳатга алоҳида эътибор бериш даркор бўлади. Бинобарин, республикамиз ҳам жамиятдаги ислоҳотлар туфайли шундай босқични бошдан кечирмоқда. Бундай шароитда қонун чиқарувчи ҳуқуқнинг тизимлилиги принципига қатъий риоя этиши жуда муҳим ҳисобланади. Шу билан бирга, бу жиҳатдан эндиликда мамлакатимиизда қонун изходкорлиги ишини янада фаоллаштириш, унинг сифатини, ижтимоий ва илмий асосланганлигини ошириш, ўтказилаётган қонунчилик ислоҳотларини ҳуқуқий жиҳатдан тўлақонли ва ўз вақтида таъминланишига зришиш янада долзарб аҳамият касб этади.

**Г. Ҳуқуқнинг жўшқинлиги (динамизми).** Бу ҳам жамиятимиз тараққиётининг ҳозирги босқичига хос хусусиятдир ва у қонунчилик қоидаларининг тез ўзгариш имкониятларида намоён бўлади. Маълумки, бизда қатор эскирган норматив ҳужжатлар жадал ўзгартирилди, бекор қилинди, янгилари ишлаб чиқилиб, қабул қилинмоқда. Масалан, мустақиллик йилларида республикамизда янги Конституция, янги Жиноят кодекси, Жиноят-процессуал кодекси, Мехнат кодекси, Фукаролик кодекси ва бошқа норматив-ҳуқуқий ҳужжатлар қабул қилинди.

Шуни алоҳида таъкидлаш керакки, ҳуқуқнинг кучи, ҳаётий аҳамияти кўпроқ унинг жўшқинлигига боғлиқ бўлади. Токи бу жўшқинлик замон талабларига жавоб берсин, амалдаги қонунчиликка ўз вақтида тузатишлар киритиш имконини берсин, умуман олганда, туб ислоҳотлар шароитида ҳуқуқий ислоҳотларни ўтказишга қодир бўлсин. Ана шундагина ҳуқуқнинг жўшқинлиги юксак даражада ўзини оқлаш хусусиятига эга бўлади. Бу ҳол қонунчилик ва норматив асосларни шакллантириш, жамиятни ўзгартириш ва ислоҳ қилиш

жараёнидан олдинроқ юриши учун замин яратади. Бунга эришиш учун, албатта, бизга кучли юридик салоҳиятли, сифатли қонун чиқарувчи ҳокимият зарур. Шундай ҳокимият фаолият самараси ўлароқ, кучли, самарали, сифатли қонунлар чиқариш керак, токи уларга жамиятдаги барча фуқаролар амал қилсин, модомики, ҳуқуқий давлат ва фуқаролик жамияти хусусида сўз бораркан, ҳокимиятни қонунлар ҳуқуқ-тартибот доирасида ушлаб турсин. Юридик фан талабларидан келиб чиқсан ҳолда, қонунчилик ислоҳотларини икки асосий йўналишга бўлиш мумкин, булар – ҳуқуқ нормасини қабул қилиш ва уни қўллаш. Ҳуқуқ нафакат қонунчилик ҳужжати бўлмаган тақдирда, балки қонун қабул килинмаганда ёки ҳаётга татбиқ этилмаганда ҳам амалда бўлмайди. Шунга кўра айтиш мумкинки, ҳуқуқий ислоҳотни амалга оширишнинг учта муҳим шарти мавжуд: биринчидан, сифатли қонунчилик (бундай дейишимизнинг боиси шундаки, қонуннинг касали, бошқача айтганда, ҳуқуқнинг жўшқинлиги етишмаганлиги қонунга кўпдан-кўп ўзгартишлар киритишда ифодаланади: мустақиллик йилларида 400 га яқин қонун қабул қилингшан бўлса, шунинг 200 дан зиёди янги таҳрирда қабул қилиниши ҳам шундан далолатдир), иккинчидан, қонунни ҳаётга татбиқ этишнинг аниқ ҳуқуқий механизми, учинчидан, ҳуқуқни қўлловчи институтларнинг мавжудлигидир. Айни пайтда Олий Мажлиснинг юкори ва қутиялари шаклланиб, ривожланиши натижасида қонунчилик сифати янада ортиши шубҳасиз. Бу бизда ҳам ҳуқуқнинг жўшқинлигини тўлақонли рўёбга чиқиши мумкинлигидан дарак беради.

**Д. Ҳуқуқ – турли хил одамларга нисбатан тенг миқёсли муносабатдир.** Ҳуқуқ қонунчилик воситасида гўё ҳулқ-автор кўламини «ўлчаб», унинг миқёсларини аниқлайди. Бир хилдаги бу «ўлчовлар» – ўз қобилиятлари, жисмоний кўрсаткичлари, оиласвий ахволи ва бошқа жиҳатлари бўйича турли хил бўлган одамларга нисбатан қўлланади. Мисол билан тушуниришга ҳаракат қиласиз. Айтайлик, бу хол ишлаб чиқаришда бир хил миқдор ва сифатдаги меҳнат учун баравар ҳақ тўлашда ўз ифодасини топади. Бунда сизнинг ахволингиз, бўйдоклигингиз ёки уйланганлигингиз, иқтидорли ёки қобилиятсиз эканлигингиз, кўп пул топишни хоҳлайсизми ёки озига сабр қиласизми – булар ҳисобга олинмайди. Олди-сотдига ҳам худди шундай ҳолатта дуч келамиз: бунда барча

харидорлар учун буюмнинг нархи бир хил эканлигини кўрамиз.

Бинобарин, турли одамлар учун бир хил миқёсда қўлланадиган хуқуқ уларнинг амалдаги тенглигини таъминлай олмайди ва бунга ҳожат ҳам йўқ. Акс ҳолда бу ижодий ташаббус ва меҳнатни рағбатлантириш омилларига зарар етказиб, жамиятни туркунликка олиб келиши турган гап. Биз «текисчилик» балосини ўз бошимиздан кечирганимиз ва унинг қандай окибатларга олиб келишини яхши биламиз.

Албатта, хуқуқнинг бу ҳолатини юмшатиш мумкин ва лозим. Масалан, бунга фуқароларнинг моддий ахволига қараб, уларга турли нафақалар тўлаш имконини берувчи соликларни табақалаштирилган ҳолда ундириш орқали эришиш мумкин. Бироқ бунда фақат давлат ёрдамигагина кўз тикиб ўтирадиган бокимандалар, ишёқмас, тамбал, ташаббусиз одамларнинг кўпайиб кетишига йўл кўймаслик назарда тутилиши шарт. Шубҳасиз, давлат ўз фуқароларига қамхўрлик қилиши керак. Лекин, Президент И.А.Каримов таъкидлаганидек: «Барча одамларга ўз қобилиятларини кўрсатиш ва ишга солиш, ўз эҳтиёжларини қондириш учун дастлабки тенг имкониятлар яратиб бериш кафолатини ишончли равища ўз зиммасига оладиган давлат-хуқукий механизмини яратиш бизнинг вазифамиздир. Ҳалол ишлайдиган ҳар бир одам ўз оиласини боқиши имкониятига, маълумот олиш, тиббий хизматдан фойдаланиш, ижтимоий таъминланишда тенг хуқуқларга эга бўлиши даркор. Айни маҳалда бундан буён ҳар бир кишининг жамиятдаги аҳволи унинг хоҳиш-истаги ва меҳнат қила олиш маҳоратига кўра белгиланиши керак»<sup>1</sup>.

*Е. Хуқуқнинг давлат томонидан муҳофаза этилиши.* Маълумки, позитив хуқуқнинг ҳамма нормалари ҳам ички эътиқод кучи билан ихтиёрий риоя этилиб, бажарилавермайди. Ахолининг кўпчилик қисми хуқуқ талабларига факат унинг ортида давлат турганлиги учунгина бўйсунади.

Давлат юридик нормаларни нашр этади, яъни муайян субъектлар манфаатларини «қонун даражасига кўтаради» ҳамда давлатнинг ўзи уларни муҳофаза қилади. Бундай муҳофазасиз хуқуқ амал қилиши мумкин эмас. Хуқуқ нормаларининг давлат муҳофазаси давлат мажбурлови, фуқаролар томонидан риоя этилиши ва бажарилиши бўйича давлат ор-

<sup>1</sup> Каримов И.А. Узбекистон иктисадидиб ислоҳотларни чукурлаштириш иулида. Т., «Узбекистон», 1995, 284-бет

ғанларининг турли ташкилий, ташкилий-техник, тарбиявий ва пешгир, яъни огоҳлантирувчи чораларни ўз ичига олади.

Ҳуқуқий давлатда бундай чораларга катта аҳамият берилади. Зеро, улар давлат қатагон мажкамасини ишга солмай туриб, жамиятда ҳуқуқий тартиби барқарорлаштириш имконини беради. Шунинг учун ҳам ҳуқуқнинг олий даражадаги ҳукмронлиги ҳуқуқий давлатнинг ўзига хос муҳим хусусияти ҳисобланади. Ҳуқуқий давлатда ҳар қандай масала ҳуқуқий қонунлар асосида адолатли ҳал этилиши ҳам шундан. Конун ва қонунийлик ҳуқуқий давлатнинг негизи, пойдеворидир. Мустақил мамлакатимизда бу борада катта ишлар олиб борилмоқда. Жумладан, биринчи чақириқ Олий Мажлиснинг биринчи сессиясида ахоли ўртасида қонунлар лойиҳаларининг кенг муҳокамаларини уюштириш зарурати масаласи кўтарилди. Табиийки, бу тадбир факат қонунчилик фаолияти сифатини оширибгина қолмай, балки ҳалқнинг ҳуқуқий маданияти ўсишига ҳам ёрдам бериши аниқ. Зотан, биринчидан, «**ҳуқуқий маданият даражаси** қонунларни билиш, ҳуқуқий маълумотлардан хабардор бўлишни англатса-да, иккинчидан, қонунларга амал қилиш ва уларга бўйсуниш маданияти ҳисобланади, учинчидан, ҳуқуқий маданият одил судни ҳурмат қилиш, ўз жақ-ҳуқуқларини ҳимоя қилиш учун судга мурожаат этиш эҳтиёжи саналса, тўртинчидан, турли можароларни ҳал қилишда қонунга хилоф кучлардан фойдаланишни рад этишин билдиради ва ҳоказо. Айни чоғда шуни ҳам унутмаслик керакки, ҳуқуқий маданиятдан ҳуқуқий онг келиб чиқади. Ҳуқуқий онг кишиларни ҳуқуқжа, қонунга, одил судловга бўлган муносабатларини ифодалайдиган қарашлар йигиндисидир. «Ҳуқуқий онг ҳуқуқий маданиятнинг тоят муҳим таркибий қисмларидан бири бўлиб, у, энг аввало, одамларнинг қонунга муносабатларини ифодаловчи қарашлари ва эътиқодларидан, уларнинг ҳуқуқ ҳақидаги тасавурларидан, интилишлари ва туйғуларидан иборатдир»<sup>1</sup>. Шунинг учун ҳам республикамизда ҳуқуқий ривожланиш, ҳуқуқий тараққиёт масалаларига жиддий эътибор қаратилмоқда, ҳуқуқий маданият, ҳуқуқий онг, ҳуқуқий мафкура каби муаммолар оммавий ахборот воситалари орқали мунгазам ёритиб келинмоқда. Зотан, «Ҳуқуқий тараққиёт марказида шахс, унинг ҳуқуқлари, эркинликлари ва қонуний манфаатлари

<sup>1</sup> Ҳалилов Э.Ҳ. Ижтимоий турмушда ҳуқуқий онтиш ўрни Т., «Ўзбекистон», 1997, 7-бет.

хамда маданиятдаги олий қадрият бўлган шахснинг, «барча нарсаларнинг мезони бўлган инсон»нинг мақомини мустаҳкамлашта қаратилган барча хукуқий воситалар, механизмлар ва институтлар туради»<sup>1</sup>.

<sup>1</sup> Тожиҳонов У., Сайдов А. Хукуқий маданият вазарияси. 1-том. Т., Ўзбекистон Республикаси ИИВ Академияси, 1998, 46-бет.

## **ХУҚУҚ ПРИНЦИПЛАРИ**

Аввало, шуни таъкидлаш керакки, «принцип» тушунчаси бош ғоя, асосий қоида маъноларини англатади, шу билан бирга, у «конуният», «моҳият» каби тушунчалар билан узвий боғлиқ тушунчадир. Шу муносабат билан айтиш мумкинки, **хуқуқнинг мазмуни, унинг моҳияти ва жамиятдаги вазифасини таърифлаб берувчи асосий ғоялар – хуқуқ принциплари**дир. Бу принциплар, авваламбор, хуқуқ қонуниятларини ифодалайди, қолаверса, бутун хуқукий тартибга солиш соҳасида амал қиласидиган ва барча субъектларга нисбатан қўлланадиган энг умумий нормалардан иборат бўлади. Бу нормалар ёки қонунда тўғридан-тўғри таърифлаб берилади, ёки қонунларнинг умумий маъносидан келиб чиқади.

Хуқуқ принциплари қонун чиқарувчи учун дастурий ғоялар сифатида майдонга чиқаркан, хуқуқ нормаларини тақомиллаштириш йўлларини белгилаб беради.

Хуқуқ принциплари умуман хукуқка хос (умумхуқукий), унинг алоҳида тармоқларига хос (тармок) ёки ўзаро боғланган тармоқлар гурухига хос (тармоқлараро) принципларга бўлинади. Масалан, тармоқ принципига жиноий хукуқдаги жазоны индивидуаллаштириш принципи тармоқлараро принципга эса фуқаролик-процессуал ва жиноий-процессуал хукуқдаги тортишувлилик принципи киради.

Хукукий принциплар умумий тавсифини аниqlашда амалда олимлар ўртасида мунозарали ўринлар йўқ. Яъни, олимлар томонидан: **Хуқуқ принципларининг ўзи нима?** кабилидаги савол қўйилмайди. Лекин тармоқ принципига жиноий хукуқдаги жазоны индивидуаллаштириш принципи тармоқлараро принципга эса фуқаролик-процессуал ва жиноий-процессуал хукуқдаги тортишувлилик принципи киради.

Чунончи, С.С.Алексеев қонунийлик, адолат, юридик тенглиқ, ижтимоий эркинлик, фуқаролик бурчи, объектив ҳақиқат, содир этилган айб учун жавобгарлик<sup>1</sup> принципларини алоҳида ажратиб кўрсатади. Шунингдек, В.К.Бабаев хукуқда адолат ва эркинлик бош принципларини кўради, улар хуқуқнинг бошқа, яъни хуқуқни шакллантириш ва уни амалга оширишдаги демократизм, қонунийлик, миллий тенглиқ, инсонпарварлик, фуқароларнинг қонун олдидағи

<sup>1</sup> Алексеев С.С Проблемы теории права. Т. 1. Свердловск. 1972, 108-109-бетлар.

*тенглиги, давлат ва шахс ўртасидаги ўзаро масъулият<sup>1</sup> принципларида ўз ривожини топади, деб ҳисблайди. Бундан ташқари, ҳуқуқий принципларнинг яна бир рўйхати О.И.Цибульская томонидан таклиф этилган. Булар: ижтимоий адолат, инсонпарварлик, фуқаролар тенг ҳукуқлилиги, ҳуқук ва мажбуриятлар бирлиги, ҳукуқда ишонтириш ва мажбуровнинг кўшиб олиб борилиши, демократизм принциплари-дир<sup>2</sup>.*

Шу фикрларниңг ўзиёқ турли муаллифлар қарашларидаги тафовутларга ишонч ҳосил қилиш учун кифоя, деб ўйлаймиз.

Шу ўринда, маъжозий қилиб айтганда, фикрини эътиборга олиш зарур бўлган яна бир муаллиф бор. У ҳам бўлса – қонун чиқарувчидир. Ҳуқуқий принциплар Ўзбекистон Республикаси Конституциясида мустаҳкамлаб кўйилган. Бирок бу ерда икки жиҳатга эътибор қаратиш керак бўлади: **биринчидан**, Ўзбекистон Республикаси Конституциясида таърифланган барча принциплар (масалан, ҳокимиятларнинг бўлиниши принципи) ҳам ҳуқуқий принципларга киравермайди; **иккинчидан**, Ўзбекистон Республикаси Конституцияси бошқа норматив ҳужжатларда ҳам мустаҳамлаб кўйилиши ёки қонунлар умумий маъносидан келиб чиқиши мумкин бўлган умумҳуқуқий принципларнинг тўлиқ рўйхатини бера олмайди.

Ўзбекистон Республикаси Конституциясининг мазмунидан **куйидаги ҳуқуқий принципларни** – демократизм, инсон ҳуқуқлари ва эркинликларини ҳурматлаш, ҳалқаро ҳуқуқнинг умумэтироф этилган қоидлари ва нормаларининг амал қилиши, Конституция ва қонунлар устуворлиги, тенг ҳукуқлилик, мулк барча шакларининг тенглиги, одил судлов принципларини уқиб олиш мумкин.

Конунда тўғридан-тўғри таърифлаб берилмаган принциплар қаторига содир этилган айб учун жавобгарлик, ҳуқук ва мажбуриятларнинг узвий боғлиқлиги принциплари киради.

Кўйида баъзи **умумҳуқуқий принципларни** батафсилроқ кўриб чиқишига ҳаракат қиласиз.

<sup>1</sup> Общая теория государства и права / Под ред. В.К.Бабаева. Нижний Новгород, 1993,128-132-бетлар

<sup>2</sup> Теория государства и права. Курс лекций. / Под ред. Н.Т.Разгильдяева, А.В.Мальке. Саратов, 1995, 122-126-бетлар.

**Адолат принципи** алохидаги ахамиятта моликлиги билан ажралиб туради. У ҳуқуқнинг умумижтимоий моҳиятини, ҳуқуқий муносабатлар иштирокчилари ўртасида, шахс ва жамият, фуқаро ва давлат ўртасидаги муроса йўлларини излашига интилишни энг кўп даражада ифодалайди. Адолат амалий фаолият билан унинг ижтимоий оқибатлари ўртасида мутаносибликни тақоюз этади. Меҳнат ва унга тўланадиган ҳақ, келтирилган зарар ва товон ҳақи, жиноят ва жазо ўзаро мутаносиб бўлиши керак. Адолат принципига жавоб бера оладиган қонунлар ана шу мутаносибликни ифодалайди.

**Хуқуқни шакллантириш ва уни амалга оширишда демократизм принципи.** Ҳуқуқий ижодкорликда демократизм ҳуқуқий сиёсатни шакллантириш ва қонунчиликни такомиллантиришда ҳалқ депутатлари, жамоат ташкилотлари, меҳнат жамоалари ҳаракатлари, фуқароларнинг кенг иштирокида намоён бўлади.

Бинобарин, мамлакатимизнинг Асосий Қомуси - Конституциямиз Муқаддимасида ҳалқнинг демократия ва ижтимоий адолат, инсон ҳуқуқларига бўлган садоқати мустаҳкамлаб қўйилган. Зеро, «Ўзбекистон Республикасида демократия умумисоний принципларга асосланади, уларга кўра инсон, унинг ҳаёти, эркинлиги, шаъни, қадр-қиммати ва бошқа даҳлсиз ҳуқуқлари олий қадрият ҳисобланади» (13-модда). Айни чорда Конституция демократияни ҳалқ ҳокимиятчилигининг бир шакли сифатида қабул қиласди. Шунинг учун ҳам унинг 2-моддасида давлатнинг ҳалқ иродасини ифода этиши ва унинг манфаатларига хизмат қилиши ҳақидаги коида белгилаб қўйилган. Умумхалқ муҳокамаси ва умумхалқ овоз бериши (референдум) институтлари бевосита демократия институтлари ҳисобланади. Ҳалқ қонун чиқарувчи орган ва Республика Президенти сайловларида бевосита иштирок этади (9, 77 ва 90-моддалар). Қолаверса, Асосий Қонунда демократия жамиятнинг ижтимоий-сиёсий ҳаётида кўпартиявийлик, турли хил сиёсий институтлар, мағкуралар ва фикрлар асосида ривожланиши белгиланган ҳамда якка мағкура ҳукмронлигига чек қўйилган.

Шуни алохидаги таъкидлаш керакки, ҳуқуқни амалда кўллашдаги демократизм кўрсаткичлари ҳуқуқий нормаларни кўлловчи ва ҳуқуқни муҳофаза этувчи органлар, энг аввало, одил судлов органларини ташкил этиш ҳамда уларнинг иш юритиш тартиби, фуқаролар учун очиқлик даражаси, аҳоли-

га юридик ёрдамнинг савиасига боғлиқ бўлади. Бунда айниқса «суд ва суд хизматчилари обрўсини кўтариш катта аҳамиятга эга. Зоро, «суд ҳокимияти нафақат уч ҳокимиятнинг бири, балки унинг юксак нуфузли ҳукуқий ҳолати, жамият ва давлат ҳаётida инсон ҳукуқлари, демократия ва қонунийлик барқарор бўлишининг асосий шартидир»<sup>1</sup>. Демак, шуни унумаслик жоизки, давлат жамиятнинг обрўси суд органларининг судъяларнинг қонун нормаларига қанчалик риоя қилишига, улар қабул қилган қарорлар адолат мезонларига нечоғли мос келишига жуда ҳам боғлиқ бўлади.

Айнан шу мақсадда ва шу йўналишда республикада суд-хукуқий ислоҳоти жадал амалга оширилмоқда, адвокатлар хизматини янада кенгайтириш чоралари кўрилмоқда, «Давлат хизмати ва давлат хизматчилари тўғрисида»ги Конунни қабул қилиш кўзда тутилмоқда ва ҳоказо. Шу каби чора-тадбирлар натижасида демократизм ҳаётда янада чуқурроқ ўз амалий ифодасини топиши шубҳасиз.

**Қонунийлик принципи.** Қонунийлик принципи хукуқшииг барча субъектлари томонидан ҳукукий нормалар кўрсатмаларини қатъий ва тўлиқ амалга оширилишини талаб этувчи принципдир. Давлат бошқарувининг барча органлари ўз фаолиятларини қолуя асосида ва қонуни бажариш асосига қуриши керак. Умуман олганда, жамиятнинг нормал ҳаёти ва давлат органлари фаолият ютишнинг асоси – қонунийлик принципидир. (Қонунийлик принципга маҳсус рисола бағишлиш ниятида эканлигимиз боис ҳам у ҳақдаги фикрларимизни шу ерда муҳтасар қиласми.)

**Миллий тенгҳукуқлилик принципи.** Мазкур принцип кўпмиллатли таркибга эга бўлган давлатлар учун фавқулодда аҳамиятга эга. Юздан ортиқ миллат ва элатлар истиқомат қилувчи бизнинг республикамиз ҳам шундай давлатлар сирасига киради. Собиқ иттифоқнинг айрим мамлакатларидаги ачинарли воқеалар – миллатлараро низолар миллий тенг-хукуқлилик принципи поймол қилинганлигининг ёрқин исботидир. Ушбу принципнинг аҳамияти миллатлараро тотувлик, тинчлик ва осойишталик ҳукм суриши билан белгиланади. Миллий тенгҳукуқлилик принципининг можияти шундан иборатки, кўпмиллатли давлатнинг барча

<sup>1</sup> Тожикхонов У., Овилкориев Х., Сайдов А. Ўзбекистон Республикасининг Конституциявий ҳукуки. Т., «Шарқ», 2001, 647-бет.

фуқаролари, қайси миллатга мансубликларидан қатъи назар, ижтимоий ҳаётнинг барча соҳаларида тенгдирлар. Бу принцип қонунчиликда тўла ва изчил ўз ифодасини топиб, худди шундай изчил ҳаётта тадбиқ этилганда гина ҳакиқатда рўёбга чиқади. Мазкур принцип Ўзбекистон Республикаси Конституциясида ўз муносаб ифодасини топган. Асосий Қонуннинг 18-моддасида шундай дейилади: «Ўзбекистон Республикасида барча фуқаролар бир хил ҳуқуқ ва эркинликларга эга бўлиб, жинси, ирқи, миллати, тили, дини, ижтимоий келиб чиқиши, эътиқоди, шахси ва ижтимоий мавқеидан қатъи назар, қонун олдидаги тенгдирлар».

**Инсонпарварлик принципи.** Ҳуқуқнинг инсонпарварлиги шундан иборатки, қонунчилик йўли билан мустаҳкамлаб қўйилган иқтисодий ва ижтимоий тузум одамларни эзиш, шахсга нисбатан шафқатсиз муносабатда бўлишларга мутлақо йўл қўймаслиги керак. Давлат кафолатлари тизими фуқароларни ноконуний тажовузлардан ҳимоя қилишга мажбурдир.

Фуқаролар ҳуқуқлари ва эркинликлари кафолатлари ҳуқуқий давлатдагина тўлиқ амалга оширилиши мумкин. Ўзбек ҳуқуқининг<sup>1</sup> инсонпарварлиги ҳозирги вақтда ўз ривожини топмоқда. Давлатнинг оиласига ғамхўрлиги (XIV боб, 63-66-моддалар), шахс ҳуқуқлари ва эркинликлари тўғрисидаги ғамхўрлиги (VII боб, 24-31- моддалар) Конституциямизда мустаҳкамланган. Пенсиялар, нафакалар, стипендиялар, энг кам иш ҳақларини ошириш тўғрисидаги кейинги йилларда қабул килинган қонунларни инсонпарварлик ифодаси деб хисоблаш мумкин.

Ҳуқуқнинг жазоловчи тармоқларида, энг аввало, жиноят ҳуқуқида инсонпарварлик энг кўп намоён бўлади. Жиноят ҳуқуки жиноят ва жазони ўзининг асосий тузилмалари деб билади.

Жазо чоралари ўзининг ахлоқий ва жисмоний алам етказиши билан таъсир ўтказади. Шунинг учун ҳам бу ерда нафакат адолат, балки инсонпарварлик ҳам фавқулодда муҳимдир. XVIII аср италян ҳуқуқшуноси Ч.Беккарна шундай деб ёзганди: «Фақат шундай жазони қўллаш керакки, у... одамлар руҳига энг кучли таъсир ўтказиб, жиноятчи танига энг кам азоб берадиган бўлсин».

<sup>1</sup> «Ўзбек ҳуқуқи» тушунчаси орқали Ўзбекистон Республикасида имал қилаётган миллӣ ҳуқук тизими назарда тутилмоқда

Шуни таъкидлаш жоизки, собиқ иттифок ва унинг гоявий асоси – марксизм барҳам топганидан сўнг барча «изам»ларга, шу жумладан, (гуманизм)га, яъни инсонпарварликка ҳам менсимай қараш шаклланиб қолди. Ваҳоланки, инсонпарварлик фанда ҳам, ижтимоий ҳаётда ҳам жиддий ва ҳатто амалий аҳамиятга моликдир. У ҳуқуқ учун ҳам, ҳуқуқ фани учун ҳам муҳимдир. Бу ҳолат эътибордан четда қолиб кетмади, албатта. Чунки ҳозирги замон цивилизацияси учун ҳуқуқнинг катта аҳамиятга эга эканлиги исбот талаб ҳодиса эмас. Жумладан, С.С.Алексеев инсон ҳаётидаги уч давр, уч паллани – «ҳокимиият даври, мулкчилик даври, инсонпарварлик гоялари даври»ни алоҳида ажратиб кўрсатиш мумкин деб ҳисоблайди. Шунга кўра у ёзади:

«Ҳозирги замон фуқаролик жамияти – инсоният жамиятининг айнан энг ҳаётбахш истиқболларидандир. Тараккиётнинг бу босқичи одамлар ҳаётида эндигина бошланмоқда. У мўътадил ҳокимииятнинг ҳам, капитализмнинг ҳам ижобий томонларини ўзига сингдирмоқда. Буларнинг ҳаммаси кишилик жамиятининг туб моҳиятини, табиатини, унинг озодлик сари ҳаракатини ифодаловчи инсонпарварлик гоялари асосида рўй бермоқда. Ўтмиш даврларнинг ўта бир ёқлама қарама-қаршиликларини барҳам топтириб, инсонни унинг табиий ҳуқуқлари билан бирга ижтимоий ҳаёт марказига олиб чиқувчи тараққиётнинг бундай палласига илгор, иқтисодий ва ижтимоий ривожланган мамлакатлар кириб бормоқда»<sup>1</sup>.

**Фуқароларнинг қонун олдида тенглиги принципи.** Бу принцип барча фуқаролар, миллий, жинсий, диний ва бошқа мансубликларидан, мансаб ёки бошқача мавқеларидан қатъи назар, тенг умумфуқаролик ҳуқуқлари ва мажбуриятларига эгаликлари, қонун олдида бир хилда масъул эканликларида ўз ифодасини топади.

Қонун олдида тенглик ҳуқуки ҳар қандай адолатли ва демократик жамият учун энг асосий ҳуқуқлардандир. Бой ва қашшоқлиги, этник кўпчиликка ёки диний озчиликка мансублиги, ҳукуматнинг сиёсий иттифокдошими ёки унинг муҳолифими – бундан қатъи назар, исталган киши қонун олдида баб-баравар муҳофаза этилиш ҳуқуқига эгадир.

Демократик давлат ҳамма одамларга бир хил ҳаёт шароитини яратиб берипни кафолатламайди ва у ўз зиммасига

<sup>1</sup> Алексеев С.С. Теория права. М., Издательство "Бек", 1995, 27-бет.

бундай мажбуриятни ололмайди ҳам. Бирок деб ёзади конституциявий ҳукуқ бўйича мутахассис Жон П.Фрэнк, «хар қандай ҳолатда ҳам давлат қўшимча тенгсизликни юкламаслиги керак; барча одамларга бир хилда ва тенг муносабатда бўлиш ундан талаб этилади».

Хеч ким қонундан устун туролмайди. Зотан, қонун ҳалқ бўйнига мажбуран ортилган нарса змас, балки ҳалқнинг ўз ижоди маҳсулидир. Демократик тузумда фуқаролар қонунга бўйсунадилар. Чунки улар, билвосита бўлса-да, ўзлари ҳам шу қонуннинг яратувчилари эканликларини тушунишади. Ҳалқ томонидан юзага келтирилиб, кейин унинг ўзи бўйсунадиган, итоат этадиган қонун ҳам қонун фойдасига, ҳам демократия манфаатларига хизмат қиласди. Шу жихатдан таникли ҳукуқшунос, академик Ш.Ўразаевнинг куйинчаклик билан айтган қўйидаги сўзлари гоят ибратлидир: «Президент И.Каримов эълон қилган беш тамойилдан бири – Конституция ва Қонунларга сўзсиз амал қилиш, Конституциянинг устуворлигини таъминлаш, одамларни қонунга итоат этиш руҳида тарбиялаш – Конституцияга риоя қилишнинг қудратли омилидир. Шунга эришилгандагина биз ҳукукий давлатда яшаемиз, дея оламиз»<sup>1</sup>.

Шундай қилиб, мазкур принцип, *биринчидан*, давлат барча фуқароларининг аввал бошдан тенг мавқега эга бўлганиклиарида намоён бўлади. *Иккинчидан*, у тенг умумфуқаролик ҳукуқларида ўз ифодасини топади. Республикаизда бу ҳукуқлар давлатимизнинг Асосий Қонуни ва бошқа қонунчилик ҳужжатларида кафолатланган ҳамда сайлаш ва сайланиш ҳукуқи, меҳнат қилиш, соғлигини муҳофаза этиш, маълумот олиш, хусусий мулкка эга бўлиш ва бошқа ҳукуқларни ўз ичига олади. *Учиячидан*, ушбу принцип қонун олдидаги баравар жавобгарликда ифодаланади. Бу эса, мансаб ва хизмат мавқеларидан катъи назар, истисносиз барча фуқаролар содир этилган ҳуқукбузарлик учун жавоб беришлари керак деганидир.

*Давлат билан шахснинг ўзаро масъулияти принципи.* Давлат ва шахс ҳукуқ ва мажбуриятлар билан ўзаро боғланган бўлиши керак. Ҳар икки томоннинг ўз мажбуриятларини бузиши юридик жавобгарликка олиб келиши даркор.

<sup>1</sup> Ўразаев Ш. Конституциявий суд қандай булмоти керак? // Истиқлол иўли. Т. «Ўзбекистон», 1995, 43-бет.

Бундай ҳолатда ўз фуқароларига нисбатан йўл қўйилган хар қандай зўравонлик кўринишлари учун давлат ўз мансабдор шахслари тимсолида ёки умуман жавоб беради. Бу принцип батафсилроқ шархни талаб қиласди.

Шундай қилиб, демократия ҳукумат жалқقا хизмат қилиш учун мавжуд бўлади, лекин зинҳор халқ ҳукуматта хизмат қилиш учун яшамайди, деган тамойилга асосланади. Бонгача айтганда, улар демократик давлат фуқаролари бўлиб, унинг тобелари эмас. Лекин, модомики давлат ўз фуқаролари ҳукуқларини ҳимоя қиласди экан, фуқаролар ҳам бунга жавобан давлатта нисбатан ўз садоқатларини намоён этадилар. Даъвомиз қуруқ бўлмаслиги учун шу ўринда жамиятдан айрича ажратиб олинган организмга айланган, одамлардан садоқатни ва хизмат қилишни талаб этиб, бунинг эвазига ўз ҳаракатлари учун уларнинг розилигини олишни эп кўрмайдиган авторитар давлатни қиёсан кўриб чиқамиз.

Демократик жамиятда фуқаролар сайловларда иштирок этарканлар, улар номидан мамлакатни ким бошқаришини ҳал қилиш бўйича ўз ҳукуқ ва мажбуриятларини амалга оширадилар. Авторитар давлатда эса, аксинча, овоз бериш фақат режимнинг ўзи бажариб бўлган сайловга қонуний тус бериш учун хизмат қиласди.

Ҳарбий хизмат – демократик ва нодемократик жамиятда ҳукуқ ва мажбуриятлар кескин қарама-қаршилигининг яна бир ёрқин мисоли бўла олади. Ҳар қандай мамлакат муайян ёшга етган ўз йигитларидан тинч вақтларда ҳарбий хизматни ўташни талаб қилиши мумкин. Лекин авторитар давлатда мақур мажбурият бир томонлама юкланди. Демократик жамиятда ҳарбий хизматнинг бу даври йигитларнинг бурчи ҳисобланади. Ушбу бурчни фуқаролар ўзлари сайлаб қўйган ҳукумат қабул қилган қонунлар воситасида ўз зиммаларига оладилар. Албатта, ҳар бир жамиятда тинч даврларда ҳарбий хизматни ўташ одамлар учун унча ёқимли бўлмаслиги мумкин. Бироқ аскарликдаги фуқаро демократик мамлакатда жамият ўз зиммасига ихтиёрий қабул қилган мажбуриятни бажараётганилигини онгли равишда ҳис этиб хизмат қиласди. Бундан ташқари, демократик жамият аъзолари жамоа бўлиб ҳаракат қилиб, бу мажбуриятларни ўзгартиришлари мумкин: АҚШда бўлганидек, ҳарбий хизматни бекор қилиб, ихтиёрий армияни ташкил этишлари, яқинда Германияда юз бергани-

дек, харбий хизмат муддатини ўзгартиришлари мумкин ва ҳоказо.

Шундай қилиб, инсоннинг ўз ҳуқуқларидан фойдаланиши ҳам ўз манфаатлари, ҳам бошқалар манфаати учун шу ҳуқуқларни ҳимоя қилиш ва мустаҳкамлаш мажбуриятини кўзда тутади. Бироқ ҳатто ривожланган демократик мамлакатлар фуқаролари ҳам мазкур тенгликни нотўри тушунишади ҳамда кўпинча мажбуриятларини инкор этишади ва ҳуқуқларидан кенг фойдаланишади.

Ҳолбуки, ҳуқуқ ҳам шахслар сингари жамиятдан ажралган ҳолда танҳо амал қилмайди. Ҳуқуқ шахсларнинг хусусий мулки бўлмай, жамиятнинг бошқа аъзолари томонидан эътироф этилган тақдирдагина мавжуд бўлади. Америка файласуфи Сидней Хук қайд этганидек, сайловчиларнинг «ўзлари ўз эркларининг соқчиларидир». Шу нуқтаи назардан ҳам фуқаролар томонидан сайланган ва уларга ҳисоб бериб турувчи демократик ҳукумат шахс ҳуқуқларининг душмани эмас, балки, аксинча, уларни ҳимоя қиласди. Айнан шу мақсадда ўз ҳуқуқларини мустаҳкамлаш учун демократик жамиятда фуқаролар ўз зиммаларига мажбуриятлар қабул қиласдилар ҳамда улар бўйича вазифаларини адо этадилар.

## ҲУҚУҚ ВА ДАВЛАТНИНГ ЎЗАРО НИСБАТИ

Фанда ҳуқуқ ва давлатнинг ўзаро нисбати муаммоси бўйича ҳали бир фикрга келинмаган. Чунончи, жамият тараққиётининг муайян, айни пайтда жуда эрта босқичида маҳсулотларни ишлаб чиқариш, тақсимлаш, ўзаро айирбошлиш бўйича кун сайин бир хил тақрорланадиган амалларни умумий қоида билан қамраб олиш, ҳар бир киши ишлаб чиқариш ва ўзаро айирбошлишнинг умумий қоидалари ва шартларига бўйсуннишига ғамхўрлик қилиш эҳтиёжи юзага келган, деган анъанавий ва етарли даражада асосга эга бўлган фикр кенг тарқалган. Мазкур қоидалар дастлаб урф-одатларда ўз ифодасини топади. Кейинчалик эса қонунга айланади. Конун билан бирга, унинг бажарилишини ҳамда шу қонунларга риоя этилишини назорат килувчи органлар ҳам пайдо бўлади, яъни **оммавий ҳокимият, давлат** вужудга келади.

Шу тариқа ҳуқуқ урф-одатлар ҳамда иқтисодий заруриятдан ўсиб чиқади. Бошқача қилиб айтадиган бўлсак, ҳуқуқ ижтимоий муносабатларнинг мажбурлов кучи билан таъмин-

ланган анча қатъий ва хукмрон (императив) тартибга солувчига бўлган эҳтиёжга жамиятнинг жавоб ҳаракати сифатида пайдо бўлган. Зоро, бу даврга келиб, ахлокий ва бошқа шунга ўхшаш нормалар бу вазифани уддалай олмай қолганди.

Бироқ, шу билан бирга, адабиётларда бошқа нуқтаи назар ҳам мавжуд (юкорида бу ҳақида айтиб ўтгандик). Аксари адабиётларда хуқуқ давлатдан анча олдин пайдо бўлганлиги эътироф этилади. У одамлар ижтимоий мулоқотга киришган, товар айирбошлиш ривож топган, мулк, ер эгалари вужудга келган жойда таркиб топади. Фақат кейинчалик давлат билан бирга ҳуқуқнинг илгор ва энг такомиллашган шакли сифатида **қонун** дунёга келади.

Шу муносабат билан А.Б.Венгеров томонидан билдирилган нуқтаи назар диккатга сазовор. У, хуқуқ ўзлаштирувчи ва ишлаб чиқарувчи иқтисодиёт маҳсулни сифатида вужудга келган, деб ҳисоблайди<sup>1</sup>.

Мазкур фикр анча қадимий ва ибтидоий даврларда энг кўпол кўринишдаги индивидуал муносабатлар бевосита айнан хукуқдан иборатлигини таъкидловчи қоидага ҳамоҳангдир.

Хуқуқнинг келиб чиқиши ва можиятини у ёки бу тарзда талқин этувчи бошқа назариялар, мактаблар, концепциялар ҳам мавжуд. Улар ҳақида алоҳида тўхталамиз. Бу ўринда эса хукуқнинг шаклланишига иқтисодий омиллардан ташқари яна маданий, миллий, диний, этник, жуғрофий-сиёсий ва бошқа омиллар ҳам таъсир кўрсатишини қайд этиш билан кифояланамиз.

Хуқуқ ва давлатнинг вазифаси шундан иборатки, улар ижтимоий муносабатларни тартибга солувчи восита сифатида майдонга чиқиб, одамларнинг хаётий фаолиятлари учун нормал шароитлар яратиб беришга даъват этилган. Хуқуқ ва давлат ҳаётта ташкилий асосларни олиб киради, уни ҳар қандай тасодифлардан ва ҳар қандай эўравонликлардан хисома килади.

Давлат тартибни саклаш, «барчани барчага карши» (Гоббс) ҳимоялаш заруратидан келиб чиқади, хуқуқ эса бунинг учун юридик механизmlарни яратади. Бироқ хуқуқ пайдо бўлиб, қонуний куч-қудрат касб эта борган сари, у алоҳида маҳкамага таянган ҳолда норматив тартибга солишнинг бутун тизимида бош ролни ўйнай бошлайди. Хуқуқ ва давлат

<sup>1</sup> Карамит: Венгеров А.Б. Происхождение права. Общая теория права. Нижний Новгород, 1993, 155-156-бетлар.

пайдо бўлган вақтидан бошлаб мантиқан ва моҳиятнан бир-бирларига боғланган бўлиб, объектив равишда бир-бирларини тақозо этади. Шунинг учун ҳам улар ажралган холда мавжуд бўлиши ва иш юритиши мумкин эмас.

Шунга қарамай, ҳуқуқ ва давлат нисбатан мустақил ҳодисалар бўлиб, уларни тенглаштириш ёки қўшиб юбориш керак эмас. Улар орасидаги муайян оралиқ масофа ҳамиша сақланиши лозим. М.А.Аржановнинг аниқ таъбирига кўра, «давлат ва ҳуқуқ бир дақиқа ҳам ёлғиз, рўпарама-рўпара қолмайди»<sup>1</sup>. Уларнинг ҳар бири ўз ҳолича яшайди, ўз мақсадлари, вазифалари, усуллари бор. Улар ўзаро бир-бирига таъсир ўтказади, бироқ қўшилиб кетмайди, бир-бирини ўз қобигига сингдирив юбормайди.

Умуман, ҳуқуқ ва давлатнинг ўзаро бир-бирига аниқ таъсири кўп жиҳатдан улар мавжуд бўлган жамиятнинг табиатига, яъни ўша жамиятнинг демократик ёки тоталитар, ҳуқуқий ёки нохуқуқий, фуқаролик ёки нофуқароликлигига боғлиқдир. Н.А.Бердяев шу муносабат билан ҳуқуқ ва давлатнинг ўзаро муносабатлари тўғрисидаги таълимотнинг иккι турини ажратиб кўрсатганди. *Бириячи турни* у давлат тимсолида ҳуқуқ манбанин кўрувчи давлат позитивизми деб атаганди (бунда абсолютизм назарияси ва амалиёти, якка ҳокимият кўзда тутилганди). *Қарара-қарши иккинчи тур таълимот* ҳуқуқнинг мутлақлигини ва давлатнинг нисбийлигини эътироф этади. Ҳуқуқ давлат тасдиқига муҳтож эмас, давлат эса ҳуқуқ томонидан тасдиқланиши, ҳуқуқ томонидан ҳукм этилиши, ҳуқуқка бўйсундирилиши, ҳуқуқка сингиб кетиши керак.

Ҳуқуқ ва давлат ўртасидаги муносабатларнинг яна *табиий-ҳуқуқий* тури ҳам мавжуд бўлиб, у инсон ҳуқуқларини азалий ва ўзгармас қадрият сифатида эътироф этишга асосланади. У факат ҳозирги даврга келиб амалиётта киритилди, яъни Ўзбекистон Республикасининг янги Конституциясида қонуний мустаҳкамланди. Амалга оширилаётган барча ислохотлар ва ўзгаришлар концепцияси шунга асосланади. Зоро, инсон ҳуқуқлари жамиятнинг энг олий қадрияти саналади. Айни чорда инсон ҳуқуқлари муҳим конституциявий институт. Инсон ҳуқуқларини ҳимоя қилиш эса Конституциянинг асосий принципи бўлиши билан бирга, юкорида таъкидланга-

<sup>1</sup> Аржанов М.А. Государство и право в их соотношении. М., 1980, 46-бет.

нимиздек, Ўзбекистон Республикаси ижтимоий-сиёсий тизимини тубдан ислоҳ қилишнинг бош йўналиши ва пировард мақсади ҳамдир.

Хозирги адабиётларда давлат ва ҳуқук ўзаро муносабатларининг эҳтимол тутилган уч модели кўрсатиб ўтилади: 1) тоталитар (давлат ҳуқуқдан юқори туради, давлатнинг ҳуқуқча ҳеч қандай алоқаси бўлмайди); 2) либерал (ҳуқук давлатдан устун туради); 3) прагматик (давлат ҳуқуқни яратади, лекин у билан боғлиқ бўлади). Биринчи йўл – Ўзбекистонга тўгри келмайди, иккинчиси – кўпроқ истак-хоҳишимизни ифодалайди, учинчиси – хозирги мавжуд ҳаётимизга яқин келади. Айнан шу модель бугунги кунда амалда рўёбга чиқарилиши мумкин.

Бизнинг назаримизда, масалани ҳал этишнинг энг оқилона йўли ҳуқуқ ва давлатни ўзаро қарама-қарши қилиб қўйишида эмас, балки уларнинг ўзаро фойдали ҳамкорлигидайдир. Бу воеаларнинг нормал кечишида амалда рўй берадиган ҳол саналади.

Ҳуқук ижтимоий муносабатларнинг давлат томонидан тартибга солиниши хусусиятига эга, унинг ижтимоий мақоми шундай. Иккинчи томондан, давлатнинг фаолияти кўпроқ ҳуқуқий хусусиятга эга. Модомики шундай экан: «ҳуқуқми ё давлат – қай бири аҳамиятлироқ ва кераклироқ?» деганга ўхшаш саволларга ўрин қолмайди.

Аслида ҳар икки тузилма ҳам: бири – иродани ифода этиш шакли сифатида, иккинчиси – «куч-қудрат ташкилоти» сифатида аҳамиятли ва кераклидир. Уларнинг мантиқий боғлиқлигига нафақат ҳуқуқ (кейинги вақтларда бу ҳақда кўп гапирилмоқда ва ёзилмоқда), балки давлат ҳам катта қимматга эга. Боз устига, муайян босқичларда қатъий давлатчилик кўпроқ зарур бўлиб ҳам қолади. Республикамизда биз айнан шундай даврни бошдан кечирмоқдамиз. Дарҳақиқат, ёш мустақил мамлакатимизда мустабид шўро давридан мерос қолган яроқсиз тизим билан янги тизим ўртасида кураш бориши табиий ҳол эди. Зотан, ўтиш даврида ижтимоий-иқтисодий ислоҳотларни муваффақиятли амалга ошириш учун фақат кучли ижро ҳокимиятигина зарур. Шу ўринда ҳаётимизнинг ҳозирги босқичида демократлаштириш, тубдан янгиланиш жараёнлари жамиятимизнинг барча жабҳаларини камраб олганлигини алоҳида эътироф этиш лозим. Шу билан бирга, 2000 йилнинг июнь ойида қабул қилинган тараққиёт

тимизнинг бош стратегик вазифаси – Жамиятимизнинг сиёсий, иқтисодий ва маънавий соҳаларидағи ислоҳотлар жараёнини эркинлаштириш ва чуқурлаштириш Дастиурини амалга ошириш ҳам мухим аҳамиятга моликлигини алоҳида таъкидлаш зарур.

Демак, туб ислоҳотларни амалга ошириш, устувор йўналишларини, аниқ мақсадларини белгилаш, шу мақсадларга эришиш учун тегишли шарт-шароитларни яратиш ва амалга ошириш давлат зиммасига тушиши ўз-ўзидан аён. Бундан давлат ислоҳотлар тақдири учун масъул эканлигини англаб олиш қийин эмас.

Шуни алоҳида қайд этиш жоизки, давлат бундай вазифани мустақиллик қўлга киригилгач, унинг жамиятдаги роли тубдан ўзгарганидан кейин ўз зиммасига олди. Тоталитар давлат билан демократик ўзгаришилар йўлига, хуқуқий давлат ва фуқаролик жамиятини бунёд этиш йўлига кирган давлат ўртасидаги фарқ қанчалик чуқур бўлса, мазкур ўзгаришлар ҳам шу қадар теран, тубли ва чуқурдир. Шу ўринда яна бир мисол. Айтайлик: «Тоталитар тузум, диктатура ҳокимиятнинг бўлинишини тан олмасди. Улар кучга, бир партияниң ҳожиши-иродасига, ижтимоий гурухларнинг, жамият ва давлатнинг «монолит» бирлигига таянарди. Конституция ва конунлар диктатуранинг асл моҳиятини яшириб, ўзбошимчалик ва зўравонликни хаспўшилапга хизмат қиласди, холос. Тарих гувоҳлик берадики, чекланмаган ҳокимиятнинг ягона орган ёки шахснинг қўлида тўпланиши одамлар ва жамиятга мисли кўрилмаган оғир оқибатлар олиб келади. Зоро, унинг замирида турли сунистеъмолликлар, субъективизм, волюнтаризм, катагон қилиш яширгандир. Бундай иллатларни бартараф этиш учун инсон тафаккури ҳокимиятни бўлиш, давлат ҳокимияти тизимида посонгини вужудга келтириш зарур, деган хуносага келди. Ўзбекистон Республикаси Конституцияси «Ўзбекистон Республикасининг давлат ҳокимияти тизими ҳокимиятни қонун чиқарувчи, ижроия ва суд ҳокимиятларига бўлиш принципига асосланади» (11-модда), деган қоидани мустаҳкамлади»<sup>1</sup>.

Тоталитаризмнинг – мустабид тузумнинг мамлакатимиздаги 70 йиллик ҳукмронлигидан кейин давлатнинг моҳияти ва мазмунини янгича англаш осон кечмаслиги табиий ҳол, ал-

<sup>1</sup> Уралов Ш. Конституциявий суд кандай бўлмоги керак? // Истиқолол йўли, 36-37-бетлар.

батта. Чунки тоталитар бошқарув тизимидағи давлатда жамиятнинг барча соҳалари муайян мағкура яккаҳокимлиги асорати остида бўлади. Мағкура яккаҳокимлиги хукм сурган жамиятнинг эса келажаги бўлмайди, бундай мустабид тузум ҳам эртами-кечми ҳалокатга учрайди. Мустабид тузум хукмрон бўлган собиқ иттифоқ ўрнида таркиб топган, ўз мустақиллигини қўлга киритган давлатлар орасида биринчилардан бўлиб Ўзбекистон бу тузумдан, давлатни тоталитар бошқарув шаклидан воз кечди, ўз олдига ҳуқуқий демократик жамият куришни мақсад қилиб қўйди.

Ўзбекистон Республикаси Президенти тўла асос билан қайд этганидек:

«...Биз ўзимиз интилған фуқаролик жамиятини шакллантириш борасида **хеч кимдан кам бўлмайдиган марраларга етиш** учун бошлаган ислоҳотларимизни изчил ва қатъиятлик билан давом эттириш ва янада чуқурлаштиришни ҳозирги вактда ҳаётнинг ўзи тақозо этмоқда, буни кенг жамоатчилигимиз, ҳалқимиз катта умид билан биздан кутмоқда, десак, ҳеч кандай хато бўлмайди»<sup>1</sup>.

Айни чорда давлат билан ҳуқуқ ўртасида (мақсадлар, услублар, интилишларда) зиддиятлар бўлиши мумкинлигини унутмаслик лозим. Уларнинг ўзаро муносабатлари ҳамиша ҳам силлиқ кечавермайди. Ҳокимият табиатан чеклашларни ёқтирамайди, назорат остидан чиқишга интилади, ҳуқуқ эса уни «ўз жойига қўйиш»га, юридик таъсир доирасидан чиқаруб юбормасликка ҳаракат қиласи. С.С.Алексеев тўғри қайд этганидек, «ҳуқуқ давлат билан муайян зиддиятда яшайди ва ривожланади... у - қурдатли антитоталитар омилдир»<sup>2</sup>.

Лекин ҳуқуқ умуман олгандағина ҳокимиятни чеклаши, уни «тийиб турға олиши» мумкин. Амалда эса ҳокимиятнинг ўзи маълум чеклашларга йўл қўйиб бермаса, ҳуқуқнинг бунга эришиши қийин бўлади. Бироқ бу, ҳокимиятнинг ҳуқуқка бўйсуниши, инсон ҳуқуқларини, қонунларни хурмат қилиш масаласини қўйишнинг бутунлай маъноси йўқ, деган фикрни англатмайди. Ёхуд бундай ёндашув умуман иотўғри деган хуросага келишини ҳам билдирмайди.

Шу жиҳатдан шўро даврида ҳуқуқий давлат тўғрисидаги таълимит айнан ҳуқуқни давлатдан юқори қўйтгани, ҳуқуқ-

<sup>1</sup> Каримов И.А. Ҳафғиззик ва тинчлик учун ҳурашмоқ керак. 10-том, Т., «Ўзбекистон», 2002, 318-бет.

<sup>2</sup> Алексеев С.С. Право: время новых подходов // Государство и право. 1991, 2-сон, 6-бет.

нинг «хукмронлиги», «устунлиги», «бирламчилиги»ни таъкиб қилганлиги учун кескин танқид остига олинганини эслаш кифоя. У даврда хуқуқ ҳокимият билан рақобат қилолмайди, чунки у ҳокимиятнинг куроли, воситаси сифатидагина майдонга чиқади деб ҳисобланарди. Айниқса, шўро замонида, – йўқсиллар доҳийси Владимир Ленин ибораси билан ифодалайдиган бўлсак, – «ҳеч нарса билан чекланмаган, ҳеч қандай қонунлар билан, мутлақ ҳеч қандай қоидалар билан монелик қилинмаган, бевосита кучга таянувчи ҳокимият»дан иборат «пролетариат (йўқсиллар синфи – изоҳ бизники З.И.) диктатураси» ҳакида гапирилганда, шунга амал қилинарди.

Ўша шароитларда мустақил тушунча маъносида ҳукуққа ҳеч қандай эътибор берилмас, ҳар қандай йўллар билан у камситилар, бир чеккага суринб қўйиларди. Ана шу аснода ҳукуқий нигилизм илдиз отди ва ривож топди.

80-йилларнинг ўрталарига келиб, «қайта қуриш» баҳонасида ҳукуқий давлатнинг тан олиниши, унинг қонунлар устуворлиги, ҳукуққа хурмат билан қарашиб каби тамойиллари эътироф этила бошлаганидан кейингина аҳвол ўзагара бошлиди. Бирор бу ўзтариш ҳам амалиётда эмас, балки кўпроқ назарияда юз берганди.

Шу тариқа чинакам демократик ҳукуқий давлатда қонунлар ҳукмрон бўлиши кераклиги ниҳоят тан олинганди. Қўриниб турибдики, қонун ҳокимиятдан кучлироқдир. Шу ўринда: «Қонунлар иш бермай қўйган жойда зўравонлик, ўзбошимчалик бошланади» деган қадимий ҳақиқатни эслайлик. Қадимги Рим давридаёқ: «Дунё қулаб кетса ҳам, қонун гала-ба қилса бас», деган шиорга амал қилишган. Уларнинг фикрича, «Қонун – ҳамма сифиниши мажбурий бўлган Худо», «Эркин бўлиш учун қонунларнинг қули бўлиш керак», «Давлатни қонун бошқариши зарур» деган ҳикматли сўзлар, иборалар ҳаёт тарзининг асосий принциплари бўлиши керак эди.

Шундай қилиб, ҳуқуқ ва давлатнинг ўзаро алоқалари уч асосий жиҳат – бирлик, ўзаро фарқ ва ўзаро таъсирини ўз ичига олади.

Ҳуқуқ ва давлатнинг бирлиги, аввал айтиб ўтганимиздек, ҳуқуқ ва давлатнинг келиб чиқишида, таснифланиши (типологияси)да, иқтисодий, маданий ва бошқа шарт-шароитлар билан белгиланишида, уларга боғлиқлигига ўз ифодасини топади. Шунингдек, улар ижтимоий тартибга солиш воситалари сифатида майдонга чиқиши, умумий ва шахсий манфаатлар-

ни мувозанатлаштириши, шахс ҳуқуқларини кафолатлашида ҳам шу бирлик ифодасини кўрамиз.

Ҳуқуқ ва давлатнинг ўзаро фарқи эса шу тушунчаларнинг тавсифларидан келиб чиқади. Давлат – қуч-кудратнинг, ҳуқуқ эса – ироданинг тимсолидир. Уларнинг ҳар бири ҳақиқий воқеликни ўзича акс эттиради, ижтимоий онг томонидан турлича баҳоланади ва турлича қабул қилинади.

Ҳуқуқ ва давлатнинг ўзаро таъсири бир-бирига хилмалил таъсири ўтказишда ифодаланади. Давлатнинг ҳуқуқка таъсири унинг ҳуқуқий конун сифатида давлат томонидан яратилиши, ўзгартирилиши, такомиллаштириб борилишида-дир.

Албатта, ижтимоий зарурат, жамият эҳтиёжлари ҳуқуқ пайдо бўлишининг бирламчи сабабларидир. Бироқ бу эҳтиёжлар давлат томонидан англангандан кейингина у ҳуқуқни конунлар, юридик нормалар тилига ўгиради, яъни давлат шу оркали ҳуқуқни қайсиdir маънода яратади, таъсис этади.

Тўғри, ҳуқуқнинг шаклланиш жараёни юқоридан қўйига тушиб бориши ҳам, қўйидан юқорига чиқиб бориши ҳам мумкин. Қўйидан юқорига шаклланиб боришда ҳуқуқ урф-одатлар, анъаналардан ўсиб чиқади ва давлатга фақат бунга «рози бўлиш» ҳамда таркиб топган қоидаларни конун билан мустаҳкамлашгина қолади. Қисқаси, ҳокимият ҳуқуқий ижодкорлик қудратита эга бўлган ягона куч эмас. Чунки аслида ҳуқуқ маълум даражада бутун жамият томонидан яратилади.

Қўриниб турибдики, давлат ҳуқуқка ўз таъсирини ўтказади. У ҳуқуқнинг вужудга келиши ва унинг ҳаётга татбиқ этилиши (юридик нормаларга риоя қилиш, ундан фойдаланиш, уларни ижро этиш ва қўллаш) жараёнларига локайд кузатувчи сифатида қараб туролмайди. Айни пайтда бундай аралашишнинг муайян чегаралари мавжуд. Зоро, ҳуқуқ – алоҳида ва мустақил ижтимоий ҳодисадир. Давлатнинг ҳуқуқка таъсири мутлақ хусусиятга эга бўлолмайди.

Боз устига, ҳуқуқнинг давлатга таъсири ҳам хилма-хил ва давлатницидан камроқ эмас. Ҳуқуқ, энг аввало, давлат фаолиятини ошкора қиласди, конституциявийлаштиради (яъни конунийлаштиради), унинг умумий чегараларини – бу фаолиятнинг рухсат этилган ва этилмаганлигини белгилайди, унинг халқаро андазаларга мувофиқлигини таъминлайди.

Хукуқ ёрдамида давлатнинг ички тузилиши, унинг шакли, таркиби, бошқарув маҳкамаси (механизми), турли органлар ва мансабдор шахсларнинг мақоми ва ваколатлари, ҳокимиятнинг бўлиниши принципи мустаҳкамланади, зарур тузилмалар расмийлаштирилади. Давлат ўз фаолиятини тартибга солиш учун хукуқни яратади.

Хукуқ воситасида давлатнинг вазифалари ва функциялари амалга оширилади, унинг ички ва ташқи сиёсати олиб борилади. Ижтимоий тузум, шахснинг жамиятдаги мавқеи қонуний белгиланади ва мустаҳкамланади. Бошқача килиб айтганда, давлатнинг бутун асосий олиб борадиган «иши» хукуқий идора усули асосида, юридик шаклларда ва тартибқоидаларда кечинни даркор.

Хукуқ давлатнинг давлат сифатида оёқка туриши, ривож топиши ва такомиллашувида, унга юксак маданий кўриниш, замонавий хусусиятлар бахшида этишда катта ахамиятта эга бўлади. Хукуксиз ҳеч кандай давлатчиликни тасаввур этиб бўлмайди. Шунинг учун ҳам хукуқнинг давлат билан мустаҳкам ва тўғридан-тўғри алоқада бўлмаган бирон-бир жиҳати йўқ.

Шундай қилиб, давлат билан ҳукуқ ўртасида мураккаб ва кўпкіррали ўзаро боғлиқликлар мавжуд. Шунинг учун ушбу институтларни назарий англаб этишда ҳам, шунингдек, мамлакатда шу жумладан, давлатчилик-жукуқшунослик соҳасида амалга оширилаётган демократик ўзгаришларнинг аниқ жараёнларида ҳам мазкур боғлиқликларни ҳисобга олиш фоят муҳим. Бусиз тўлаконли фуқаролик жамиятини барпо этиш, унда барқарорликни, тартиботни, қонунийликни таъминлаб бўлмайди.

Шунинг учун ҳам И.А.Ильиннинг куйидаги сўзлари фоят долзарбdir: «Хукуқ ва давлат чинакамига янгиланиш ва қайта тиклаш йўлига кириши учун уларнинг табиатини, мақсадини, асосларини тўғри англаб этиш, кейин эса шу англанганларни ирода ва ҳаётий фаолият предметига айлантириш керак бўлади... Уларнинг соғломлигини ҳам, хасталигини ҳам тушуниш бирдик аҳамиятлидир»<sup>1</sup>.

<sup>1</sup> Ильин И.А. О сущности права. М., 1993, 226-бет.

## ХУҚУҚНИНГ ФУНКЦИЯЛАРИ

Хуқуқнинг функциялари тўғрисидаги фикримизни «хуқуқ функцияси» тушунчасининг кўп йиллик тадқиқотлар тажрибаси ҳануз муаммони бир қолипда талқин этишга олиб келмаганига эътиборни жалб қилишдан бошлишни мақсадга мувофик деб топдик. Лекин ушбу масала юзасидан турли нуктаи назарларни гурухларга ажратадиган бўлсак, у ҳолда *функция деганда ё хуқуқнинг ижтимоий вазифасини, ёки ижтимоий муносабатларга хуқуқий таъсирни йўналтиришини, ёхуд уларнинг ҳар иккаласи биргаликда тушунилишига ишонч ҳосил қилиш мумкин.*

Бизнинг назаримизда, ҳуқуқнинг функциялари тушунчаси бир вақтнинг ўзида ҳуқуқнинг вазифасини ҳам, шунингдек, бундан келиб чиқадиган унинг ижтимоий муносабатларга таъсири йўналишини ҳам ўз ичига олиши лозим. Бинобарин, ҳуқуқнинг бирон-бир функцияси мазмунини очиб беришда хамиша ҳуқуқ вазифаси унинг йўналиши билан боғликлигини ҳамда ушбу йўналиш ҳуқуқнинг вазифасига боғликлигини ёдда тутиш керак бўлади. *Аслида ҳуқуқнинг функциялари – унинг ижтимоий вазифаси амалга оширилишидир.*

Шу ўринда: «Хуқуқнинг ижтимоий вазифаси нима-ю, ҳуқуқий таъсир деганда нимани тушунмоқ керак?» деган савол туғилиши табиий. *Ҳуқуқнинг ижтимоий вазифаси ижтимоий тараққиёт эҳтиёжларидан таркиб топади.* Ҳуқуқнинг бу вазифасини ана шу эҳтиёжларнинг ҳуқуқни муҳофаза этиш фаолияти кўринишида ифодалантган давоми дейиш мумкин. Муайян муносабатларни мустаҳкамлаш, уларни тартибга солиш ёки муҳофаза этишга йўналтирилган қонунлар айнан шу эҳтиёжлар, ижтимоий заруратлар асосида яратилади.

*Ҳуқуқнинг функциялари – энг аввало, унинг ўзига хос хусусиятлари намоён бўлиши эканлигини таъкидлаш жоиз.* Функцияларда ҳуқуқнинг мустақиллигидан келиб чиқувчи белгилари мужассамдир. Факат ҳуқуқнинг ўзигагина эмас, балки ижтимоий ҳаётнинг норматив хусусиятга эга бошқа ҳодисаларига ҳам хос бўлган умуман ҳар қандай белгилари ҳуқуқнинг функцияси бўлавермайди. Шунинг учун бу ўринда ҳуқуқ функцияларини ижтимоий муносабатларга таъсир ўтказиши йўналиши сифатида тавсифловчи белгиларни ажратиб олиш мақсадга мувофиқдир.

1. Ҳуқуқ функцияси унинг моҳиятидан келиб чиқади ҳамда ҳуқуқнинг жамиятдаги вазифаси билан белгиланади.

Баъзи ҳуқуқшунослар таъбирига кўра, функция – ҳуқуқ мөхиятининг ижтимоий муносабатларда «ёлкинланиши»дир. Бироқ ҳуқуқнинг функцияларини унинг мөхияти билан тенглashingтириш нотўғри бўларди, чунки функция ҳуқуқ мөхиятидан муайян даражада мустақилдир.

2. Ҳуқуқнинг функцияси унинг ижтимоий муносабатларга таъсирининг шундай йўналишиши, унинг амалга оширилишига бўлган эҳтиёж ижтимоий ҳодиса сифатида ҳуқуқнинг заруратини тақозо этади. Айтиш мумкинки, функция ҳуқуқнинг муайян бир давр учун энг зарур таъсир йўналиши, яъни жамият учун фавқулодда аҳамиятли йўналишини белгилаб беради.

3. Функция ҳуқуқнинг энг муҳим хусусиятларини ифодалайди ва у ҳуқуқ тараққиётининг муайян босқичида унинг олдида турган туб масалаларни ҳал этишга йўналтирилади.

4. Ҳуқуқ функцияси унинг фаол ҳаракат йўналишидан иборат бўлиб, у ижтимоий муносабатларнинг муайян кўришини тартибга солади. Айнан шунинг учун ҳам жўшқинлик, ҳаракат, фаолият – ҳуқуқ функциясининг энг муҳим белгилари дейиш мумкин. Лекин бу белгилар ундаги барқарорлик, мунтазамлилик, событқадамлик ва мақсадга йўналганиликни истисно этмайди.

5. Ҳуқуқ функцияси мунтазамлилиги билан ажralиб туради. Унинг қўлланишининг узлуксизлиги, давомиyllиги шу билан белгиланади. Ҳуқуқ ривожининг муайян босқичида функцияниянг доимий равишда унга хос бўлиб қолиши жиҳатидан ҳам мазкур функцияниянг мунтазамлилик хусусияти ҳақида гапириш мумкин. Бироқ бундан уни амалга ошириш омиллари ва шакллари ўзгармай қолар экан-да, деган маъно келиб чиқмаслиги керак, албатта. Шубҳасиз, улар амалиёт эҳтиёжига мувофиқ равишда ўзгариб боради.

Хозирги илмий тафаккурининг ажralиб турувчи муҳим хусусиятларидан бири ҳисобланган тизимли ёндашув ҳуқуқ функциялари мөхиятини яхшироқ тушунишга ёрдам беради. Юқорида ҳуқуқ бир тизим сифатида идрок қилиниши хусусида гапириб ўтган эдик. Бу ҳуқуқ функцияларини ҳам яхлит тизим сифатида кўриб чиқиши имконини беради.

**Ҳуқуқ функциялари тизими** – мураккаб, кўптармоқли, кўпбосқичли, қўйидан юқорига ва маълум даражада жўшқин ривожланувчи тузилмадир. Уни тузишда ҳуқуқнинг уму-

**иженитимоий функциясини асос қилиб олиши мақсадда мувофиқ.** У бир хуқуқ тизимини жамиятнинг янада кенгроқ бошқа тизимиға қўйиш тартибини белгилайди, уларнинг ўзаро боғлиқлигини ифодалайди.

Хуқуқий тизим таркиб топган қисмларга мувофиқ равишда хуқуқ функциялари тизимини **беш гуруҳга**, яъни кичик тизимларга бўлиш мумкин. Улар – хуқуқнинг барча соҳаларига хос бўлган умумхуқуқий функциялар кичик тизими, хуқуқнинг барча соҳаларига эмас, балки унинг икки ёки ундан ортиқ соҳаларига хос **тармоқлараро**, хуқуқнинг фақат бир аниқ соҳасига хос тармоқ, хуқуқнинг аниқ бир тузилмасига хос **хуқуқий институтлар функциялари**, нормаларнинг аниқ бир турига хос хуқуқ нормалари функцияларидан иборат бўлади.

**Турли ҳил даражадаги хуқуқ функцияларининг ўзаро нисбати** хақидаги масала муҳим аҳамиятта моликдир. Айтайлик, у ёки бу умумхуқуқий функция ўзидан анча куйи даражадаги функциялар томонидан кўпроқ ёки камроқ даражада аниқлаштирилиши мумкин. Масалан, жиноят хуқуки функциялари умумхуқуқий муҳофаза функциясини оила вар хуқуқининг тегишли функцияларига нисбатан кўпроқ даражада аниқлаштиради.

Умумхуқуқий функцияларни бўлиш имконини берувчи мезонларнинг икки гуруҳини шартли равишда ажратиб кўрсатиш мумкин: булар – хуқуқнинг ўз доирасида жойлашган ички ҳамда ундан четда турувчи ташқи мезонлар.

**Ҳакикий юридик, маҳсус юридик** деб ном олган функциялар **тартибга солиши** ва **муҳофаза функцияларига бўлинади**. Айнан уларнинг ўзи хуқуқни ўзига хос, сифат жихатидан мустакил тузилма сифатида тавсифлайди. Иженитимоий ҳодиса сифатида хуқуқнинг мавжуд бўлиши учбу функцияларни **амалга ошириш** зарурати билан боғлиқ, деб ҳисоблаш мумкин.

Хуқуқ вазифасини белгилаб берувчи иженитимоий муносабатларнинг хилма-хил турлари хуқуқ функцияларини тасвиғлашнинг **ташқи объектив мезони** ҳисобланади. Шу муносабат билан **ижетимоий, сиёсий ва маънавий** – уч асосий соҳа ёки тизимни ажратиб кўрсатамиз. Учбу соҳаларга мувофиқ тарзда уч функция – **иқтисодий, сиёсий ва тарбиявий** функцияларни ажратиб кўрсатиш мумкин. Хуқуқнинг бу

функциялари, шунингдек, ижтимоий функциялар деб ҳам аталади.

Шундай қилиб, ҳуқуқнинг ижтимоий функцияларини ижтимоий ҳаётнинг тегишли соҳаларига ҳуқуқий таъсир ўтказиши йўналиши сифатида таърифлаш мумкин. Жумладан, иқтисодий функция иқтисодий соҳага, сиёсий функция сиёсий соҳага, тарбиявий функция маънавий соҳага ҳуқуқий таъсир ўтказади.

Айни пайтда функциялар тизими ўзгармас, бир бор берилганича ҳамиша бир жойда қотиб турадиган тизим эмаслигига эътиборингизни жалб этишни истардик. Чунончи, табиатни асраш тадбирларининг фавқулодда долзарб бўлиб қолганлиги муносабати билан айрим олимлар ҳуқуқнинг экологик функцияси мавжудлигини асослаб чиқдилар. Бошқача қилиб айтганда, ижтимоий ҳаётнинг бирон-бир соҳаси умумхақуқий функцияларнинг мавжудлиги ҳақидаги масалани кўйиш хақоний бўлади.

Ҳуқуқнинг ҳақиқий юридик функциялари тавсифи. Ҳуқуқ функциялари тизимида тартибга солувчи функция етакчи, белгиловчи аҳамият касб этади. Бу табиий ҳолдир. Зоро, ҳуқуқнинг асосий ижтимоий вазифаси – ижтимоий муносабатларни тартибга солишдан иборатdir.

Тартибга солиш функцияси ҳақида гап кетганда, ҳуқуқнинг субъектлар хатти-ҳаракатлари кўринишлари бўйича кўрсатмалар бериш, амр қилиш, аниқ ижтимоий функцияларни амалда қўллашда бўлганидек, муайян ижтимоий соҳага нисбат бермаган ҳолда, иродага таъсир ўтказиш қобилияти кўзда тутилади.

Тартибга солиш функцияси доирасида **икки кичик функция** – статик тартибга солиш ва динамик тартибга солиш функциялари ажралиб туради. Статик тартибга солиш функцияси ҳуқуқнинг ижтимоий муносабатларга шу муносабатларни бирон-бир ҳуқуқий институтда мустаҳкамлаш йўли билан таъсир ўтказишида ифодаланди. Бу ҳуқуқий тартибга солиш вазифаларидан бири саналади. Ҳуқуқ, энг аввало, жамият барқарорлигининг асоси ҳамда унинг манфаатлари ва алоҳида шахс манфаатларидан иборат бўлган ижтимоий муносабатларни юридик жиҳатдан тасдиқлайди, уларни «дахлисизлик» даражасига олиб чиқади.

Статик функцияни амалга оширишда мулкчилик ҳуқуки тузилмалари катта аҳамият касб этади. Уларнинг юридик можияти ижтимоий тузумнинг иқтисодий асосларини мустаҳкамлашдан иборат. Статик функция бошқа институтларда ҳам, шу жумладан фуқароларнинг сиёсий ҳуқуклари ва мажбуриятлари институтида, сайлаш, муаллифлик ва ихтиорилик ҳуқукида яққол ўз ифодасини топади.

Динамик тартибга солиш функцияси ҳуқуқнинг ижтимоий муносабатларга – уларнинг ҳаракатини, яъни динамикасини расмийлаштириш йўли билан таъсир ўтказишида ифодаланди. Масалан, бу функция иқтисодиётда ва ижтимоий ҳаётнинг бошқа соҳаларида хўжалик жараёнларини тартибга солувчи фуқаролик, маъмурий, меҳнат ҳуқуки институтларida мужассамлашган.

Ҳуқуқнинг тартибга солиш функциясини тавсифлаш учун уни амалда қўллаш йўлларини аниқлаб олиш мухимdir. Чунки уларнинг исталган ҳар бири ҳуқуқ тизими томонидан амалга ошириладиган бутун тартибга солиш жараёнида салмоқли ўрин тутади.

Ҳуқуқнинг бошқарув функциясини амалга оширишнинг энг характерли йўллари ёки таъбир жоиз бўлса, қисмлари: ҳуқуқ нормалари воситасида фуқароларнинг ҳуқукий лаёқатини аниқлаш; фуқаролар ҳуқукий мақомини мустаҳкамлаш ва ўзгартириш; давлат органлари, шу жумладан мансабдор шахсларнинг ваколатларини белгилаш; юридик шахсларнинг ҳуқукий мақомларини аниқлаш; ҳуқукий муносабатларни вужудга келтириш, ўзгартириш ва бекор қилишга йўналтирилган юридик фактларни аниқлаш ва кўзда тутиш; ҳуқуқ субъектлари ўртасидаги аник ҳуқукий боғлиқлик – тартибга солувчи ҳуқукий муносабатларини белгилаб қўйиш; аник ижтимоий муносабатларда қўллаш мақсадида ҳуқукий тартибга солишнинг энг мақбул турини аниқлаш кабилар хисобланади.

Юқорида айтилганларга таянган ҳолда ҳуқуқнинг тартибга солиш функциясини ижобий (позитив) ҳулк-атвор коидаларини ўрнатиш, жамият, давлат ва фуқаролар манбаатларига мос келадиган муносабатларни мустаҳкамлаш ва уларни ривожлантиришга кўмаклашиш мақсадида ҳуқуқ субъектларига субъектив ҳуқукларни бериш ва юридик мажбуриятларни юклашда ифодаланувчи ҳуқукий таъсир ўтказишининг ижтимоий вазифасидан ке-

либ чиқувчи йўналиши сифатида тавсифлаш мумкин бўлади.

Маълумки, ижтимоий муносабатларни муҳофаза қилиш зарурати ҳамиша мавжуд бўлган ва жамият қанча вақт яшаса – ушбу зарурат ҳам шунча вақт мавжуд бўлади. Юридик ҳодиса сифатида ҳуқуқ ҳар доим ҳам мавжуд бўлавермаган. Бироқ у пайдо бўлди дегунча ижтимоий муносабатларни муҳофаза қилишнинг муҳим воситаларидан бирига айланган. Дарҳақиқат, ҳуқуқий таъсир ўтказишнинг мазкур йўналиши ҳуқуқнинг муҳофаза функциясини ташкил этади.

*Ҳуқуқнинг муҳофаза функцияси – умумахамиятга молик энг муҳим иқтисодий, сиёсий, миллий ва бошқа ижтимоий муносабатларни, уларнинг дахлсизлигини муҳофаза қилиш, шунингдек, мазкур жамиятга ёт бўлган муносабатларни сиқиб чиқаришни мақсад қилиб олган ҳуқуқнинг ижтимоий вазифаси билан боғлиқ ҳуқуқий таъсир йўналишидир<sup>1</sup>.*

Бинобарин, ҳуқуқ, биринчидан, умумеътироф этилган фундаментал ижтимоий муносабатларни муҳофаза қилади, иккинчидан, жамиятга ёт бўлган муносабатларни сиқиб чиқаришга йўналтирилган бўлади. Бу ҳолатни алоҳида таъкидлаш зарур. Чунки, муҳофаза функциясининг асосий мақсади – жамиятга ёт муносабатларни сиқиб чиқаришдангина иборат, деган қараш масалага бирёқлама ёндашувнинг ифодасидир. Ваҳоланки, жамият ҳаётидан нохуш ҳодисаларни сиқиб чиқариш – ҳуқуқнинг иккиласми натижаси. Зотан, ҳуқуқнинг бирламчи вазифаси – муҳофаза воситаси сифатида муҳофазага муҳтоҷ муносабатларни ҳимоялашдан иборатdir.

Бироқ муҳофаза функциясини истисносиз факат ҳуқуқбузарликлар содир этилгандагина амал қиладиган ҳуқуқий ҳаракат маъносида тушуниш мумкин эмас. Боз устига, ушбу функцияning асосий вазифаси – ҳуқуқ нормалари бузилишининг олдини олишдан иборат. Ҳуқуқ субъектлари унинг кўрсатмаларига қанчалик кўп итоат қилса, тақиқлаш талабларини қанчалик кўпроқ адо этса – муҳофаза функциясининг самараси шунчалик юкори бўлади. Тақиқ ёки жазо чораларининг белгиланганининг ўзиёқ айрим шахсларга жиддий таъсир этади, уларни ҳуқуқка зид қилишиларидан тийиб туради. Бу эса ҳуқуқий таъсир мақсадларидан бирига эришилганини

<sup>1</sup> Карапиг: Теория государства и права / Под ред. В.К.Бабаева. М., 1999, 250-бет.

биддиради, яъни муайян ижтимоий муносабат мухофаза этилган бўлади.

Шу ўринда яна бир мухим жиҳатга эътиборингизни тортишни истардик: мухофаза функциясини тартибга солиш функциясига қарама-қарши кўйиш керак змас. Бошқача айтганда, мухофаза функцияси тақиқлар, жазо чоралари, масъулиятни ўз ичига олгани учун негатив (салбий), кейингиси эса ҳукуқ субъектларининг ижобий фаолиятларини мувофиқлаштиришга қаратилгани учун позитив (ижобий) функция деган маънода уларни бир-бирига қарама-қарши кўйиб бўлмайди. Уларнинг ҳар иккаласи (албатта, ҳар бири ўзига хос йўл билан) ижтимоий муносабатларни ривожлантириш ва мустаҳкамлашга қўмаклашишдек мухим вазифани адо этади.

*Хукуқ функцияларини амалга ошириш шакллари.* Хукуқ функциялари ўз механизмига эга. Хукуқ функцияси уч шаклдаги, яъни ахборот, назарда тутиладиган ва ҳукуқий тартибга солиш шаклларидағи ҳукуқий таъсир омиллариdir. Шундан келиб чиқкан ҳолда ҳукуқ функцияларини амалга оширишнинг уч шакли – ахборот, назарда тутиладиган ва ҳукуқий шакллари намоён бўлади.

*Хукуқ функцияларини амалга оширишининг ахборот шакли* кишилар хулқ-атворига тааллуқли давлат талабларидан уларни хабар қилиб туриш билан боғлиқ. Бунда фукаролар ҳукуқ нормалари мазмуни ҳақида оладиган ахборотлар маинбаи хилма-хил бўлиши мумкин, улар орасида расмий, оммавий ахборот воситалари, юридик маслаҳат идоралари, адвокатлар, таниш-билишлар, қариндош-уруглар, оммабоп юридик адабиётлар ва ҳоказоларни санаб ўтиш мумкин. Айниқса, демократик жамиятда оммавий ахборот воситалари, журналистлар давлат ҳокимияти идоралари билан ҳалқ оммаси ўртасида алоқа боғловчи бош бўғин сифатида фаолият олиб боради. Улар учун фукароларни кундалик ижтимоий-сиесий, давлат-ҳукуқий ҳаёт воқеаларидан тезкор, мунтазам ва рўй-рост хабардор қилиб туриш устувор вазифадир. Шу билан бирга, Ўзбекистон Республикаси Конституциясининг 83-моддаси 2-қисмида белгиланганидек: «Қабул қилинган конунларнинг ва бошқа норматив ҳужжатларнинг матбуотда эълон қилиниши улар қўлланишининг мажбурий шартидир». Бундан кўриниб турибдики, конунларнинг ҳамда бошқа норматив ҳужжатларнинг (яъни умуммажбурий хатти-харакат қоидаларини белгилайдиганн ҳукуқий

хужжатларнинг) оммавий ахборот воситаларида эълон килиниши уларни ҳаётга татбиқ этиш шарти ҳисобланади.

Демак, ҳуқуқ функцияларини амалга ошириш шакли сифатида ҳуқуқий хабардорлик ғонят катта аҳамиятга эга. Бироқ бутунги кунда унинг таъсирчанлик даражаси давр талабларидан ортда колмоқда. Мамлакатимизда ҳозирги вақтда жамиятни тубдан ўзгартириш билан боғлиқ равишда қонун яратувчилик жараёни қизғин бораётганлиги муносабати билан бу ҳолат янада мухим аҳамият касб этади. Шунинг учун ҳам фуқароларимиз айникса амалдаги қонунчилик тўғрисида, унга киритилаётган ўзгартиришлар, қўшимчалар, баъзи моддалар, бандларнинг чиқариб ташланиши ҳакидаги ҳуқуқий ахборотни олишга муҳтоҷдирлар. Эндиликда аҳоли барча қатламларини қамраб олувчи умумий ҳуқуқий ўкувни ташкил этиш зарурати ҳакидаги масаланинг ҳукумат даражасида кўтарилаётганлиги тасодиф ҳол эмас.

Ҳуқуқ функцияларини амалга оширишнинг яна бир аҳамиятли шакли йўналишили таъсир кўрсатишидир. Зеро, факат ҳуқуқ нормаларининг ўзини билишгина эмас, балки фуқароларда ҳуқуқ қоидалари бўйича позитив кўнималарни хосил килиш ҳам мухимдир. Бу эса ўз наебатида йўналишили ҳуқуқий таъсир кўрсатиш натижаси сифатида ҳуқуқий йўналтирилган фаолиятни ташкил этади. Ҳуқуқий қоидалар фуқароларни тўғри хатти-ҳаракатларга, ҳуқуқий фаолликка ундовчи позитив ҳамда ҳуқуқка зид ҳулқ-атворга майл түғдирувчи негатив қоидаларга бўлинади. Аслида йўналишили ҳуқуқий таъсир кўрсатишнинг вазифаси позитив ҳуқуқий интилишларни шакллантиришдан иборатdir.

Ҳуқуқий таъсир кўрсатиш тизимида ҳуқуқий тартибга солиш марказий ўрин тутади. Чунки у ҳуқуқ учун маҳсус, бевосита юридик таъсир ҳисобланади ҳамда бу таъсир жами ҳуқуқий тартибга солиш механизмини ташкил этувчи ҳуқуқий воситаларнинг алоҳида тизими ёрдамида амалга оширилади. Мазкур шакл доирасида ҳуқуқ функцияларини амалга ошириш қўйидаги катъий қоидаларни: тартибга солиш самарадорлиги шарт-шароитларини, ҳуқуқий тартибга солиш жараёнларини, тартибга солишнинг ижтимоий натижаларини аниқлашдан иборат бўлади.

## **ХУҚУҚ ВА СИЁСАТНИНГ ЎЗАРО НИСБАТЛАРИ: ХУҚУҚИЙ ВА СИЁСИЙ НОРМАЛАР**

Маълумки, янги ижтимоий муносабатларнинг вужудга келиши мулкни жамият ичидагайта тақсимлашга, унинг жамият кичик бир қисми қўлида жамланишига, яъни хусусий мулкнинг шаклланишига олиб келувчи тарихий тараққиётнинг муайян босқичида хуқуқий нормалар юзага келади. Ишлаб чиқариш воситаларига нисбатан синфлар, ижтимоий қатламларнинг турлича қарашлари мулкчилик муносабатлари табиатини, одамлар ҳақиқий эркинликлари даражасини белгилаб беради. Албатта, ҳамма даврларда эркинликнинг барча турлари мавжуд бўлган. Лекин улар баъзи ҳолларда алоҳида имтиёз сифатида, бошқа ҳолларда эса умумнеъмати сифатида қабул қилинган.

Алоҳида шахсларнинг хуқуқда ифодаланган эркинлиги уларнинг мулкка нисбатан муносабатига боқлиқ эди. Мулкчилик муносабатларининг шаклланиши жамиятда сиёсий ҳокимиётнинг пайдо бўлиши, давлатнинг ташкил топиши билан ҳам чамбарчас боғлиқдир. Бу ҳол иқтисодий хукмрон синфнинг манфаатлари ва иродасига умуумийлик хусусиятини бағишловчи маҳсус органлар ва институтлар бўлишини талаб килади.

Мулкчилик муносабатлари нафакат хуқуқий, балки сиёсий муносабатларнинг ҳам асоси эканлигини ёдда тутиш лозим. Чунки мулкка эгалик қўлиучилар сиёсий ҳокимиётга ҳам эгалик қиласидилар.

Норматив тузилмавийлик хуқуқ ва сиёсат учун умуумий хусусиятдир. Айни пайтда хуқуқнинг норматив табиати барчага очик-равshan кўриниб туради. Гарчи нормативлик хуқуқдагидай якъол кўзга ташланмаса-да, бутун сиёсий соҳа ҳам нормалаштирилган бўлади. Бу тушунарли, албатта. Негаки, сиёсий нормалар расмий хужжатларда ҳамиша ҳам қайд килинавермайди. Улар сиёсий арбоблар ва раҳбарлар қарашларида, тасаввурларида ўз ифодасини топади.

Лекин сиёсий нормалар ўз тараққиёти давомида синфлар ва бошқа ижтимоий қатламлар манфаатлари ва эҳтиёжларининг энг фаол ифодачисига айланиб боради. Ижтимоий муносабатларга таъсир ўтказишнинг бошқа барча шакллари, хусусан, хуқуқ, ахлоқ, санъатни ўзига бўйсундиришга интилган ҳолда улар одамлар хатти-ҳаракатларини ижтимоий тар-

тибга солища асосий ролни ўтай бошлайди. Таассуфланарли жиҳати шундаки, сиёсатнинг жамиятдаги, шу жумладан ҳукуқка нисбатан устувор аҳамияти марксистик адабиётда исбот талаб қилмайдиган қоида сифатида мустаҳкамлаб қўйилганди. Энг даҳшатлиси – «хукуқий эркинликнинг инкор этилиши амалда эркин эмаслик ва тоталитаризмнинг қарор топиши бўлиб чиқди»<sup>1</sup>. Ҳайриятки, жамиятнинг тарихий тараққиёти, унинг ривожланиш, демократия соҳасини кенгайтириш йўлидаги ҳаракати юқоридаги даъвонинг тўғрилигига, мустабид сиёсатнинг барқарорлигига ишончни сусайтирди.

Сиёсий ва хукуқий нормаларнинг келиб чиқиш манбалари ягоналигини қайд этиш билан бирга, уларнинг навбатдаги қарор топиш усуулларидаги фаркни ҳам таъкидлаш лозим. Бу «нормаларни белгиловчи субъект» – давлат билан боғлиқ бўлиб, у объектив ижтимоий нормаларга юридик кўрсатмалар тусини беради. Лекин сиёсий нормаларнинг «нормаларни белгиловчи субъектлари» хилма-хилдир. Айтайлик, Шарқ истибоди даврида сиёсий нормалар коҳинлар томонидан шакллантирилган; антик шаҳар-давлатларда атоқли сиёсатдонлар, файласуфлар ўз норма ва принциплари тизимларини илгари сурешган; диннинг таъсири фавқулодда кучли бўлган феодал жамиятда сиёсий нормаларни яратишда черков фаол роль ўйнаган.

Фақат буржуа инқилоблари даврига келгандагина сиёсий партиялар пайдо бўлади, улар инсон билан давлат ўртасида гўё воситачи вазифасини бажара бошлайди. Партиялар давлат ҳокимиютига ўз таъсирини кучайтириш ёки ҳокимиютини эгаллаб олиш йўлларини белгиловчи дастурлар ишлаб чиқди.

Хуқук, юқорида таъкидлаганимиздек, давлатдан олдин пайдо бўлган. Унга бўлган эҳтиёж эса мулкчилик муносабатларига юридик тус беришга бўлган интилиш туфайли вужудга келган. Бироқ феодалларнинг зўравонлиги ва кўпол ўзбoshимчаликларига қонун туси бериларди. Сиёсий зўравонлик кўпинча феодал жамиятда қонунлар ва урф-одатларнинг кўлланилишида ўз ифодасини топарди. Умуман олганда, капитализмгача бўлган жамиятларда муайян синфлар ҳукмронлигини қарор тоғтирувчи сиёсий нормалар қонунчилик бош-

<sup>1</sup> Нерсесянц В.С. Хуқук фалсафаси, 122-бет.

карувига ҳал қилувчи таъсир қўрсатиб келганлигини алоҳида қайд этиш лозим.

Сиёсий ва хуқуқий нормалар ўртасидаги нисбат тенглик, инсон ҳуқуқлари, хуқуқий давлат ғояларини эълон қилиб чиқсан буржуа-демократик инқилоблари даврига келиб ўзгарили. Шу ўринда хуқуқнинг давлатдан устуворлиги принципи – эрк ва озодлик учун курашларда шаклланган энг муҳим умуминсоний қадрият эканлигини таъкидлаши керак. Эндиликда сиёсий ҳокимиятга хос бўлган хуқуқдан ташқари чоралар билан мустаҳкамланишга интилишларни тийиб туриш, жиловлами орқали хуқуқий нормалар етакчилик қилмоқда.

**Хуқуқнинг сиёсатдан устуворлиги одатий ҳол бўлиб, юксак маданиятли барча давлатлар учун хос хусусият бўймоги даркор.**

Мазкур принцип сиёсий ҳокимият учун кураш олиб борувчи сиёсий партиялар ролининг ортиб бориши билан алоҳида аҳамият касб этади. Хуқуқ урушлар ва инқилобларни, мавжуд хуқуқий тизимни барбод қилиш йўли билан ҳокимиятни босиб олишга интилувчи экстремистларни тийиб туришга даъват этилган. Биргина Россия тажрибаси зўравонлик тўнтаришлари нималарга олиб келиши мумкинлигини яққол исботлаб турибди. Пролетариат, яъни йўқсиллар синфи диктатураси ғоясининг ўзи хуқуқий давлат принципига тамомимла зид эди. У хуқуқ ва қонунийлик билан мутлақ келиша олмаслигини кўрсатди. Йўқсиллар дохийси Владимир Ленин диктатура ҳақида гапиранкан, унинг (ҳокимият сифатида) қонун билан ҳеч қандай боғлиқ эмаслиги ва чекланмаганлиги хақида очиқдан-очиқ таъкидлаганди.

Большевистик тўнтарувни тайёрлаш ва амалга ошириш хукуқ ва қонунийликни барбод қилишга даъватлар билан кўшиб олиб борилганди. Айниқса, йўқсиллар дохийси кураш кескин тус олган бир пайтда қонун пойдорлиги олдида тўхтаб қоладиган инқилобчи ёмон инқилобчи эканлигини бот-бот такрорларди.

Сиёсий нормаларнинг хуқуқий нормалардан устуворлиги зўравонликни келтириб чиқаради ва тоталитар тузум учун замин яратади. Маълумки, бундай режим сиёсат ҳуқуқий асосга эга бўлмаган, хуқуқ сиёсий ҳокимиятни чеклай олмайдиган, инсон ҳуқуқлари уларни амалга оширишда назорат воситаси сифатида майдонга чиқа олмайдиган жойда муқаррар равишда пайдо бўлади.

Шунинг учун ҳам ҳуқуқ ва сиёсатнинг ўзаро нисбати – ушбу ижтимоий тартибга солиш омилларида умумийлик билан алоҳидаликнинг назарий таҳлили эмас, балки сиёсий режим табиати тўғрисидаги масаладир. Унинг можияти эса жамиятда ҳуқуқий асослар, принциплар ва нормалар ҳукмронлиги тан олиниши ёки олинмаслигига қараб белгиланади.

Собиқ шўро жамиятида сиёсатнинг устуворлиги ўзгармас конун даражасига кўтарилиганди. Конунлар олдидан партия директивалари қабул қилинарди. Тартибга солишининг мисли кўрилмаган шакли - давлат ва партия органларнинг қўшма ҳужжатларини қабул қилиш амалиёти кенг тарқалганди. Олдинданоқ бажариб бўлмаслиги аён бўлган дастурларни илгари сурган собиқ КПСС сиёсати қонунни заифликка маҳкум этиб, объектив ҳуқуқий нормаларни инкор этиш орқали уни самарадорликдан маҳрум этганди. Социалистик жамиятининг сиёсий-ҳуқуқий ахволи инсоннинг мулқдан узоқлаштирилиши ҳалоатли эканлигини бутун борлифи билан намоён этди. Шунинг учун ҳам «социализм шароитида «давлат»да социалистик мулкчиликка бўлган ҳуқуқнинг мавжуд эмаслиги туфайли «давлат – мулкдор» социалистик конструкцияси ўзида ҳуқуққа зид уйдирмани ифодалайди. Аслида эса социалистик «давлат» ижтимоий бойликка (сожга мулкка) сохта ҳуқуқнинг сохта субъектидир»<sup>1</sup>. Ҳолбуки, сиёсий ҳокимият инсонни мулқдан маҳрум этаркан, кўпинча уни бошка ҳуқуқларидан ҳам – сўз эркинлиги, бир жойдан иккинчи жойга кўчиб ўтиш эркинлиги, шахс, турар-жой даклесизлиги, кўп холларда эса ҳатто яшаш ҳуқуқидан ҳам маҳрум этарди. Аҳвол шу даражага бориб етган эдики, ҳатто кимнинг қачон, каерда туғилиши, яшashi, ишлаши, кўйингки, ўлиши ҳам зўравон тузум томонидан белгилаб қўйилган бўларди. Демак, давлат зўравонлиги – ҳуқуқнинг сиёсий ҳокимиятдан устунлигини инкор этишининг тўғридан-тўғри шатижасидир.

Айнан шунинг учун ҳам ҳуқуқнинг сиёсатдан, сиёсий ҳокимиятдан устунлиги – замонавий маданиятнинг ўзгармас принципидир. «Ҳукмдорлар устида турадиган ва бошқариладиган ҳамда улар учун мажбурий бўлган ҳуқуқ нормаларининг мавжудлиги, – деб ёзганди Л.Дюги, – исбот талаб килмайдиган зарур қоидадир. Бутун геометрия Евклидинг исбот талаб килмайдиган қоидаларига таянганидек, айнан ҳо-

<sup>1</sup> Нерсесянц В.С. Ҳуқук фалсафаси, 124-бет.

зирги халқларнинг бутун ҳаёти ҳам ҳуқук нормасининг шундай қоидаларига асосланади. Ҳуқук, Иеринг таълим берганидек, куч-қудратига асосланган сиёсат эмас, у давлатнинг ҳам иши эмас, у давлатдан олдин пайдо бўлган ва ундан баланд туради: у давлат куч-қудратининг чегарасидир, давлат ҳам ҳуқуқка хизмат қилиш учун берилган куч-қудратдан бошқа нарса эмас»<sup>1</sup>.

Тарихий тажриба шуни кўрсатадики, ҳуқуқий нормалар фақат расман тенгликнинг умумий принципига асосланган демократик тузумлар шароитидагина устунликка эга бўлади. Ушбу принцип буржуа инқилоблари даврида олга сурилган бўлиб, унинг татбиқ этилиши капитализмгача бўлган жамиятлар ҳуқуқига хос эркинликнинг тарихан чекланган мезонини кенгайтирди. Лекин шунга қарамай, расман тенглик ҳуқуқ ривожининг барча босқичларида ҳам унга хос хусусият бўлиб қолавермайди; у цивилизациянинг энг юкори босқичи ҳуқуқигагина хосдир. Бунда мулкчилик муносабатлари ўзгариши билан боғлиқ ҳолда тенглик талаби ялпи умумий, универсал хусусиятга эга бўлади.

Айнан расман тенглик ҳуқуқий принципи сиёсий ҳокимиятнинг ҳуқуқ билан боғлиқлигини таъминлашга ёрдам беради. Ҳуқуқий нормалар тенг ўлчов бирлиги, ижтимоий муносабатлар барча иштирокчилар эркинликларининг ўлчов мезони сифатида майдонга чиқади. Сиёсий нормалар ҳар доим ҳам расман тенгликни таъминлайвермайди. Чунки ижтимоий ҳаётда кўпинча у ёки бу ижтимоий гурух ва ҳаракатнинг бир-бирига қаршилигини ифода этадиган турли сиёсий нуқтаи назарлар ва нормалар ўзаро тўқнашади. Дарвоже, сиёсий нормалар ва принципларнинг ўзаро рақобати – демократик жамиятда сиёсий жараёнларнинг оддий, табиий ҳолатидир. Факат тоталитаризмгина ўзгармас, танқид қилиб бўлмайдиган принциплар ва нормалар тизимини олга суриб, сиёсий ҳаётни бир ўлчовга солиб қўяди. Демократия шароитларида сиёсий нормалар хилма-хиллиги фақат ҳуқуқ томонидангина чекланиши мумкин.

Дарҳақиқат, «бир партияли сиёсий тузум доимо ва сўзсиз аксилидемократик кўринишда бўлиши тарихдан аён...

Демократик тузум конституциявий қонунийлик принципига риоя қилиш, барча фуқаролар учун ўзларининг ҳамма

<sup>1</sup> Дююз Л. Социальное право, индивидуальное право и преобразование государства. М., 1909, V бет.

хукуқ ва эркинликларидан тўлалигича фойдаланиш имконияти мавжудлиги, кўп partiya вийлилк, эркин матбуот, қонунийлаштирилган камситишиларнинг йўқлиги, мустақил суд ва бошқалардан фойдаланишининг аниқ имкониятлари мавжудлиги билан ажратиб туради»<sup>1</sup>.

Умуман олганда, хукуқ ёрдамида турли ижтимоий кучларнинг бир-бирига қарама-қарши манфаатлари ва интилишлари тартибга тушиди ва уйгун ҳолга келади. Хукуқий нормаларга таянилмаган ҳолларда сиёсий зиддиятлар бошқариб бўлмайдиган шаклларга, ҳокимиятнинг ноқонуний босиб олинишига олиб келиши ҳамда жамиятта беҳисоб фалокатлар етказиши мумкин.

Яна бир ҳолатга эътиборингизни жалб этмоқчимиз. Ўтиш даврларида оммавий психологида хукуқий нигилизм кайфиятлари ҳар қандай йўл билан ўз сиёсий даъволари ва гаразли мақсадларини амалга оширишга интилишлар юзага келади. Бундай шароитларда хукуқий нормалар жамиятда тенгликни таъминлашга, эҳтимол тутилган алғов-далғовларнинг олдини олишга даъват этилган бўлади.

Шундай қилиб, хукуқий нормалардан фарқли ўларок, сиёсий нормаларда ҳамиша ўялар ва дастурлар рақобати мавжуд бўлади. Сиёсий нормалар орасида юксак даражадаги нуфузга эга бўлган, турли ижтимоий гурӯҳлар манфаатлари ва мақсадлари ўртасидаги зиддиятларни тийиб тура оладиган норманинг, кучнинг ўзи йўқ. Бундай куч алоҳида мавжуд ва у факат хукуққагина дахлдордир.

## ХУКУҚ ВА ИҚТИСОДИЁТ

Ушбу мавзу бўйича сўзимизни яқин ўтмишда, яъни шўро даврида амал килган иқтисодиёт билан хукуқ ўртасидаги нисбатнинг умумий мундарижасини эслашдан бошлашни маъқул топдик. У шўро олий ўқув юртининг ҳар бир талабасига маълум бўлиб, қуйидагича мазмунга эга эди: хукуқ – сиёсатнинг, сиёсат эса – иқтисодиётнинг жамулжам, яхлит ифодаси ҳисобланарди. Ушбу мазмун-мундарижанинг ғализ, хатолиги кундай равшан. Биринчидан, хукуқда факат сиёсат эмас, кўпинча бошқа жиҳатлар ҳам ўз ифодасини топади. Иккинчидан, давлат сиёсати, бизга маълум аянчли даврларда

<sup>1</sup> Тожижонов У., Одилхониев Х., Сайдов А. Ўзбекистон Республикасининг Конституциявий хукуки. 38-бет.

бўлганидек ва ҳамма томондан мъқулланган бир сиёсий партиянинг сиёсатидан иборат бўлиб қолиши мумкин эмас. Учинчидан, ўша даврда сиёсат ҳалқ талабини эмас, балки ҳукмрон доиралар манфаатларини, иқтисодиёт талабини ифода этарди<sup>1</sup>.

Шунинг учун ҳам қонун ижодкорлитининг ўша даврда амал қилган мағкураси ва амалиётида, албатта, норматив ҳужжатларда ҳалқнинг иродаси ўрнига иқтисодий ислоҳотларни олиб боришнинг маъмурий-буйруқбозлиқ усуллари мустаҳкамланарди. Лекин ислоҳотлар партия-давлат директиваларида эълон қилиниб, мустаҳкамланарди-ю, бироқ жуда камдан-кам ҳолларда рӯёбга чиқарди. Бу, айниқса, сўнгги беш йилликларга хос эди. Маълумки, режага қонун сифатида караларди. Гарчи бундай «қонун» ёрдамида ҳеч кимга кераги йўқ нарсалар ишлаб чиқарилса-да, шунга қарамай, иқтисодиётни режали бошқарип тизими минглаб иш бошқарувчиларга қойилмақом яшап имконини берарди. Улар учун иш манфаатидан кўра ўз шахсий манфаатлари устун эди. Шўро ҳўжалик тизими ҳўжалик субъектлари томонидан қонун ҳужжатларини тўғридан-тўғри, маъмурий бўғинлар восита-чилигисиз бажаришини истисно этарди. Аникроғи, индивидуал ҳусусиятга эга тезкор ҳужжатлар ёрдамидаги ўша бошқарув тўғридан-тўғри бошқарувни сикиб чикаради. Бу ҳолат уруг-аймоқчилик ва маҳаллийчилик, шунингдек, коррупция каби салбий, ҳалокатли ҳодисаларнинг вужудга келишига сабаб бўлганди. Ўзбекистон Президенти таъкидлаганидек: «СССРда уруг-аймоқчилик ва маҳаллийчилик бошқача сифат касб этди. Марказдан туриб режалаштиришга асосланган иқтисодиётнинг кескинлиги, баъзан эса шафқатсизлиги, мулкнинг ижтимоий ҳусусияти уларнинг кент ёйилини учун қулай замин яратди. Моддий ва бошқа бойликларни тақсимловчи ролини, аслини олганда, турли даража ва мақомдаги бошқарув ҳодимлари бажаарар здилар. Маҳаллий маъмурлар ва тармоқлар, корхоналар, савдо соҳасининг раҳбарлари айнан ана шу бошқарув ҳодимларининг илтифотига сазовор бўлишга ҳаракат қиласар здилар»<sup>2</sup>.

<sup>1</sup> Бу ҳакла баттағи силроқ қаранг: Мальцев Г.В. Понимания права. Подход и проблемы. М., 1999, 340-збб-бетлар.

<sup>2</sup> Каримов И.А. Ўзбекистон XXI аср бўсагасида: қавфчиликка таҳдид, барқарорлик шартлари ва таракқиёт кафозатлари, 102-бет.

Иқтисодиётни тартибга солишининг поёнсизлиги, кўидан-кўплиги ва зиддиятлилиги – шўро воқелигига хос хусусиятлар эди.

Бироқ айни пайтда иқтисодий муаммоларни ҳал этишда ягона илмий ёндашув сифатида марксча-ленинчча қарашларнинг афзалиги ҳамиша таъкидлаб келинарди. Аслида илм-фанга эмас, балки мазкур «иқтисодий» назарияларни исботларсиз қабул қиласвериш кераклиги ҳақидаги кўр-кўронга ишончта асосланиб иш кўриларди. Ўз даврида Н.А.Бердяев томонидан берилган аник таърифга кўра, марксизмнинг жони «иқтисодий детерминизмда эмас, балки инсон иқтисодиётта қарам бўлмайдиган келажакдаги мукаммал жамият ҳақидаги таълимотдадир... Марксизм фақат фан ва сиёsatнинг ўзи эмас, балки у эътиқод ва дин ҳамdir».

Фарбга хос ҳаёт тарзи хуқуқ ва иқтисодиёт ўзаро нисбатларининг бутунлай бошқа моделига асосланиб келган ва асосланади ҳам. Буржуазия ҳокимият тепасига табиий хуқуқ ғоялари байроби остида келганлитини эслайлик. Шунинг учун давлат ҳатто иқтисодиётта таъсир ўтказган тақдирда ҳам, бундай таъсирни табиий хуқуққа мос келадиган қонунлар ёрдамида амалга оширади. Маълумки, унинг асосида хусусий мулкнинг муқаддаслиги ва дахлсизлиги ғоялари, ўзлаштиришнинг хусусий тавсифи ифода этилади. Шу туфайли ҳам давлатга хўжалик юритувчи субъект сифатида қаралмаган. Унга тегишли муносабатларни муҳофаза этишга даъват қилинган куч-кудрат сифатида қаралган. Кўн ҳолларда давлат «тунги қоровул», можароли вазиятларда мустақил ҳакам сифатида таассурот қолдириб келган.

Буржуазия ҳокимият сари бораркан, унинг бош талаби иқтисодиётга аралашишдан воз кечилишига эришишдан иборат бўлган. Мулкчилик эркинлиги ва меҳнат эркинлиги – иқтисодий ҳаёт Фарбга хос моделининг асосий таркиби шулардан иборат эди. Буржуа иқтисодий фанининг отаси Адам Смитнинг нуқтаи назарига кўра, адолат қонунини, яъни табиий қонунларни бузмайдиган ҳар қандай одамга ўз манфатларининг кетидан қувиш, ўз меҳнати ва маблағи, ҳар қандай бошқа кишининг меҳнати ва маблағи орқали рақобатлашишда мутлақ эркинлик берилади. Дарвоqe, ўша давр кўпчилик Фарб хуқуқшуносларининг ҳам нуқтаи назарлари худди шундай эди.

Шунга қарамай, энг йирик монополиялар таркиб тона бошлаган пайтларда буржуазия давлати ўз иқтисодий фаолиятини авж олдиради. Лекин бу фаоллик, бир вақтлар бизга уқтириб келганилари дик, монополиялар манфаатларига мутлақо хизмат қилмайди. Аслида монополияга қарши қонунчилик, буржуазия хукуматларининг кўпчилик ижтимоий дастурлари бутунлай бунинг акси бўлганлигидан далолат беради. Қолаверса, режалаштиришга уринишлар, давлат инвестициялари, хукуматнинг назорат чора-тадбирлари ҳам хусусий тадбиркорликка ҳеч қандай тўғаноқ бўлмаганлигини кўрсатади.

Бу ўринда шундай савол туғилиши табиий: агар Фарбга хос модель иқтисодий муносабатларнинг давлат томонидан фаол тартибга солиниши билан чиқиша олмас экан, унда хукуқпинг ўрни қандай бўлади, бундай ҳолатда қонуннинг ва юридик таъсир кўрсатишнинг бошқа воситалари роли қанчалик мухим аҳамият касб этади?

Очиқ айтиш мумкинки, уларнинг роли жуда катта бўлади. Буида гап факат суд ва ҳакамлар суди қарорлари хақидагина кетмайди. Зоро, ҳар қандай хукукий тизимда иқтисодий ҳаёт шу қарорлар оркали амалда бошқарилади. Буржуазия иқтисодий эркинлик моделида қонунчилик ҳужжатларининг роли бошқа нарсада ифодаланади. Яъни, бу қонунчилик ҳужжатлари ички зиддиятларни, тизим низоларини ҳал қилолмаган тақдирда ҳам, ҳеч бўлмаганда, уларни юмшатишга даъват этилган бўлади. Лекин бу зиддиятлар бизнинг қулоқларимизга ўрнашиб қолган синфий зиддиятлар ва низолардан тубдан фарқ қиласди.

Мулкка эгалик хукуки ва фирмаларни бошқариш фуқароларнинг даромадларида, бойликлари, макомлари, малакалари, ахборотга эга бўлиш, сиёсий раҳбарларга яқинлашиш ва умуман, давлатни бошқаришда тенг иштирок этишлари тенгсизликни келтириб чиқариши табиий ҳол эди. Бу масалага ўз даврида Фарб сиёsatдонлари эътибор қаратганди. Ваҳодланки, хўжалик корхоналарини ички бошқаришда ҳам хукукий, ҳам амалий тенгсизликнинг бўлиши ўз-ўзидан аён.

Бирок Фарбда иқтисодий эркинлик ҳам худди сиёсий эркинлик каби қонуний хисобланади. У хусусий мулкка эгалик хукукини, шунингдек, мулқдорларнинг ўз фирмаларини бошқариш хукукини ёки улар устидан назоратни менежерга топшириш хукукини ўз ичига олади. Шунинг учун ҳам демо-

кратик Farb жамиятида демократик қонунлар нодемократиэмни, яъни иқтисодий соҳадаги тенгсизликни ёритишга мажбурдир.

Ууман, шуни қайд этиш жоизки, бошқарувнинг демократик шакли қандайдир маҳсус иқтисодий таълимотни ўз ичига олмайди. Демократик ҳукуматлар таркибига ашаддий социалистлар ҳам, эркин бозор тарафдорлари ҳам киришган ва кирадилар. Шунинг учун ҳам ҳар қандай замонавий демократик жамиятда аксарият баҳс-мунозаралар ҳукуматнинг айнан иқтисодиётдаги ролига бағишланиши бежиз эмас. Шунга қарамай, демократия тарафдорлари одатда иқтисодий эркинликни ҳар қандай демократик жамиятнинг муҳим жиҳати деб ҳисоблайдилар.

Шу ўринда яна бир муҳим масалага эътиборни қаратиш мақсадга мувоғиқ. Ҳеч бир демократик давлатда ё фақат ва фақат давлат мулкидан иборат бўлган, ёки ҳукумат тартибга солишидан мутлақо холи иқтисодий тизимнинг ўзи йўқ. Уларнинг барчаси – хусусий тадбиркорлик билан ҳукумат назорати қоришимасидан иборатdir. Ҳаммаси нархлар ҳукумат томонидан эмас, балки мустақил ва ўзаро бир-бирига таъсир этувчи минглаб истеъмолчилар ҳамда ишлаб чиқарувчиларнинг кундалик қарорлари билан белгиланувчи эркин бозорнинг фаолиятига сезиларли даражада боғлиқ бўлади.

Сўнгги йилларда дунёning кўп қисмida марказлашган режалаштиришга асосланган иқтисодий тизимларнинг ҳало-катга учраши эркин бозорнинг фоят муҳим ролига яна эътиборни тортди. Бунда худди сиёsatдагидек иқтисодиётда ҳам бир жиҳат – **эркинлик** мукаррар бўлиб қолмоқда. АҚШнинг Бирлашган Миллатлар Ташкилотидаги инсон ҳуқуқлари бўйича Кўмитаси элчиси бўлган Моррис Эбрэм таъкидлаганидек, «эркинликнинг бир ўзи иқтисодий муваффақиятни кафолатлай олмайди. Бироқ катагонлар иқтисодий мағлубиятни кафолатласа, эҳтимолдан холи эмас». Авторитар режимлар, ҳатто жиддий иқтисодий силжишларга эришган камдан-кам учрайдиган ҳолларда ҳам, сиёсий соҳадан тортиб олинган эркинликларни ўз фуқароларига иқтисодий соҳада бериб қўйганиклари туфайли кўлга киритган. Боз устига, бу муваффақият режимнинг узоқ вақт мустаҳкамлапиб қолишига ёрдам берган эмас. Аксинча, Чили ва Тайванда бўлганидек, бу ҳол ҳалқ иқтисодиётдаги эркинлигига мутаносиб равишда сиёсий эркинликини ҳам талаб қилиб чиқишига олиб келди.

Демократик жамиятлар иқтисодий муаммоларни ўтмишда қандай эхтирос билан мұхокама қилиб келган бўлса, бундан кейин ҳам худди шундай руҳда давом эттиришини тахмин қилиш мумкин. Бироқ бундай мунозаралар тобора кўпроқ обрўсини тўкиб берадиган давлат томонидан бошқариладиган иқтисодиёт мұқобили атрофида эмас, балки тобора қарамлик кучайиб бораётган дунёда яшаётган барча одамларни зеркен бозор афзаликларидан баҳраманд этиш атрофида боради.

Шу ўринда иқтисодчи ва сиёсатшунос Ф.А.Хайекнинг 1974 йили Нобель мүкофотига сазовор бўлган «Куллик сари йўл»<sup>1</sup> асарида ҳар томонлама ва далиллар билан таърифлаб берилган иқтисодий эркинликнинг Farbga хос моделини кўриб чиқамиз. Куйида Хайек назариясининг энг аҳамиятли қоидаларини келтириб ўтамиш.

1. Жамоа ақл-идроқи ҳали ўз-ўзидан тартибга солинувчи жараёнларни онгли равишда амалга оширадиган раҳбарлик билан алмаштириш даражасидаги поғонага кўтарилганича йўқ. Миллионлаб алоҳида шахсларнинг якка ҳолдаги интилишлари инсон фаолиятининг шундай таркибини яратадики, унда бу фаолият имкониятлари онгли равишда ўйлаб топилган лойиҳалардан устун бўлади.

2. Качонлардир умумевропа цивилизациясининг турли қисмларида икки авлод хотирасида ўтказилган рақобат ки-луви чиқирибаларнинг қарама-қарши натижалари **хусусий мулк институтига асосланувчи шахс эркинлиги олий қадрият ҳисобланган тизимнинг устуялигини намойиш этди.**

3. Ўтмишда иқтисодий ишлардаги эркинликсиз ҳеч қачон шахсий ва сиёсий эркинлик бўлмаган; иқтисодий эркинлик фойдасига далилларнинг изчил тизимини ишлаб чиқиш сиёсий эркинликнинг олдиндан мўлжалланмаган ва кўзда тутилмаган қўшимча маҳсулоти сифатида иқтисодий фаолият эркин ривожининг натижаси ҳисобланган.

4. Либерализмнинг бош принципи жамиятнинг табиий кучларидан имкон қадар мажбурловсиз фойдаланишдан иборатдир.

5. «Режали иқтисодиёт» тизими тарафдорлари учун одамлар ўз шахсий режалари асосида ҳар қандай фаолият билан шугуллана оладиган оқилона ва барқарор ҳукуқий тузилмани

<sup>1</sup> Карайс: Хайек Ф.А. Дорога к работе // Вопросы философии. 1990, 10-11-соклар.

тузилмани ишлаб чиқишнинг ўзи кифоя қилмайди. Улар ягона режа асосида бутун иқтисодий фаолиятта марказалашган раҳбар-ликни амалга оширишни талаб киладилар.

6. Конун турли тармоқларга тенг асосларда ҳеч қандай тўсиқсиз кириб бориш эркинлигини чеклашга ҳар қандай уринишларни таъқиб этиши керак. Шу билан бирга, давлат шунчаки фаолиятсиз қолиб кетадиган ижтимоий тузумнинг оқилона моделини ўйлаб топишнинг ўзи мумкин эмас.

Таъсирчан рақобатли тизим бошқалардан кам бўлмаган ҳолда оқилона ташкил этилган ва доимий тузатиш киритиб бориладиган юридик доирага муҳтождир. Режалаштириш ва рақобатни факат бир шарт билангина қўшиб олиб бориш мумкин: бунда режалаштириш рақобатга қарши бормай, унга ёрдам бериши керак бўлади.

7. Давлат хилма-хил вазиятларда қўлланиладиган умумий қоидаларни белгилаш билан чекланиши ҳамда маҳаллий вазият билан боғлиқ ҳамма ҳолларда индивидуумга эркинлик бериши даркор.

Ўйлаймизки, юқорида келтирилган қоидалар алоҳида шарҳу-изоҳларни талаб қилмайди. Фақат бошқа омиллар қатори улар ҳам республикамизнинг янги бозор муносабатларига ўтишида хисобга олиниши муҳим аҳамиятга эга. Маълумки, мамлакатимиз мустақилликнинг дастлабки кунларидан бирдан-бир йўлни – бозор иқтисодиёти сари ҳаракат қилиш йўлини қатъий танлади. Бундай йўлни танлаш зарурияти ҳеч кимда шубҳа туғдирмаслиги аниқ, албатта. Ҳудди шунингдек, бизнинг мамлакатимиз ҳуқукий давлатни шакллантириш йўлидан бораётгани ҳам айни ҳақиқатдир. Шу муносабат билан ўз-ўзимизга савол бериб кўрайлик: «Бозор сари қилаётган ҳаракатимиз билан бизнинг ҳуқуқка, ҳуқукий давлатга бўлган инициалистларимиз муштаракми?»

Бундай саволлар фақат одатий онгимиз даражасида туғилиб қолмай, баъзи олимларимиз қарашларида ҳам бозор билан ҳуқукни, тижорат билан адолатни қай йўсинда мужассамлаштириш мумкинлиги борасида шубҳа-гумонлар пайдо бўлаётганлигини алоҳида таъкидлаш лозим. Аслида, бозор деганда, қандайдир даҳшатли маҳлукни, ким кучли бўлса, ўша енгиг чиқадиган майшатхонани, порахўрлик, ёлғон, алдов, товламачилик ва ҳоказолар ҳукм сурадиган ёвузлик ис-канжасини тасаввур этганимиз учун ҳам қалбимиизда ана шундай иштибоҳ уйғонади. Шу муносабат билан Америка

ёзувчиси Марк Твеннинг, қандай уддаласанг – шунақасига уддала, агар бошқачасига иложини қилолмасанг, ҳатто тўғри йўл билан бўлса-да, пул ишла, деган сўзларини эслайлик.

Бозор шароитидаги ҳуқукқа нигилистик муносабат мутлақо бошқариб бўлмайдиган табиий ҳодиса сифатида бозор тўғрисидаги хато тасаввур билан боғлиқ. Албатта, бозорни бундай тасаввур этиш нотўғри. Бозор стихияси, бозор курашлари, бозор алғон-далғовлари мұқаррар равишда қонунлар билан тийиб турилиши, ҳуқуқий қонун доирасига келтирилиши лозим.

Тараққий топган жамиятда ҳуқук ва тижорат бир-бирига зид эмаслигидан ташқари, боз устига, ягона демократик жараённинг икки таркибий қисмидир. Бироқ эркин тадбиркорлик, товарлар ва хизматларни эркин айирбошлиш, ўз илмий салоҳиятини ва ишчи кучини эркин савдога қўйиш тартибга солишини, тартибга солгандা ҳам ғоят эҳтиёткорона, босик, мўътадил тартибга солишини талаб қиласди.

Шундай қилиб, маъмурий йўл билан бу ўринда тартибга солинадиган бозор эмас, балки маълум чегарагача муайян доирада ва ғоят синчковлик билан танланган шаклларда тартибга солинадиган бозор назарда тутилмоқда. Шу босор муносабатлари йўлини танлаган қонун чиқарувчи учун энг муҳим муаммо – ҳуқуқий тартибга солишининг чегаралари ва йўсингларини аниқлаб олишдан иборатдир.

Ижтимоий ҳаётнинг турли соҳаларида ҳуқуқий тартибга солиш имкониятлари бир хил эмаслиги яхши маълум. Статик функция ва мухофаза функцияси конуннинг бозор ҳужалигига тааллукли асосий функциялари хисобланади. Улар асосида ҳуқуқий шакл ва усувлардан фойдаланишнинг қўйидаги йўналишларини кўрсатиб ўтиш мумкин.

**A. Ижтимоий ривожлавиши мақсадларини белгилаш.** Лекин бунда барча мақсадларни қонун йўли билан бирма-бир ёзиб чиқмай, «нимайки ман этилмаган бўлса, шунга рухсат берилади», деган коида асосида фуқаролар ва уларнинг бирлашмаларига ўз билганинчича иш кўриш имконияти берилиши керак бўлади. Ўз табиати ёки кўзланган мақсадлар сари олиб борувчи воситалари инсонпарварликка қарши, шафқатсиз, табиийликка зид бўлган мақсадларгагина тақиқлар белгиланади.

**Б. Бозор сари ҳаракатланиши ва бозор динамикасининг иктисолидий асосларини мустахкамлаш.** Бугунги кунда мам-

лакатимизда хусусий мулк билан бирга, мулкчиликнинг барча шакллари тенг ҳуқуқлилиги тан олинган. Бу жиҳатдан Ўзбекистон Республикаси Конституцияси 53-моддасининг 2-қисми фикримизнинг ёрқин далили бўла олади.

**В. Бозор муносабатлари субъектлари доирасини аниқлаш.** Бу ўринда гап қатъий белгилаб қўйилган муайян шахслар доирасини, муайян ташкилотлар ва корхоналарни қонун ҳи-моясидан чиқарини зарурати хақида бормоқда. Шу муносабат билан давлат маҳкамаси хизматчилари, депутатларнинг тижорат ва тадбиркорлик фаолиятидаги иштироклари алоҳида баҳс-мунозарага сабаб бўла олади.

**Г. Хўжалик юритиш ва тижоратда қораланган восита-ларни қонун билан тақиқлаш ҳамда адлиядан сиқиб чиқариш.** Булар монополияга қарши қонунларни кенг қўллаш, рекламани, товар белгисини сунистеъмол қилишга қарши кураш олиб бориши кабилардан иборат бўлади, ана шундай қилинган тақдиргина ростмана бозор таркиб топади. Бунда айниқса Ўзбекистон Республикасининг «Товар бозорларида монополистик фаолиятни чеклаш ва рақобат тўғрисида»ги қонуни маҳсулот бозорларида монополистик фаолият ва ноҳалол рақобатнинг олдини олиш, чеклаш ва тўхта-тишнинг ҳуқуқий асосларини ташкил этиб, товар бозорлари-нинг ташкил этилиши ва фаолият кўрсатишига шароит яра-тишга қаратилганлиги билан муҳим аҳамият касб этади.

**Д. Бозор ишлари ва ҳуқуқ бўйича низоларни ҳал этиш тартибини ҳал этиш.** Ҳаётда дуч келинадиган барча ҳолатлар учун адолатли ҳукмларни қонунда аввалдан кўзда тутиш ҳали ҳеч қачон ва ҳеч кимга насиб этган эмас. Шунга қарамай, ижтимоий муносабатларнинг иштирокчилари бор ҳақиқатни аниқлашни исташса, бунга улар низоларни қатъий процессуал тартибда кўриб чиқиши орқали эришишлари мумкин. Бунда ҳар бир иштирокчига танлаш эркинлиги берилади. Масалан, битим тузища ёзма шартнома тузилмаслиги мумкин. Лекин бунда кейинчалик судда ёки ҳакамлар судида бирон нарсани исботлаш жуда қийин бўлишини ёдда тутиш ке-рак.

**Е. Юридик жавобгарликни белгилаш.** Бозор ҳақконияти моддий жавобгарликни талаб қиласиди. Шу ўринда юқоридан бериладиган кўрсатма асосида эмас, балки жабрланувчи иро-даси билан бундай жавобгарлик талаб қилинишини яна бир бор таъкидлаб ўтишини мақсаддага мувофиқ деб ҳисоблаймиз.

Айтайлик, бебурдлиги учун шеригингизнинг адабини бериб қўйишни истайсизми – марҳамат, келажакдаги ишларингизни ўйлаб, у билан муносабатни тарапглаштиришни ҳохламайсизми – ихтиёр ўзингизда.

Шундай қилиб, хулоса сифатида шуни айтиш жоизки, фақат мустаҳкам ҳуқуқий тизим мавжуд бўлгандағина эскирган, ёшини яшаб бўлган тизимни тубдан қайта тузиш, ривожланган бозор иқтисодиётiga эга бўлган янги жамиятни бунёд этишига тўла ишонч билан киришини мумкин.

Мамлакатимиз Президенти ҳақли равишда таъкидлага-нидек, «...иқтисодиёт ҳам мустаҳкам қонунчилик ва норматив базага асосланиши, унинг негизида ислоҳ қилинини лозим. Ислоҳ қилиши жараёнлари мустаҳкам ҳуқуқий негизга асослангандағина улар барқарор ва сабитқадам бўлади.

Иқтисодиётни ислоҳ қилипда ҳақсизликка, ўзбопимчалик ва субъективизмга асло йўл қўйиб бўлмайди. Қонунчилик ва ҳуқуқ-тартибот оёқ ости қилинса, бошқарувнинг маъмурий-буйруқбозлик усууллари айниқса, улар мафкуравий ақидаларга бўйсундирилган тақдирда, қандай оқибатларга олиб келиши яхши маълум»<sup>1</sup>.

## ҲУҚУҚНИНГ ИЖТИМОЙ ҚИММАТИ

Олдинги бўлимларда ҳуқуқ ва иқтисодиёт, ҳуқуқ ва сиёсатнинг ўзаро муносабатлари ҳақидаги масалани кўриб чиқиб, жамият ижтимоий-иктисодий тараққиётида ҳуқуқнинг аҳамияти нечогли катта эканлигига ишонч ҳосил қилдик. Бинобарин, ҳуқуқнинг қиммати тушунчаси алоҳида ҳар бир шахс учун ҳам, умуман жамият учун ҳам унинг ижобий ролини очиб берипши лозим.

Шундан келиб чиқсан холда, айтиш мумкинки, **ҳуқуқнинг қиммати – бу ҳуқуқнинг фуқаролар, умумал бутун жамиятнинг ижтимоий адолатли илгор эҳтиёжлари ва манфаатларини кондиришда мақсад ва восита бўлиб хизмат қила олиш кобилиятидадир.**

Ҳуқуқнинг қуидаги ижтимоий қиммати кўринишларини қайд этиш мумкин:

<sup>1</sup> Каримов И.А. Узбекистон XXI аср бўсағасида: ҳанфиялийка таҳдид, баркарорлик шартлари ва тараққиёт кафолатлари, 200-201-бетлар.

1.Хуқуқ, энг аввало, воситавий қимматга эга. У одамлар ҳаракатларига ташкилий ўушқоқлик, барқарорлик, уйгунилк бахш этади, бу ҳаракатларнинг назоратда бўлишини таъминлайди. Хуқуқ ижтимоий муносабатларда тартиблиликни таъмин этади, уларни янада маданийлаштиради. Бундан ташқари, моддий неъматларни ишлаб чиқаришни, кўпроқ ёки камроқ даражада адолатли тақсимлашни давлатнинг ўзи хукуқсиз амалга ошириш қобилиятига эга эмас. Хуқуқ мавжуд тузум табиатига мос келадиган мулкчилик шаклларини мустаҳкамлайди ва ривож топтиради. У давлат бошқарувининг курдатли воситаси сифатида майдонга чиқади.

2. Хуқуқнинг қиммати яна шундаки, ижтимоий муносабатлар барча иштирокчиларининг умумий иродасини мужассамлаштирган ҳолда у ҳам алоҳида шахс, ҳам умуман бутун жамият манфаатдор бўлган муносабатларнинг ривожланишига ёрдам беради. Бу жараёндаги унинг янада юксак қиммати шундан иборатки, у одамларнинг аниқ-равшан манфаатларини уйғуллаштириш орқали уларнинг хулқ-атвори ва фаолиятига таъсир ўтказади. Айни пайтда ҳуқуқ хусусий манфаатларни текислаб юбормайди, уларни босиб ташламайди, балки уларни умумий манфаатларга мослаштиради. Албатта, ҳамиша ҳам шундай бўлиб чиқавермайди.

Айтайлик, яқин ўтмишда, яъни шўро даврида жамият манфаатларининг шахс манфаатларидан устуворлигини доимий развишда қулогимиизга қуйиб келишгани ҳаммамизнинг ёдимизда. Мустабид тузум шароитида қайси масалани олмайлик, биринчи ўринда давлат манфаати туарди, фуқаро, шахс манфаати деярли хисобга олинмасди. Бу ҳол шўро даври конституцияларнинг ҳар бир моддасида яққол кўзга ташланиб туарар эди.

Мустакил мамлакатимиз Конституциясининг ғоят мухим жиҳати шундаки, чунончи, унинг 2-моддасида: «Давлат ҳалқ иродасини ифода этиб, унинг манфаатларига хизмат қилади. Давлат органлари ва мансабдор шахслар жамият ҳамда фуқаролар олдида масъулдирлар», деб ёзib қўйилган. Бу - фуқаролар манфаатларининг устувнлиги қонуний развишда мустаҳкамланганлигининг ёркин далилидир.

Бинобарин, ҳуқуқ шу каби ўзига хос ёки хусусий манфаатларни ўз мазмун-мундарижасида қанчалик тўлиқ ифодаласа, унинг қиммати ҳам шунчалик юкори бўлади.

**3. Ҳуқуқнинг қиммати унинг жамиятдаги шахс эркинлиги кўлами билан белгиланади.** Бунда у умуман эркинликни эмас, балки бу эркинликнинг чегаралари, миқёсларини белгилаб беради. Шуни таъкидлаш жоизки, ҳуқуқ ижтимоий масъулият билан тўғридан-тўғри боғланган ижтимоий эркинлик, ижтимоий фаолиятнинг тимсоли ва соҳиби сифатида ўзини тўла-тўқис намоён этади.

Шу тариқа ҳуқуқ одамлар ҳаётига зўравонлик, ўзбошимчалик, алоҳида шахслар ва гурухларнинг назоратсизлиги таҳдид солмаслигини таъминлайди.

Шу ўринда В.С.Нерсесянцнинг қуйидаги теран илмий мушиқадасига қўшилмасликнинг иложи йўқ: «Инсоният борлиқни ва ижтимоий ҳаётда эркинликни ифодалашнинг ҳуқуқдан ташқари бошқа бирон-бир шаклини ҳозирча кашф этмаган. Бу мантиқан ҳам, амалда ҳам мумкин эмас: Одамлар ўз тенглиги даражасида эркиндирлар ва эркинлиги даражасида тенгдирлар. Ноҳуқуқий эркинлик, умумий кўлам ва ягона ўлчовсиз эркинлик, хуллас калом, тенгликсиз «эркинлик» деб аталадиган эркинлик - бу элитар имтиёзлар, мафкурасидир, эркинликсиз «тенглик» деб аталадиган тенглик эса – қуллар ва эзилган омма мафкураси (хом хаёлдан иборат «амалдаги тенглик» талаби, тенгликни текисчилик билан алмаштириш) дир. Ё (хуқуқий шаклдаги) эркинлик, ёки ўзбошимчалик (у ёки бу кўринишда) бўлиши мумкин. Учинчи йўл йўқ: ноҳуқуқий (ва ноэркин) нарса ҳамма вакт ўзбошимчаликдир»<sup>1</sup>.

Демак, ҳуқуқ ва эркинлик бир-биридан ажралмасдир. Шу боис тўла асос билан таъкидлаш мумкинки, ҳуқуқ – аниқ муносабатлардаги эркинликнинг тарихий мукаррар ва объектив шартланган шакли, шу эркинликнинг ўлчови, эркинликнинг мавжудлик шакли, расман эркинликдир.

**4. Ҳуқуқнинг қиммати унинг адолат ифодачиси бўла олиш қобилияти билан ҳам боғлиқдир.** Ҳуқуқ моддий неъматларни тўғри, яъни адолатли таксимлаш мезони сифатида майдонга чиқади. У келиб чиқиши, моддий мавқеи, ижтимоий мақоми ва ҳоказолардан катъи назар, ҳамманинг конун олдида тенглитетини қарор топтиради. Ҳуқуқнинг бу хусусияти қадим-қадим замонларданоқ одамлар эътиборини тортиб, улар ақл-заковатини банд этиб келади. Шу ўринда қадимги Юнонистонда «дике» – адолат, Рим ҳуқуқида «таби-

<sup>1</sup> Нерсесянц В.С. Ҳуқуқ фалсафаси, 56-57-бетлар.

ий идроқ» тушунчаси мухим ўрин тутганлигини эслайлик. Рим императори Юстинианинг қонунлар тўпламлари «Хукуқ зэгулик ва адолат ҳақидаги фандир» деган ажойиб таъбир билан бошланади. Феодализмнинг энг шафқатсиз «кодекс»ларидан бири «Каролина»ни император Карл V яратган бўлиб, мазкур битик унинг ижодкори томонидан «жиноий ишлар юзасидан суд жараёнини ҳукуқ ва адолатга энг кўп мувофиқ келадиган тарзда қандай олиб бориш мумкинилиги тўғрисида» ўгитлар деб аталган. Лекин ундан қарийб юз йил муқаддам буюк соҳибқирон бобомиз Амир Темур ўзининг машҳур «Тузуклар» ида шундай ёзганди: «...адолат ва инсоф билан Тангрининг яратган бандаларини ўзимдан рози қилдим. Гуноҳкорга ҳам, бегуноҳга ҳам раҳм қилиб, ҳақоният юзасидан ҳукм чиқардим. Хайр-эҳсон ишларим билан одамлар кўнглидан жой олдим. (Тўғри) сиёсат ва инсоф билан сипохийларим ва раиятни умид ва қўрқинч орасида сақладим»<sup>1</sup>.

Хозирги Испания Конституциясида «адолат ўрнатиш истаги» ҳалқнинг асосий хоҳиш-иродаси сифатида тилга олинади. Ҳиндистон Конституцияси ҳам ҳалқнинг мақсадинтилишлари орасида ижтимоий, иқтисодий ва сиёсий адолатни таъминлашни биринчи ўринга қўяди. Бундай муддаоларни ҳозирги кўпчилик давлатларнинг конституциялари ва қонунларидан ҳам топиш мумкин. Чунончи, мамлакатимиз Конституциясининг Муқаддимасида: «Ўзбекистон ҳалқи... демократия ва ижтимоий адолатга садоқатини намоён қилиб, ўзининг муҳтор вакиллари сиймосида Ўзбекистон Республикасининг мазкур Конституциясини қабул қиласди», дея тантанали суратда эълон қилинган. Албатта, бу оддий баёнот эмас. Бу – мамлакатимиз ижтимоий-иқтисодий тараққиётининг стратегияси ва тактикасидир.

Айнан шунинг учун ҳам Юртбошимизнинг қуйидаги сўзлари фойт ибратли: *«Адолат ва ҳақиқат гояси ижтимоий хаётимизнинг барча соҳаларини қамраб олмоги даркор. Адолат ва ҳақиқат гояси қонуячиллик фаолиятимизнинг замини, бош йўналиши бўлмоги шарт.* Давлатчилик ва фуқаролик муносабатлари, меҳнат ва уй-жой, нафака ва солиқ, табиатни муҳофаза қилиш ва жиноятчиликка карши ку-

<sup>1</sup> Темур тузуклари Т., Рафур Ғулом помидаги Адабиёт ва санъат натвориёти, 1991, 54-бет.

рашиш масалалари, қўйингки, ҳайтимизнинг ҳамма жабхалари ана шу заминга таяниши зарур»<sup>1</sup>.

Шундай қилиб, ҳуқуқнинг қиммати унинг инсонпарварлик тоялари билан чуқур суборилганидадир. «Инсон ҳамма нарсаларнинг ўлчови...» – ҳуқуқда бу юксак даражадаги қоидаларданdir. Ҳуқуқнинг инсонпарварлик табиати факат унинг шахсга неъматлар йўлини очиб беришидагина эмас, балки шахсни ҳимоя қилиши, ижтимоий ҳимояланганликнинг таъсирчан воситаси сифатида майдонга чиқишида ҳамdir. Ҳозирги вазиятда бу алоҳида аҳамиятга эга. Биз эндиликда мамлакатимизда ҳуқуқ аҳолининг энг ночор, ижтимоий ҳимояланмаган қатламларини муҳофаза этा�ётганинг гувоҳи бўлиб турибмиз. Кўп болали оиласларни, ёпиларни ҳимоялап, даромадларни индексациялаш ҳамда энг кам иш ҳақи, пенсиялар, стипендияларни мунтазам опириб бориш ва ҳокзодалар бўйича қабул қилинаётган кўплаб қонунчилик ҳужжатлари бунга мисол бўла олади.

5. Ҳуқуқ тараққиётнинг қудратли омили, жамиятни янгилашнинг манбаси сифатида ҳам майдонга чиқади. Унинг унугтилмас, доимий қиммати ҳам ана шунда. Яқин ўтмишда мустабид тузумнинг емирилиши, янги бозор муносабатларининг қарор тоғиши даврида ҳуқуқнинг аҳамияти янада орди. Шунинг учун ҳам республикамизда бу борада жуда кўплаб ишлар амалга оширилди ва амалга оширилмоқда. Чунончи, биэда Президентлик институтининг қарор тоғиши, шаклланиши ва мустаҳкамланиши сиёсий жиҳатдан ўта мураккаб, шу билан бирга, жўшқин даврга, яъни собиқ СССР шароитида Ўзбекистоннинг Давлат суверенитети тўғрисидаги Декларациясининг эълон қилиниши (1990 йил 20 июнь), Ўзбекистоннинг иттифоқ таркибидан ажralиб чиқиши ва ўз давлат мустақиллиги асослари тўғрисидаги Конуннинг қабул қилиниши (1991 йил 31 август), истиқлол йўлидан событилик билан бориб, дунёга юз тутиши ҳамда жаҳон давлатлари ҳамжамияти – Бирлашган Миллатлар Ташкилотига тенг ҳуқуқли аъзо бўлиб кириши (1992 йил 2 марта), ўзининг янти Конституциясини қабул қилиши (1992 йил 8 декабрь) ва ниҳоят, мамлакатда туб ижтимоий-иктисодий, сиёсий-ҳуқуқий ислоҳотлар амалга оширилиши, айниқса, миллий давлатчилигимиз шакллантирилиши даврита тўғри келди. Бу илк

<sup>1</sup> Каиримов И.А. Ўзбекистоннинг сиёсий-ижтимоий ва иқтисодий истиқబолининг асосий таъмойиллари. 13-бет.

қадамлар қанчалик қатъият, метин ирода, улкан куч-гайрат, тинимсиз меҳнат, ташкилотчилик фаолияти, шиҷоаткорона кураш ва буюк маънавий қудрат эвазига кўйилганлиги бугун ҳеч кимга сир эмас, албатта. Мана, эндиликда кўппартия-вийлик асосида Ўзбекистон парламенти – Олий Мажлис сайлаб келинмоқда. Парламентимиз кўплаб қонунлар қабул қилди ва қабул қилмоқда... Шу тариқа жамиятни сиёсий-ҳуқуқий ислоҳ қилиш учун барча шароитлар яратилмоқда.

Шу ўринда республикамизнинг ижтимоий ва сиёсий-ҳуқуқий ривожида рўй берган ўзгаришлар юридик фанда ўз ифодасини топганлигини алоҳида эътироф этиш лозим. Жумладан, давлат қурилиши муаммоси, бошқарув шакли, мустакил, суверен Ўзбекистоннинг Асосий Конуни ва унинг асосида қатор қонунлар қабул қилиниши, ўзбек халқининг миллий менталитети хусусиятларини акс эттирувчи маҳаллий ўзини ўзи бошқаришнинг тақдирни, суд-ҳуқук ислоҳотлари, инсон ҳуқуқларини ҳимоя қилиш масалалари ва бошқалар шундай ўзгаришлар сирасига киради.

6. Шубҳасиз, ҳозирги шароитларда ҳуқуқ оламшумул хусусият касб этмоқда. Ҳуқуқий ёндашувлар халқаро аҳамият ва хусусиятга молик муаммоларни ҳал этишнинг асоси ва эҳтимол тутилган ягона маданий воситасидир. Умумижтимоий тартибга солиш хусусиятига эта бўлган ҳуқуқ ижтимоий тинч-тотувлик ва ҳамжиҳатликка эришишнинг, жамиятдаги тангликтни бартараф этишнинг таъсирчан қуролига айланмоқда. Айни чорда ҳуқуқ ҳам алоҳида олинган мамлакат ичida, ҳам бутун дунё миқёсида экологик муаммоларни ҳал қилишнинг самарали омили ҳамдир. Яна шуни ҳам қайд этиш керакки, давлат ташки ва ички сиёсати аксарият ҳолларда конституциявий ҳуқуқ ва нормалар орқали амалга оширилади, қонун шаклида ифодаланади ва куч билан таъсир кўрсатиш имкониятига таянади. Шунингдек, у жаҳон ҳамжамияти томонидан ишлаб чиқилган халқаро ҳуқуқ норма ва принципларига асосланади.

## ҲУҚУҚ НАЗАРИЯСИ МАКТАБЛАРИ

Биз юкорида ҳуқуқ тўғрисидаги нуқтаи назарлар, унинг келиб чиқиши, норматив тартибга солиш тизимидаи ўрни ва аҳамияти билан боғлиқ қарашлар, ёндашувлар жамиятнинг ривожланиб бориши, илмий-ҳуқуқий тафаккурнинг етуклиги,

ҳамда турли объектив ва субъектив омилларнинг таъсири остида ўзгариб борганлиги ҳақида тўхталиб ўтдик. *Хуқуқ ҳақидаги тасаввурлар эса муайян илмий йўналишлар, мактаблар бўйича тасниф қилинади.* Улар орасида қўйида-гиларни алоҳида ажратиб кўрсатиш мумкин:

*Табиий хуқуқ назарияси.* Илмий оқим сифатида ушбу назария узоқ тарихга эга. Унинг асосий қоидалари қадимги давридаёқ шаклланиб ултурган. *Ушбу назариянинг можияти* шундан иборатки, давлат томонидан яратиладиган позитив (ижобий) ҳуқуқдан ташқари ҳамма учун умумий бўлган ва позитив ҳуқуқдан устун турувчи табиий хуқуқ мавжуд. Бу қонуний ҳолдир. Зоро, позитив ҳуқуқ табиий хуқуқ талабларига, яъни яшаш ҳуқуки, эркин ривожланиш, меҳнат қилиш, жамият ва давлат ишларида катнашиш ва ҳоказо ҳуқуқларга асосланади. Шу ўринда табиий хуқуқ инсон ва фукаронинг ҳар бир давлат учун мажбурий бўлган туғма ва ажralmas ҳуқуқларини ўз ичига олиши ҳақидаги тасаввурларни эслайлик. Қадимги Рим ҳуқуқшунослари фуқаролик ҳуқуқлари ва ҳалқлар ҳуқуқлари билан бир қаторда табиат қонуллари ва нарса-ҳодисаларнинг табиий тартиби ифодаси сифатида табиий ҳуқуқни алоҳида ажратиб кўрсатишганди. Цицирон таъбирича, *табиий ҳуқуққа зид бўлган давлат қонуни конун сифатида қаралиши мумкин эмас.*

Табиий ҳуқуқ назарияси Локк, Руссо, Монтескье, Гольбах, Радищев ва бошқаларнинг асаларида чукур ишлаб чиқилган. Уларда баён этилган гоялар Американинг Мустакиллик Декларациясида (1776 йил), Франциянинг фуқаролар ҳуқуқлари ва эркинликлари декларациясида (1789 йил) ҳамда бошқа давлат ҳужжатларида мустаҳкамланди.

Шунингдек, ўтган асрнинг янги тарихий шароитида бу гоялар инсон ҳуқуқлари ва эркинликлари борасида инсонпарварлик муаммолари юзасидан ҳалқаро ҳамкорлик ривожланиши ва мустаҳкамланишида катта салмоқقا эга бўлди, улар орасида Инсон ҳуқуқлари умумжаҳон декларацияси (1948), Инсон ҳуқуқларини ва асосий эркинликларини ҳимоя қилиш тўғрисида Европа конвенцияси (1950), Иккисодий, ижтимоий ва маданий ҳуқуқлар тўғрисидаги ҳалқаро пакт (1966), Фуқаролик ва сиёсий ҳуқуқлар тўғрисидаги ҳалқаро пактга факультатив протокол (1966), Хельсинки Конғашининг Якунловчи ҳужжати (1975), Европада хавфсизлик ва ҳамкорлик Кон-

гаши қатнашчилари бўлган давлатлар Вена учрашувининг Яқунловчи хужжати (1989) ва бошқалар қабул қилинди<sup>1</sup>.

Шунингдек, инсоннинг табиий, тұғма ҳуқуқлари күпчилик давлатларнинг ҳозирги барча ҳуқуқий тизимларида конституциявий тарзда мустаҳкамлаб қўйилган. Масалан, Ўзбекистон Республикаси Конституциясининг 24-моддасида яшаш ҳуқуки «ҳар бир инсоннинг узвий ҳуқуки» сифатида мустаҳкамланган.

Юксак маданиятли жамиятда табиий ва позитив ҳуқуқларни бир-бирига қарама-қарши қўйишга ҳеч қандай асос ўйқ. Чунки табиий ҳуқуқ ижтимоий муносабатларни ҳуқуқий тартибга солишнинг ягона умуминсоний тизимини ташкил этиб, инсоннинг табиий ҳуқуқларини мустаҳкамлайди ва муҳофаза қиласи.

**Ҳуқуқнинг тарихий мактаби.** У табиий ҳуқуқ таълимотига муайян бир жавоб сифатида, ўрта асрлар шароитида таркиб топган ижтимоий ҳаёт ва давлат ҳаётининг синовдан ўтган қонуниятларини ҳимоя қилиш мақсадида юзага келган. Тарихий мактаб намоёндалари ҳуқуққа, қонун чиқарувчи хокимият ва давлатнинг субъектив қарашларидан фарқли ўлароқ, тарихий жараен давомида тил каби аста-секин таркиб топувчи ҳалқ онгиннинг ифодаси сифатида ёндашардилар. Қонун чиқарувчи факат ҳуқуқ сифатида таркиб топган жиҳатларнигина қайд этиши мумкин. Чунончи, Гуго, ҳуқуқ факат давлат томонидангина яратилмайди, балки ҳудди тил шартнома асосида пайдо бўмагани ва тайёр ҳолда Худо томонидан берилмагани, ўз ҳолича ривожлангани сингари ҳуқуқ ҳам ҳалқ ихтиёрий қабул қиласидан нормалар кўринишида мустакил ривожланиш асосида юзага келади, деб ҳисобларди.

Тарихий мактаб намоёндалари шуктai пазаридан ҳуқуқ ҳалқ руҳиятининг, ҳалқ ҳуқуқий эътиқодининг махсуслидир. Ҳуқуқнинг ривожланиши шундан иборатки, ҳалқ руҳияти, ақл-заковати, аста-секин ҳуқуқда объектив мавжуд бўлган нормаларни топа бошлайди. Шунинг учун ҳуқуқ расман ҳуқуқлар сифатида эмас, балки ҳуқуқий институтларнинг жонли тушунчаси сифатида мавжуд бўлади. Ҳуқуқшунослар факат мавжуд ҳуқуқ тажрибасини таҳлил этиш ва ўрганиш йўли билан нормалар қоидасини топадилар.

<sup>1</sup> Карагнг: Международные акты о правах человека // Сборник документов. М., 1989.

Немис ҳукуқшунослари Густав Гуго, Карл Савиньи, Фридрих Пута, Шталь ва бошқалар ҳукуқ тарихий мактаби-нинг кўзга кўринган намоёндалари бўлишган. Айни чорда ижтимоий ҳаётнинг тобора ўсиб борувчи ўзгаришида субъектив омилнинг, конун изжодкорлиги ва янги қонунчиликнинг аҳамиятини инкор этган мазкур назариянинг консерватизми ва чекланганлигини қайд этиш лозим. Тарихий мактаб урф-одатларни қонундан юкори қўйиб, реал мавжуд ҳукуқни қонунчилик йўли билан ўзгартириш мумкинлигини инкор этганди, ижтимоий муносабатларни норматив тартибга солиш тизимида ушбу урф-одатлар аҳамиятини ғоятда бўрттириб юборганди.

Бироқ бу назариянинг ижобий томонларини ҳам таъкидламаслик адолатдан бўлмайди. Айтайлик, мазкур назарияга кўра, конун чиқарувчи ўзининг субъектив ҳоҳиши бўйича нормаларни яратади. Бунинг учун у ижтимоий ривожланишнинг объектив эҳтиёжларини, алоҳида одамлар манфаатларини билиб олиши ҳамда уларни ҳукуқ нормаларида тўғри таърифлаб бериши керак бўлади.

**Ҳукуқнинг реалистик мактаби.** Ҳукуқнинг тадрижий тарзда ривожланиши ҳакидаги тарихий тасаввурдан фарқли ўлароқ, бу йўналиш вакиллари, **ҳукуқ ташки омиллар таъсирида пайдо бўлади ва ривожланади**, деб ҳисобланадилар. Одамни ҳаракатта келтирувчи ва умумхукуқ ёрдамида амалга ошириладиган мақсадларни қўйишга уни мажбур этувчи **манфаатлар** шундай омиллар ҳисобланади. Ҳукуқшунос Рудольф Иеринг ҳукуқ реалистик назариясининг асосчиси эди. Ушбу назариянинг мазмун-моҳиятини у ўзининг «Рим ҳукуки руҳи», «Ҳукуқ учун кураш», «Ҳукуқла мақсад» каби асарларида баён қилган. Иеринг таъбирича, **ҳукуқ – химояланган давлат манфаатидир**. У шахс манфаатларини кафолатлайди, одамларнинг турли хил эҳтиёжларини қондиришга ёрдам беради. Ҳукуқ ўз иродасини изҳор этувчига эмас, балки ундан фойдаланувчиларга тегишли ҳисобланади. Ҳукуқдан фойдаланиши белгилаб қўйилганлар ҳукуқ субъекти ҳисобланади. Ҳукуқнинг вазифаси ҳукуқдан фойдаланишини кафолатлашдан иборат. Ҳукуқ мазмун-моҳияти замирида қонунсиаликка қарпи ҳалқлар кураши, давлат ҳокимияти, индивидлар кураши ётади. Шу муносабат билан Иеринг ҳукуқ тарихидаги барча улкан ютуқлар – қулликнинг, крепостнойликнинг барҳам топтирилиши, ер мулки зеркинлиги, ҳунармандчилик, эъ-

тиқод ва ҳоказолар эркинлиги – буларнинг ҳаммаси шафкатсиз, кўпинча асрлар оша давом этадиган курашларда кўлга киритилиши лозимлигини, бундай холларда ҳуқуқнинг йўли ҳамиша ҳуқуқлар қолдиқлари орқали белгиланишини алоҳида таъкидлаганди.

Унинг эътирофича, **мутлақ адолатли ҳуқуқ йўқ ва бўлиши ҳам мумкин эмас, ҳуқуқнишг киммати унишг асосида ётган мақсадни амалга оширишидан иборатдир**. Манфаатлар кураши асосида дунёга келган ҳуқуқ инсоният жамияти хаётидаги адолат тамоийлларига албатта риоя қилиш шарти билан бирорвлар иродасини бошқаларнинг манфаатларига бўйсундирувчи куч сифатида майдонга чиқади. Реалистик назариячиларнинг асосий ақидалари қисқача шулардан иборат.

Шу ўринда мақсадга эришиш воситаси бўлган ҳуқуқ **жамиятни ташкил этиш, қўллаб-қувватлаш ва асраб қолишнинг зарур куроли** сифатида майдонга чиқиши ушбу назариянинг ижобий томони эканлигини алоҳида қайд этишни истардик. Мазкур назарияга кўра, ҳуқуқ давлат ҳокимиятисиз беъмани бир гап, факат ҳуқуқ нормаларини қўлловчи ҳокимиятгина ҳуқуқ қандай бўлса, шундай қолишини, ҳуқуқ қандай бўлиши керак бўлса, ўшандай бўлишини таъминлайди. Мазкур илмий йўналиш намоёндалари, ҳуқуқ учун курашиш конуний ҳуқуқка эга бўлган шахснинг ўз олдидаги мажбуриятидир, ҳуқуқни ҳимоя қилиш, яъни ҳуқуқбузарликка қарши ҳаракат қилиш эса факат ўз-ўзига нисбатангина эмас, балки умуман жамиятга, давлатга нисбатан ҳам мажбуриятдир: ҳар бир одам ҳуқуқни ҳимоя қиласр экан, ўзининг субъектив ҳуқуки асоси бўлган объектив ҳуқуқ нормаларини муҳофаза этади, деб ҳисоблайдилар.

Ушбу назариянинг бирмунча «жанговар»лигига карамай, ўзида ҳуқуқнинг органик, табиий, иқтисодий, руҳий каби кўплаб назарияларини акс эттирган ғоят жиiddий концепциядир. Мазкур назариянинг ижобий томонларини таъкидларканмиз, куйида фикримизни янада батафсилроқ баён этишга ҳаракат қиласмиз.

Биринчидан, реалистик назария ҳуқуқнинг бирлиги ва ўзгарувчанлигини эътироф этади. Бунда, бир томондан, ушбу назарияга таянувчилар учун ҳуқуқнинг позитив ҳамда табиий ҳуқуқка бўлиниши деган тушунчанинг ўзи йўқ. Уларнинг фикрича, факат позитив (ижобий) ҳуқуқнина мавжуддир. Иккинчи томондан, улар асосли равишда, ҳуқуқда ўзгармай-

диган жиҳатнинг ўзи йўқ: хукуқ – ижтимоий ҳаётдаги янги шарт-шароитларни акс эттирувчи, доимиий ўзгариб борувчи ҳодисадир, деб таъкидлайдилар.

Иккинчидан, ушбу мактаб вакиллари **хукуқ билан давлат ўргасидаги бевосита алоқани кўра оладилар**. Уларнинг таъбирича, давлат ҳокимияти хукуқ мавжудлигининг зарурый шартидир. Хукуқ тарихий мактабидан фарқли ўлароқ, улар хукуқий ижодкорликнинг зарурлитини тан оладилар. Чунончи, хукуқшунос С.М.Муромцев ўзининг «Немис хукуқшунослиги таълимотига кўра хукуқнинг пайдо бўлиши» китобида, хукуқ халқ руҳиятининг англанмаган ҳосиласи бўлмай, балки одамлар онгли фаолиятининг маҳсулидир, деб ёзганди.

Учинчидан, реалистик мактаб ҳукуқий муносабатлар субъектлари юридик хукуқ ва мажбуриятларининг бирлигини асослаб берган, бу бошқа йўналишлар вакиллари томонидан ҳам қабул қилинган.

Тўртинчидан, реалистик мактаб тарафдорлари қонунийлик таркибий кисми бўлган ўзбошимчаликни инкор этишни ёқлаб чиқдилар. Улар фақат давлат ҳокимиятигина белгилangan қонунлар асосида одамга нисбатан мажбурловни кўллаши мумкин деган фикрда эдилар. Хукуқнинг реалистик мактаби, жамики ютуқ ва камчиликларидан қатъи назар, хукуқнинг реалистик мактаби хукуқ масалаларига ўз тушунчасини киритди ва уларнинг кўпчилик қоидалари ҳозиргача ўз аҳамиятини йўқотган эмас.

**Хукуқнинг социологик мактаби.** Бу – XX аср хукуқшунослигининг асосий йўналишларидан биридир. Юридик фанлар вазифасини амалдаги хукуқни расмий мантиқий ўрганишдан иборат деб кўрсатувчи хукуқий поозитивизмдан фарқли ўлароқ, социологик мактаб диққат-марказини «жонли хукуқ», яъни **хукуқий муносабатлар тизимиши, хукуқ доирасидаги одамлар хулқ-авторини ўрганишга кўчириш** керак, деб ҳисоблайди. Эрлих ушбу йўналишнинг асосчиси бўлиб, унинг «Хукуқ социологияси» (1911 йил) китобида мазкур йўналиш асосий ғояларининг тартибли баёни берилган. С.М.Муромцев ва Г.Ф.Шершеневич ҳам социологик мактаб вакиллари бўлишганди.

**Бирдамлик назарияси** социологик йўналиш қўринип-ларидан биридир. Унинг моҳиятини қуйидагича изоҳлаш мумкин: жамиятда жамоанинг индивиддга буйруқ қилиш хукуқи ҳам, индивиднинг ўз шахсини жамоага ёки бошқа фу-

қароларга қарама-қарпни қўйиш ҳукуки ҳам бўлмаслиги керак. Одамлар умумий бирдамликдан келиб чиқадиган бир қоидага бўйсундирилиши даркор. Ҳукуқшунос Леон Дюги ушбу назария муаллифи эди.

Унинг талқинича, ижтимоий норма ижтимоий ҳаёт ташки кўринишларини ифода этишга қаратилган ҳулқ-автор нормасидан иборатdir. У инсон тинч-омонлигининг манбаи бўлиб, давлатдан юқори туради. Шу муносабат билан Дюги ёзди: “Худди индивидларнинг ўзлари сингари, давлат ҳам ҳукуқ нормаларига бўйсундирилган; ҳукмронлик қилувчилар иродаси фақат ҳукуқ нормаси чизиб берган чегаралар доирасида намоён бўлгандагина мажбурловни қўллаши мумкин бўлган ҳукукий иродага айланиши мумкин”. Ижтимоий бирдамлик қоидалари, деб таъкидлайди Дюги, давлатга бўйсундирилмаган, лекин давлатни ўзига бўйсундирган объектив ҳукуқдан иборат<sup>1</sup>.

Социологик назария ҳукукнинг расмий белгиларини бир четга қўйиб, ҳукуқ жамият ҳаётида мувозанатлаштирувчи куч эканлигини исботлайди ва уни ижтимоий мазмун билан бойитади. Ушбу назария ғоялари давлатнинг ўзи ҳам, унинг фуқаролари ҳам умумфаровонлик манфаатлари йўлида ҳукукий кўрсатмаларга бўйсунишлари керак бўлган ҳукукий давлат назарияси моҳиятига тоғоят ҳамоҳангидир.

**Норматив йўналиш.** Ушбу йўналиш бир қарашда ҳукуқ ва унинг ижтимоий ҳаётдаги аҳамияти ҳақидаги турли қарашларни жамлагандай туюлади. Бироқ синчилкаб қаралганда, улардаги муайян бирлик ҳам кўзга ташланади. Нормативликнинг назарий қоидалари Р.Штаммлер томонидан унинг «Ҳўжалик ва ҳукуқ» китобида баён қилинган. У ўз қарашларида ҳукуқни *асосий мақсади одамлар эҳтиёжларини қондиришдан иборат бўлган ижтимоий ҳаётни ташки тартибга солиш сифатида таърифлайди*. Жамиятда ўзаро алоқада бўлган одамларнинг биргаликдаги ҳаракатларини у ижтимоий материя ёки ҳўжалик деб атайди. Ҳукуқ билан ҳўжаликнинг ўзаро нисбатини белгилар экан, Штаммлер, ҳукуқ «ижтимоий ҳаёт шакли ва материали муносабатини ифодалайди», деб ёzádi. Ҳукуқ ривожида у жамиятнинг ривожини кўради: «Ижтимоий ҳаёт қонунияти унинг ҳукукий

<sup>1</sup> Каранг: Дюги Л. Общество, личность, государство. СПб., 1909; Социальное право индивидуальное право и преобразование государства. СПб., 1909.

шакли қонуниятининг ўзгинасидир, ҳуқуқ асосий ғояларининг идрок этилиши ва унга риоя қилиниши эса бамисоли кишилик жамиятининг пировард мақсадидир»<sup>1</sup>.

Мазкур қонуният фақат ҳуқуқ муҳити доирасида бўлган ҳар бир киши эркинлиги манфаатлари асосида тартибга солиниши амалга ошириладиган ижтимоий ҳаётдагина ўзини намоён қилади. Идеал жамият «эркин равишда орзу қилувчи кишилар» жамияти бўлиб, унда ҳар ким тўғри (қонуний) бўлган бошқалар мақсадини ўз мақсади деб ҳисоблаши керак бўлади.

П.И.Новгородцев ҳам ўзининг фалсафий-ҳуқуқий концепциясида ҳуқуқнинг норматив назарияси ғояларини қўллаб-кувватлаб чиққанди. Бироқ норматив йўналишнинг асосий қоидалари энг тўла ҳолатда машхур ҳуқуқшунос Г.Кельзен томонидан баён этилган. У ҳуқуқни «соф ҳолда», сиёсий, ахлоқий ва бошқа мезонлар билан боғлик бўлмаган тарзда ўрганишга даъват этарди. Унинг фикрича, бошқача ҳолатда, фан объектив моҳиятини йўқотиб, мафкурага айланниб қолади. «Асосий (суверен) норма» ҳакидаги тушунча Кельзен концепциясининг асосини ташкил этиб, у бошқа барча нормаларнинг таъсирчанлиги ва юридик кучини асослаб беради. Кельзен таъкидлапича, «Норма» тушунчаси ниманидир бўлиши кераклигини ёки содир этилишини ва айникса, инсон муайян тарзда ҳаракат қилишини (ўзини тутишини) назарда тутади»<sup>2</sup>.

Мазкур назарияга мувофиқ, ҳуқуқнинг бутун тизими зинапоя тузилишига эга, яъни нормалар иерархиясини ташкил этувчи асосий нормадан бирин-кетин изчил келиб чиқаверади. Шунинг учун ҳам назариянинг вазифаси ҳар бир аниқ ҳуқукий ҳодисада унинг олий юридик кучга эга бўлган олий даражадаги нормага қанчалик мос келишини аниқлашдан иборат. Шу маънода олий юридик кучга эга бўлган норматив-ҳуқукий ҳужжат сифатида қонунга барча қонуности ҳуқукий ҳужжатлари мос келиши зарур. Бусиз ҳуқукий тартибга соилиш ўз мақсадига эриша олмайди.

Ҳуқуқнинг юридик моҳиятини ташкил этувчи *унивр расмий белгиларини ажратиб кўрсатиб берганлигини* норматив назариянинг хизматларидан бири сифатида баҳолаш керак.

<sup>1</sup> Штапиллер Р. Хозяйство и право. СПб., 1907, 58-104-бетлар.

<sup>2</sup> Чистое учение о праве Ганса Кельзена. Вып.1.11-бет.

Норматив назария **хуқуқий давлатчилик гоясини** йқлаб чиқди. Ушбу назариянинг кўплаб намоёндалари давлатни барча хуқуқий қоидалар ички мазмунининг бирлиги сифатида, хуқуқий нормаларнинг ягона тартибга келтирилганлиги ва мужассамланганлиги тимсоли сифатида таърифлаб, давлат билан хуқуқнинг бир-бирига қарама-карши кўйилишини рад этганлар. Чунончи, Кельзен фикрича, хуқуқ давлатсиз мавжуд бўлмаганидек, давлат ҳам хуқуқсиз яшай олмайди. Ҳокимият – хуқуқ демакдир. Давлатнинг хуқуқ ва мажбуриятлари бошқа шахсларнинг хуқуқ ва мажбуриятларидан ҳеч нарсаси билан фарқ қилмайди. Чунки биринчи ҳолатда ҳам, иккинчи ҳолатда ҳам улар конун билан белгиланади.

**Психологик назария.** Ушбу назария XX аср бошларида кенг тарқалди. Бунга, аввало, хуқуқшунос-психолог Л.И.Петражицкий қарашлари асос бўлди. Кейинчалик психологияк назария Дюги, Мэрилл, Росс, Эллиот ва бошқаларнинг асарларида янада ривожлантирилди.

Л.Петражицкий уқтиришича, тажрибаларга асосланувчи фан турмушнинг икки кўриниши – жисмоний ва руҳий томонларини ўрганади. Ҳаёт ҳодисаларининг бири сифатида хуқуқ руҳий дунёга тааллуқли бўлиб, *одамларнинг императив-атрибутив (мажбурийлик-даъвогарлик) кечинмаларидан иборатдир*. Инсон хатти-ҳаракатлари эркин ва ўзаро боғлиқ бўлиши мумкин. Инсон иродаси, ҳулқ-авторининг ички боғланганлигини англашни у ахлоқий онг деб атайди. *Бу ахлоқий онг муқаррарлигидир*. Унинг асосида хиссиётлар ётади. Бу хиссиётлар эркинликка худди ички бир тўсиқдек туюлади ва улар одами алланечук ҳаракатларга даъват этади. Нормалар, авторитар буйруқ ва тақиқлар шу ички кечинмалар, хиссиётлар ифодасидир, холос.

Бу олим хуқуқни автоном (ёки ички сезигига асосланган) хуқуқ ҳамда позитив хуқуқча ажратади. Ички виждан амри билан боғлиқ кечинмалар автоном хуқуқни ташкил этади. Позитив хуқуқий тасаввур, у бегона нуфузга, ташқи норматив хужжатта асосланганда мавжуд бўлади.

Шунингдек, Петражицкий, хуқуқ таъсимловчи ва ташкилий-ижтимоий функцияларни бажаради, леб ҳисобларди.

Бирмунча мураккаблиги ва ижтимоий хаёт хуқуқий ҳодисаларининг руҳий жиҳатига ўралашиб қолганлигига қарамай, бу назариянинг кўпчилик қатъий қоидалари, шу жумладан, унинг тушунтириш йўсими анча кенг кўламда қабул қилин-

ган, шу боис ундан ҳозирги давр ҳуқуқ на давлат назариясида фойдаланилади.

**Хуқуқнинг материалистик назарияси.** Бу назария марксизм-ленинизм асосчилари ва уларнинг издошлари асарларида ўз ифодасини топган. Материалистик назария асосида **хуқуқ – иқтисодий хуқмрон синф иродасининг ифодаси ва мустаҳкамлашишидир** деган ғоя ётади. Мазкур таълимот **хуқуқ моҳиятини унинг синфиyllигида ва моддий шартшароитга боғликларда** кўради. Ҳуқуқ тўғрисидаги буржуазия қарашларини рад этиб, Маркс ва Энгельс шундай ёзганди: «Сизнинг ҳуқуқнинг мазмуни моддий шарт-шароитлари билан белгиланадиган сизнинг синфингиз иродаси, қонун даражасига кўтарилган сизнинг синфингиз иродаси, холос»<sup>1</sup>.

Кейинчалик ҳуқуқнинг синфий-иродавий моҳияти тўғрисидаги марксизмнинг бу қоидаси шўро юридик фанига олиб ўтилганди.

Марксча назариянинг муҳим жиҳати Ф.Лассалнинг ижтимоий-иқтисодий қарашларини танқид қилишдан иборат эди. Чунки унинг қарашлари асосида ижтимоий мулкнинг социалистик ғояси ва ижтимоий ишлаб чиқарилган маҳсулотни таҳсиллашдаги тенглик ётарди. Маркс эса, ҳусусий-капиталистик муносабатлар қаъридан чиқиб келган жамият дастлабки даврларда ҳали ўтмиш таъсиридан қутула олмайди, деб ҳисобларди. Шунинг учун Лассалнинг бирданига «тенглик салтанати»ни бунёд этишга оид қарашини у хом хаёл деб атайди. Маркс фикрича, бу ерда ҳақиқатан ҳам «тенг ҳуқуқлилик» мавжуд, лекин бу ҳали «буржуа ҳуқуқи» бўлиб, ҳар қандай ҳуқуқ сингари тенгсизликни кўзда тутади. **Ҳар қандай ҳуқуқ ямалда бир хил бўлмаган, бир-бирига тенг бўлмаган турли одамларга бир хил миқёсни қўллашдир.** Шунинг учун «тенг ҳуқуқлилик» тенгликнинг бузилиши ва адолатсизликдир. Бу – қонуният. Айрим кишилар бошқалар билан тенг улушда ижтимоий маҳсулот ишлаб чиқариши керак бўлган шароитларда ўзларининг жисмоний ва руҳий ҳолатларига кўра ижтимоий ишлаб чиқариш ҳамда унинг неъматларини истеъмол қилишда баравар қатнаша олмай, иқтисодий жиҳатдан ёмон ахволга тушиб қоладилар.

Буларнинг ҳаммасига барҳам бериш учун ҳуқуқ одамларнинг табиий тенгсизлигини ҳисобга олиши, у ҳам нотенг бў-

<sup>1</sup> Каранг: Маркс К., Энгельс Ф. Собр. Соч. Т. 5. С. 342.

лиши керак. Ленин ҳам коммунистик жамиятнинг биринчи босқичида «буржуазия ҳуқуқи» тўла бекор қилинмаслигини қайд этганди. Бора-бора зарурат йўқолиши билан худди давлатга ўхшаб ҳуқуқ ҳам барҳам топади, деб хисобларди у.

Демак, марксча-ленинча таълимотга кўра, ҳуқуқнинг пайдо бўлиши, амал қилиши ва муқаррар барҳам топиши асосида синфий-иктисодий сабаблар ётади.

Шу ўринда жамият давлат-ҳуқуқий ҳаётининг дунёда таркиб топган илм ва тажрибаси ҳуқуқ ривожланишида ижтимоий-иктисодий омилларнинг белгиловчи ролини инкор этмаслигига эътиборни жалб этиш мақсадга мувофиқ. Бироқ мазкур муаммо бошқа нуқтаи назардан кўриб чиқилишини тақозо этади. Агар марксизм-ленинизм ҳуқуқда иктисодий ҳукмрон синф иродасини мустаҳкамлаш ва унинг манфаатларини муҳофаза этиши воситасини кўрадиган бўлса, бошқа илмий назариялар намоёндалари асосий диққат-эътиборни ҳуқуқ билан давлат, ҳуқуқ билан шахс ўртасидаги нисбатлар масаласига қаратадилар.

Бинобарин, ҳусусий мулкчиликка нисбатан марксча салбий коммунистик муносабат ишлаб чиқарипнинг ҳусусий мулкчилик усули туғдирган барча устқурмавий ҳодисаларга – ҳуқуқ, давлат ва бошқаларга ёйилиши аниқ эди. Буни Маркс ва Энгельс «Коммунистик манифести»да шундайifo-  
далаганди: «коммунистлар ўз назариясини: ҳусусий мулкни йўқотиш, деган биргина қоида билан баён қилишлари мумкин»<sup>1</sup>. Шундай қилиб, марксизмнинг ҳусусий мулкчилик шароитида «бир-бирига тенг бўлмаган одамларга нисбатан бир хил мезонлар» ҳамда «турли одамларга тенгсиз ўлчов» сифатида ҳуқуқ тўғрисидаги ақидалари фақат биринчи қисми бўйича тасдигини топди, холос. Ижтимоий мулк асосида вузудга келадиган муносабатлар инсон манфаатларининг ялпи текисчилигига айланаб, уларни ҳуқуқий қоидалар воситасида тартибга солини мумкин бўлмай қолади. Бундай шароитларда ҳуқуқ ўзининг қутбий зиддига айланади. У шахснинг индивидуал манфаатларини қондириш йўлидаги ғовга айланади. Мухими шундаки, мамлакатимиз мустақилликни қўлга киритгач, авваламбор, бизда айнан мана шу каби ҳалокатли жатолардан, шу билан бирга, умуман тоталитаризмнинг мудҳиши асоратидан тезроқ кутулиш истаги кучли бўлганлиги ўзининг

<sup>1</sup> К.Маркс ва Ф.Энгельс. Ташланган ясарлар. 1-том. Т. 1980. 120-бет.

ҳаётий исботини топди. Биринчи навбатда, мустақил давлатимиз ўз фуқаролари манфаатлари устунлигини қонуний рашишда мустаҳкамлаш ва кафолатлашни мақсад қилиб қўйди. Шунга кўра Ўзбекистон Республикаси Конституциясининг тегишли моддаларида ҳар бир инсон, унинг ҳаёти, эрки, шаъни, кадр-киммати ва бошқа ҳуқуқ ҳамда эркинликлари муқаддаслиги, давлат ҳимоясида эканлиги ўз ифодасини топди. Айниқса давлатнинг жамият ва фуқаролар олдидаги масъулитининг мавжудлиги демократик ҳуқукий давлатнинг мухим белгилариданdir.

Кисқаси, ҳуқуқ, агар жамиятнинг объектив эҳтиёжларини ифодалайдиган бўлса, у ҳолда ишлаб чиқарип билан истеъмол ўртасидаги муносабатларнинг холис тартибга солувчисига айланади. Маданиятга эришган дунёда унинг ахлоқий асослари ижтимоий муносабатлар иштирокчиларининг рухсат этилган ва тақиқланган хулқ-атворлари доирасида мазкур эҳтиёжлар ҳисобга олинади ва амалга оширилади.

## **ҲУҚУҚ ТУШУНЧАСИГА ЗАМОНАВИЙ ЁНДАШУВ**

Бугунги кунда инсоният ўз тараққиётида кент кўламли (глобал) эврилишилар зарурати палласида турибди: у тинчлик ва барқарорлик, ҳамкорлик, адолат, хайриҳоҳлик ва эркинлик шароитларида яшашига ўрганиши лозим. Шу боис эндиликда ҳуқуқ маданиятнинг норматив ҳодисаси сифатида кишиларнинг эркин ижтимоий ижодкорлигига мос келадиган янги қиёфа, янги мазмун касб этиши даркор. Хозирги вактда ҳуқуқий ривожланишда эркинликка алоҳида ургу берилмоқда.

Конун ва конунчилик инсоният тараққиётининг муайян босқичида вужудга келганлигини эслайлик. Конун пайдо бўлиши билан ҳуқуқ ижтимоий муносабатларни тартибга sola бошлайди, уларга сиртдан туртки бергандек, юкоридан мақсадлар юклагандек бўлади. Оқил, узоқни кўра оладиган қонун чиқарувчи томонидан ишлаб чиқилган топшириқлар, талаблар ва бошқа таркибий қисмлар ҳуқуқни бойитиб, унинг самарадорлигини ошириб борди. Ҳуқуқнинг амал қилишида жамиятга, ижтимоий муносабатлар ва тузумларга таъсир ўтказишнинг механик, тазиийий табиати аниқ намоён бўла бошлади. Ҳуқуқни одамлар ижтимоий ижодкорлиги ва шахс эркинлигининг жилови сифатида туптуна бошлади.

Хуқуқнинг ҳозирги ҳолати бугунги кунда кўпчиликни қониқтиримайди. «Хуқуқ қандай бўлиши керак?» деган саволга кўпдан-кўп жавоблар мавжуд. Лекин, одатда, улар хукукий позитивизм талабларидан келиб чиқмайди. Фардаги айрим олимларнинг фикрича, истиқбол жамиятни туб ўзгаришларга олиб келади, шунинг учун давлатнинг анъанавий шакллари қуёши ботиши муқаррар, бу эса хукуқнинг ҳам тубдан ўзгаришига олиб келиши аник.

О.Тоффлернинг таъкидлашича, «Қонунийликнинг олтин асри», ортда қолди, у тарвакайлаган мураккаб жамиятнинг пайдо бўлиш даврига тўғри келди. Бугун эса қонунчилик – майда-чуйдалар уюми бўлиб, унинг орасида энг муҳимлари йўқолиб кетган. У доимий равишда ҳаёт маромидан ортда қолади, ижтимоий амалиёт янгиликларини акс эттиришга қодир бўлмайди. «Қонулар чакалакзори» тобора қалинлашиб, ундан ўтиш қийинлашиб бормоқда<sup>1</sup>.

Ушбу институтлар ўрнига нималар келади-ю, янги ахборотларга бой жамиятда хукукий тартибга солин қандай амалга оширилади? Тоффлер буларни қуидагича тасаввур этади. Яъни ҳар қандай қарор айнаш шу ҳодисага тааллуқли бўлади. Вазиятнинг ўзи такрорланмаганидек, бу қарор ҳам шу қадар бетакордир. Қарорлар қабул қилишнинг бундай тизимини **адхократия** деб атайди. Бунда у ахборотлар жамиятида юридик ҳаёт тарзини айнан шу адхократия белгилаб беради, деган фикри илгари суради. Эркин битимлар ва шартномалар гурухлараро муносабатлар асоси бўлиб қолади, профессионал ҳуқуқшунослар йўқолиб кетади, суд ишларини юритишнинг ҳаваскорлик шакллари, низоларни бартараф этишда ҳакамлик, воситачилик ва ҳоказолар юзага келади.

Келажакни олдиндан айтиб бериш, албатта, қийин. Лекин шу ўринда О.Тоффлер ўз қарашларida хуқуқнинг мазмун-моҳиятига эмас, балки расмий-юридик (хуқуқ кимлар томонидан ва қандай яратилиши) масалаларига ургу берганлигига эътиборингизни тортишни истардик. Бинобарин, у келажак хуқуқнинг мазмуни ва сифати масалаларига жавоб бермайди.

XX асрнинг мутафаккирларидан бўлган А.Швейцер ҳар қандай ҳуқуқнинг асоси ҳисобланувчи тўғри фикр охир оқибатда ақл билан билиб бўлмайдиган ҳолатга келишини ва

<sup>1</sup> Караганг: Toffler O. The structure of law and order. Р. 13-23.

унинг олдида тўхтаб қолишини таъкидлаганди. Унинг фикрича, ҳуқуқшунослар ҳуқуқнинг жонли, тўғридан-тўғри мъено-сини тасаввур эта олмайдилар, улар фақат соф техник ҳуқуқ билангина кифояланадилар. «Онгни рад этиш, бемаънилаштириш ва ахлоқан бузилиш вақти келди, – деб ёзган эди олим. – Биз ҳуқуқ мавжуд бўлмаган даврда яшаемиз. Парламентлар енгилтаклик билан ҳуқуқка зид конунларни тўқиб чикаради, давлатлар ҳуқуқни озгина бўлса ҳам ҳис этиш туйғусини одамларда асрар қолишга заррача уринмай, фуқаролар билан муомалани амал-такал қиласди»<sup>1</sup>.

Швейцер инсон моҳияти ҳақидаги маълумотлар, асосий табиий ҳуқуқлар, унинг ўзи чукур маъноли «иззат-икром» сўзи билан ифодаланадиган инсон ҳаётига муносабатни ҳуқуқни қайта тиклашнинг асоси деб ҳисобларди. Унинг таъбирича: «Хуқуқшунослар ҳуқуқ ва ҳуқуқий онгнинг таназзулига йўл қўйишиди. Лекин бунда уларни айблаб бўлмайди. Шунчаки улар яшаган давр тафаккурида ҳуқуқнинг жонли тушучаси нималарга асосланиши кераклиги ҳақидаги тасаввурнинг ўзи йўқ эди. Ҳуқуқ дунёқарашининг йўқлиги қурбопи бўлди. Фақат янгида дунёқарашибини заминидагина у яна қайта дунёга келиши мумкин. У барча жонли мавжудотларга муносабатларимиз тўғрисидаги бизнинг алланечук асосий тасаввуримиздан – ҳеч қачон қуриб битмайдиган ва ҳеч қачон ифлосланмайдиган чашмадан келиб чиқмоғи лозим. **Ҳаётга чукур иззат-икром билан қараш шундай чашмадир**<sup>2</sup>».

Бундан чиқди, ҳуқуқни истиқболда қайта тиклаш учун метафизик, иррационал (ақл бовар қилмайдиган) ёки хатто мистик билим, космизм тоялари билан суқорилган жонли дунёқарашибини заминидагина у яна қайта дунёга келиши табиий. **Бироқ буларнинг ҳаммаси ижобий билимнинг ўрнига эмас, у билан биргаликда керак бўлади**. Лекин ижобий билимнинг фойдалилиги ҳақидаги бунуткази назарни ҳамма ҳам ёқлайвермайди.

Масалан, П.Сорокин айнан метафизик қадриятларга мурожаат қилишни ҳуқуқ ва ҳуқуқий онгни ҳозирги инқироздан олиб чиқишининг табиий йўли деган фикрда эди. Унинг қайд этишича, бизнинг давримизда қадрият сифатида хис-туйғуга баҳт, завқ-шавқ, фойдалилик, бадастирлик сари йўналтирилган «хиссий» ҳуқуқий нормаларнинг мисли кўрилмаган

<sup>1</sup> Швейцер А. Благогование перед жизнью. М., 1992, 94-бет.

<sup>2</sup> Швейцер А. Благование перед жизнью, 90-бет.

таназзули бошланди. Қадимги дунёда эса, у *идеационал* деб юритувчи, яъни Худо билан – Ҳокими мутлак билан, илохий мўъжизавий файриҳиссий дунё билан бирлашишга йўналтирилган ҳуқук тизимлари устун турарди. Эндиликда булар барҳам топган. Ҳиссий жамият кишисининг фожиаси ҳам ана шундан келиб чиқади. «Ахлоқ ва ҳуқук инсонни барча илохий, ҳиссий туйғулардан маҳрум этаркан, уни хеч қандай мұқаддасликка, вужудга эга бўлмаган электрон-протон мажмуи ва гайриихтиёрий механизм даражасигача тубанлаштириди»<sup>1</sup>.

Дарҳақиқат, инсониятга мутлақо янги, қадрият сифатидаги юридик дунёкараш жуда зарур. Лекин бундай дунёкараш, бизнинг назаримизда, П.Сорокин ўйлаганидек, соғ идеационал бўла олмайди. Колаверса, бизнингча, унда ҳозиргача яхши қовуша олмай келган эмпирик асослар ҳам, метафизик ҳақиқатлар ҳам ўз ифодасини топади.

*Ноосфера ҳақиқати таълимот* универсал ҳуқуқий онгнинг илмий ва фалсафий асоси бўлиб қолса, ажаб эмас. Бу таълимотни ишлаб чиқишга файласуф Т.Шарден ҳамда табиатшунос В.Бернадский катта ҳисса қўшишган. Ушбу таълимот инсонпарварлик тоялари билан сугорилган, эркин фикрловчи инсон манфаатлари йўлида биосферани ўзгартиришга қаратилган инсоният ақл кучини, ўтмишда содир бўлганидек, жонли мавжудотни йўқ қилишга ва топташга сарфлашга йўл қўйиб бўлмайди. Бу куч инсонга ва атроф мухитга, Ер юзига, фазога нисбатан адолатли, хайрли муносабатда бўлиши даркор. *Ноосфера* – бу илмий тафаккур орқали кишилар ўтрасидаги, табиат билан жамият, жонли ва жонсиз мавжудотлар, дунёнинг онгли ва онгсиз кучлари ўтасидаги уйгуни ҳолда тубдан ислоҳ қилинган муносабатлардир.

\* \* \*

Юқоридагилардан кўриниб турибдики, ҳуқуқ назариясининг бу каби мавзулари янгича ёндашувлар асосида, миллий ва умуминсоний қадриятлар негизида ёритилиши мамлакатимизда олиб борилаётган демократик ҳуқуқий ислоҳотлар, ўзгарипларнинг яқол самарасидир. Дарҳақиқат, ҳуқуқ тушунчаси, моҳияти ва ижтимоий вазифаси таҳлили ҳуқуқ факат инсонгагина даҳлдор ҳодиса эканлигини кўрсатади. Шу

<sup>1</sup> Сорокин П. Человек. Цивилизация. Общество. М., 1992, 503-бет.

нуктаси назардан инсон ҳуқуқлари энг олий қадрият, айни чогда бетакрор ижтимоий воқелик саналади. Инсон ҳуқуқ ва эркинликларини, ор-номуси, шаъни, қадр-қиммати, обрӯ-эътибори, дахлсизлиги, хавфсизлигини таъминлаш, сақлаш ҳуқуқнинг энг муқаддас ва энг шарафли вазифасидир. Шу каби ёндашувлардан келиб чиқиб айтганда, инсон ҳуқуқлари ҳуқуқшунослик (юриспруденция)нинг, ҳуқуқ фанининг, қолаверса, ҳуқуқ ва давлат умумий назариясининг бошлангич нуктаси ҳисобланади.

Шу ўринда яна бир масалага диқкатни жалб этишни истардик. Ислом динида ҳуқуқ тушунчаси қандай маъно касб этади? Чунончи, М.Ходурый исломга мувофиқ инсоннинг «шахсий хавфсизлик ҳуқуқи», «шахсий обрӯни ҳурмат қилиш», «тengлик», «адолат», «биродарлик»<sup>1</sup> каби ўзига хос бешта «ҳуқуқини санаб ўтади. Ҳуқуқ бу ўринда такво (адолат) сифатида тушунилади. Шу сабабли у «исломда инсон ҳуқуқлари – ...Аллоҳнинг марҳамати бўлиб, ҳокимият Яратганинг инон-ихтиёрида» эканлигини ҳақли равишда эътироф этади. Шунинг ўзиёқ Ходурый изланишлари исломий идрок сифатида бу муаммолар мажмуини тушуниш инсон ҳуқуқларининг расмий концепциясидан фарқ қилишини кўрсатади.

Хуллас, ҳуқуқни эркинлик, tengлик ва адолатнинг мезони, ўлчови сифатида эътироф этиш табиий ҳолга айланаб бормоқда. Айниқса ҳуқуқ моҳиятини теранроқ анлаган, идрок этган сари ҳуқуқнинг Аллоҳ инояти, неъмати, Тангри эҳсони эканлигига янада чуқурроқ амин бўлмоқдамиз. Шу билан бирга, эркин, демократик ҳуқуқий давлатнинг ҳамда адолатли фуқаролик жамиятининг ўзига хос муҳим хусусиятларидан бири ҳам ҳуқуқнинг олий даражадаги ҳукмронлигидир. ҳуқуқий бошқарилишидир. Чунки ҳуқуқий давлатда ҳамма нарса, ҳар қандай масала адолатли қонунлар, ҳуқуқий меъёрлар асосида ҳал этилади. Шунинг учун ҳам ҳуқуқий давлат ҳуқуқий қонун асосида яшайдиган, ҳуқуқий қонун белгилаб берган чизиқдан ҳар қандай ҳолатда ҳам чиқмайдиган давлатдир.

Умуман олганда, ҳуқуқ масалаларини юридик фан нуктаси назаридан чуқур ва изчил тадкиқ қила бориш, бир томондан, мамлакатимизда фуқаролик жамияти асосларини яратиш ва инсонпарвар демократик ҳуқуқий давлат қуришнинг кўп жи-

<sup>1</sup> Khaddury M. Human Rights in Islam // The Annals 243:77-81 // Alston Ph. (ed.) Human Rights Law. N.Y. 1996

ҳатдан самарали ва мукаммал бўлишини таъминласа, иккинчи томондан, ҳуқуқий билимли ва маданиятли, мустақил-лигимизни ҳар доим астойдил асрраб-авайловчи, ҳимояловчи фуқароларни, айниқса ёшларни камол топтириш имконини беради. Бу ҳол Ватанимиз юксалишига, унинг тараққиёт уфқлари янада ойдинлашишига хизмат қилувчи назарий-амалий янги фикр ва гоялар юзага келишида муҳим аҳамият касб этиши шубҳасиз.

## МУНДАРИЖА

Кириш.....	3
Хуқуқ тушунчаси, мохияти, ижтимоий вазифаси.....	6
Ижтимоий муносабатларни норматив тартибга солиш – объектив зарурат.....	6
Кишилар ўртасидаги муносабатларини артибга солишга йўналтирилган ижтимоий нормалар тизими.....	23
Хуқуқий нормаларнинг ахлоқий ва бошқа ижтимоий нормалардан фарқи.....	29
Корпоратив нормалар, уларнинг хусусиятлари ва ахамияти.....	42
Хуқуқ нормалари на урф-одатлар нисбати.....	46
Ижтимоий муносабатларни норматив тартибга солувчилардан бири сифатида хуқуқнинг тушунчаси, мохияти, белги хусусиятлари.....	49
Хуқуқ принциплари.....	77
Хуқуқ ва давлатнинг ўзаро нисбати.....	85
Хуқуқнинг функциялари.....	94
Хуқуқ ва сиёсатнинг ўзаро нисбатлари: хуқуқий ва сиёсий нормалар.....	102
Хуқуқ ва иқтисодиёт.....	107
Хуқуқнинг ижтимоий қиммати.....	116
Хуқуқ назарияси мактаблари.....	121
Ҳозирги замон тушунчасида хуқуқ.....	132

**З.М. ИСЛОМОВ**

**ХУҚУҚ ТУШУНЧАСИ, МОҲИЯТИ,  
ИЖТИМОИЙ ВАЗИФАСИ**

*Мұхаррір: Л.Құчқорова.*

*Техник мұхаррір: М.Мирзалиев.*

*Компьютерда сағиғаловачи: Б.Юлдашев.*

**Босишга рухсат этилди: 17.11.03.**

**Хажми: 8,8. б.т. Адади: 1000. Буюртма: № 251  
Тошкент шаҳри, Сайилгоҳ 35.**